

1572
.1573

22 8
U-15 8

2 Mr. Webster signed
"u"
August 4 Regan

Հրատարակութիւն „Թիֆլվի Ընկ. հայերէն գրքերի հրատար.“

25 ԱՐ № 21

ՍՐԲԱԶԱՆ ՊԱՏՄՈՒԹԻՒՆ

22
Վ-15

ՀԻՆ-ՌԻԽՏԻ

ԱզսկերտաՅ ԵՒ ԱզսկերտուչեաՅ ՀԱՄԱՐ

„Եկաէք որդեակք իմ եւ լուարուք ինձ.
Եւ զերկիւդ Տեառն ուսուցից ձեզ“:

Առջնորդ

ՀԱՏՈՐ Ա.

Աշխատափեց

ՍԱՀԱԿ ՔԱՀԻՆԱՅ ՍԱՀԱԿԵԱՅ

ՏՓԽԱՅ
Տպարան Յովհաննէս Մարտիրոսեանցի
1888

28291-4-2



Дозволено цензурою. Тифлісь, 30 Мая 1888 г.

Հ Ի Ն - Ա Ւ Խ Տ

2001



11398-57

Типог. И. Мартиросіанца, Орбел. ул., д. 1/2

Ա Զ Դ

Այս գրքովիկի («Սրբազն պատմութիւն») նիւթեմշակութիւնը տպագրուած է առանձին—«Գասագերք կրօնի» անունով:

Մեր կարծիքով աշակերտաց ձեռքը սրբազն պատմութեան մի առանձին դասագիրք տալն աւելորդ է, ամենաընտիր և նպատակայարմար դասագիրքը հէնց Սուրբ գերքը՝ բնագիրն է։ Բայց որովհետև մեր մէջ այդ բանը մի քանի դժուարութիւններ ունի, չասեմ անկարելիութիւնք, մանաւանդ ստորին դասատանց համար—զորօրինակ լեղուն, գրքի ստուարութիւնը, գինը, հազուագիւտ լինելը, ուստի ի հարկէ ստիպեալ՝ մեր նպատակին հասնելու համար՝ այսինքն մեր ցանկացած կրօնական-բարոյական խմաստնելը սաներին հաղորդելու համար, քաղուածօրէն ընտրեցինք այս նիւթերը՝ ըստ կարեւոյն պահպանելով բնագրի ոճը։

Տայ Աստուած, որ հասակով և սրտով մանուկները նոյնչափ սիրեն այս գրքովիկ՝ որչափ և սորաբնագիրը։

Ա. Ք. Ա.

Տիկիս 1888 ամի։



ՅԱՆԿ

ՀԻՆ ԿՏԱԿԱՐԱՆ

Ա.

ՆԱԽԱՊԱՏՄԱԿԱՆ ԴԱՐ

§

	Երես
1 Աշխարհի արարչագործութիւնը և մարդու ստեղծագործութիւնը	1
2 Գրախատ	4
3 Պատուիրանազանցութիւն	5
4 Կայէն և Արէլ	7
5 Ճրհեղեղ	9
6 Բաբելոնի աշտարակաշինութիւնը	12

Բ.

ՆԱԽԱՊԵՏՆԵՐԻ ԴԱՐ

Ա. Ա Բ Բ Ա Յ Ա Մ

7 Աստուած կանչումէ Աբրահամին	13
8 Աբրահամը և Ղովտք բաժանւումն իրարից	14
9 Աբրահամն ազատումէ Ղովտին	15
10 Աստուծոյ խոստումն Աբրահամին	16
11 Աբրահամը, բարեխօսումէ Աստուծուն Սոդոմ և Գոմոր քաղաքների համար	18
12 Սոդոմ և Գոմոր քաղաքների կործանումն	20
13 Իսահակի ծնունդը և զոհութիւն	22
14 Սառայի մահը	24
15 Իսահակի ամուսնութիւնը	25
16 Աբրահամի մահը	29

Բ. Ի Ս Ա Յ Ա Կ

17 Եսաւ և Յակով	29
18 Յակովի խաբերայութիւնը	30

Գ. Յ Ա Կ Ո Վ Բ

19 Յակովի փախուստը	33
------------------------------	----

20 Յակովի տեսիլքը	35
21 Յակովի լաբանի մօտ	36
22 Յակովի փախչումէ լաբանի մօտից	38
23 Եսաւի և Յակովի հաշտութիւնը	41

Դ. Յ Ա Վ Ս Է Փ

24 Յովսէփի և իւր եղբայրները	44
25 Յովսէփի Պետափրէսի տանը	47
26 Յովսէփի բարձրանալը	48
27 Յովսէփի եղբայրները գալիս են Եգիպտոս .	53
28 Յովսէփի յայտնուումէ եղբայրներին	59
29 Յովսէփի Եգիպտոսում	63
30 Յովսէփի մահը	67

Գ.

ԴԱՏԱԽՈՐՆԵՐԻ ԴԱՐ

Ա. Մ Ա Վ Ս Է Ս

31 Իսրայէլի նեղութիւնները Եգիպտոսում	69
32 Մովսէսի ծնունդը և ազատութիւնը	70
33 Մովսէսի փախուստը	72
34 Աստուած կանչում է Մովսէսին	73
35 Եգիպտոսից դուրս գալը	75
36 Կարմիր ծովն անցնելը	78
37 Իսրայէլացիներն անցնում են անապատով .	80
38 Յոթորի բարի խորհուրդը	83
39 Մինայի օրէնստուութիւնը	85
40 Ասկէ հորթ	88
41 Լրտեսներ	90
42 Մովսէսի մահը	93

Բ. Յ Ե Ս Ո Ւ

43 Յեսուն նուաճում է Քանանը	95
44 Յեսուի մահը	100
Գ. ՄԻՒՆ ԴԱՏԱԽՈՐՆԵՐԸ	
45 Գեղէոնը որպէս իսրայէլի դատաւոր	101
46 Սամփսոն	104

47	Հոռովթ	108
48	Հեղի և Սամուէլ	110

Պ.

ԹԱԳԱՄԻՈՒՆԵՐԻ ԴԱՐ

Ա. Ս Ա Խ Ո Խ Ղ

49	Սաւուղը գառնում է թագաւոր	115
50	Յովնաթանի քաջազործութիւնը	119
51	Սամուէլը բաժանում է իր պաշտօնից .	121
52	Սաւուղի անհնազանդութիւնը	122

Բ. ՍԵԽՈԽՂ ԵՒ ԴԱԽԻԹ

53	Դաւթի թագաւոր ընտրուիլը	124
54	Դաւթի գալիս է Սաւուղի արքունիքը .	125
55	Դաւթի և Գողիաթ	126
56	Սաւուղն ատում է, իսկ Յովնաթանը սիրում է Դաւթին	129
57	Դաւթի մեծահոգութիւնը դէպի Սաւուղ .	134
58	Սաւուղի մահը	138

Գ. Գ Ա Խ Ի Թ

59	Դաւթի որպէս թագաւոր	140
60	Դաւթի մեղանչում է	143
61	Աբիսողոմ	145
62	Դաւթի մահը	149

Դ. Ս Ո Ղ Ո Մ Ո Ն

63	Սոլոմոն թագաւորը	151
64	Սոլոմոնի տաճարի շինութիւնը	154
65	Սոլոմոնի փառքը, ընկնիլը և մահը .	157

Ե. ԹԱԳԱՄԻՈՐՈՒԹԵԱՆ ԲՆԺԱՇԽԻՄՆ ԵՒ ՎԵՐՋ

66	Թոբովամ և Յերոբովամ	160
67	Եղիա	162
68	Աքաարը մեղանչում է Նաբովթի դէմ և Եղիայի մահը	167
69	Իսրայէլի և Յուդայի թագաւոր, կործանումն	169
70	Բարելոնի գերութիւնը և նորա վախճանը .	174



Ա.

ՆԱԽԱՊԱՏՄԱԿԱՆ ԴԱՐ

§ 1.

Աշխարհիս արարչագործութիւնը և
մարդու ստեղծագործութիւնը:

Ա.

ա.

Աստուած սկզբում ստեղծեց երկինքն ու երկիրը:
Երկիրն անպատճաստ էր և խաւարով ծածկուած:
Աստուած ասաց. «Թող լոյս լինի» և իսկոյն լոյս
եղաւ: Աստուած բաժանեց լոյսը խաւարից—լուսոյ
անունը դրեց ցերեկ, իսկ խաւարինը՝ գիշեր: Այսպէս
ցերեկից և գիշերից կազմեց առաջին օրը:

Բ.

Աստուած ասաց. «Թող հաստատութիւն լինի
ջրերի մէջ, որպէսզի նոցա միմեանցից բաժանէ»:
Աստուած ստեղծեց հաստատութիւնը և բաժանեց
նորա վերեկ և ներքեկ ջրերը միմեանցից: Հաստա-
տութեան անունը դրեց երկինք: Այսպէս անցաւ էլի
մի ցերեկ և մի գիշեր ու դառաւ մի օր՝ երկրորդ օր:

Գ.

Աստուած ասաց. «Թող երկինքի տակի ջրերը մի

տեղ հաւաքուեն. թող ցամաքը բաժանուի ջրերից»։ Այսպէս էլ եղաւ. Աստուած ցամաքի անունը դրաւ երկիր, իսկ ջրերինը՝ ծով։

Աստուած ասաց. «Թող երկրիս վերայ կանաչեն խոտեր, ծաղիկներ, պտղատու ծառեր և ամենքն էլ իրանց կերպով պտուղ տան։ Այսպէս էլ եղաւ. Անցաւ էլի մի գիշեր և մի ցերեկ ու դառաւ մի օր՝ երրորդ օր։

Աստուած ասաց. «Թող երկնքի վերայ լուսաւորներ երևան ու երկիրս լուսաւորեն»։ Այն ժամանակ Աստուած պատրաստեց մի մեծ լուսաւոր՝ ցերեկը և մի փոքր լուսաւոր՝ գիշերը կառավարելու համար. բացի գորանից ստեղծեց նաև շատ աստղեր։ Այսպէս անցաւ էլի մի ցերեկ և մի գիշեր ու դառաւ մի օր՝ չորրորդ օր։

Ե.

Աստուած ասաց. «Թող ջրերը լքցուին ձկներով, իսկ օդը՝ թռչուններով»։ Այն ժամանակ ջրերը լըքցուեցան բազմաթիւ կենդանիներով, իսկ օդի մէջ թռչում էին ամեն տեսակ թռչուններ։ Այսպէս անցաւ էլի մի գիշեր և մի ցերեկ ու դառաւ մի օր՝ հինգերորդ օր։

Պ.

Աստուած ասաց. «Թող երկրիս վերայ լինին չորքոտանի կենդանիներ—գաղաններ և զեռուններ»։ Այսպէս էլ եղաւ։

Աստուած ասաց. «Եկէք մարդ էլ ստեղծենք» և ստեղծեց մարդուն։

Աստուած նայեց իւր բոլոր ստեղծուածների վե-

րայ ու տեսաւ որ ամենքն էլ բարի են։ Անցաւ էլի մի գիշեր և մի ցերեկ ու դառաւ մի օր՝ վեցերորդ օր։

«Զի նա ասաց՝ եւ եղեն, ինքն հրամայեաց՝ եւ հաստատեցան»։ Սաղ. լր. 9.

Ինչպէս որ Աստուած ասաց, այնպէս էլ եղաւ, հրամայեց ու կատարուեց։

«Ո՞րպէսզի մեծ են գործքերն, Սէր, զամենայն ինչ իմաստութեամբ արարեր, եւ լցաւ երկիր ստեղծուածովք քովք»։ Սաղ. ճգ. 24.

Ինչպէս մեծ են քո գործքերն, Աստուած, դու ամենայն բան իմաստութիւնով ստեղծեցիր ու երկիրը լքցուեց քո ստեղծուածներով։

Բ.

ա.

Աստուած ասաց. «Եկէք մարդ էլ ստեղծենք, որպէսզի նա իշխէ ծովի ձկներին, երկնքի թռչուններին, անասուններին և գեռուններին, որոնք սուզում են ամբողջ երկրիս վերայ։

Բ.

Աստուած ստեղծեց մարդուն իւր պատկերի՝ իր նման—վեր առաւ երկրից. հող ու նրան կենդանի շունչ փչելով տուեց անմահ հոգի և անունը դրեց Աղամ։

Պ.

Աստուած ասաց. «Լաւ չէ մարդու համար, որ նա միայնակ լինի, ստեղծենք Աղամի նման մէկը, որ նրան օգնական լինի»։ Այն ժամանակ Աստուած Աղամին քնացրեց, հանեց նորա կողերից մինը ու

նորա համար մի օգնական՝ կին ստեղծեց, անունը դրեց Եւա ու բերեց Աղամի մօտ։ Աստուած օրհնեց նրանց և ասաց. «Աճեց՛ք, բազմաց՛ք և լքցր՛ք երկիրը ու տէր եղէք բոլոր անասուններին, թռչուններին և գեռուններին»։

Դ.

Այսպէս Աստուած երկինքն ու երկիրը իւր բոլոր պատկանելիքներով վեց օրում ստեղծեց, իսկ եօթներորդ օրում հանդստացաւ իւր բոլոր գործքերից։

«Խոստովան եղէց քեզ, Տէր, զի ահեղ եւ սքանչելի ես. սքանչելի են դորձք քո, եւ անձն իմ սիրեաց յոց»։ Սաղ. ճլր. 14.

Խոստովանում եմ քեզ, Աստուած, որ դու մեծ ես և հրաշալի, զարմանալի են քո դորձերն և ես սիրեցի քեզ շատ և շատ։

«Մեք սիրեացուք զԱստուած, վասնզի նախ նա սիրեաց զմեզ»։ Ի. թ. Յովհ. դ. 19.

Մենք պէտք է սիրենք Աստուծուն, որովհետեւ նա ինքն առաջ սիրեց մեզ։

§ 2.

Պրախտ։

Աստուած տնկեց Եգեմի մէջ մի գեղեցիկ պարտէզ՝ անունը դրախտ դրաւ և զարդարեց նորան ամեն տեսակ ծառերով։ Ծառերը շատ գեղեցիկ էին և հիանալի պտուղներ ունէին։ Աստուած բնակեցրեց Աղամին և Եւային արդ պարտիզի մէջ, որպէսզի մըշակեն նորան, պահեն—պահպանեն։

Երբ Աստուած ստեղծեց ամեն տեսակ կենդանիները և թռչունները, պատուիրեց Աղամին և Եւային, որ ինամք տանեն նրանց վերայ։ Աղամը տեսնելով բոլոր կենդանիները, նրանց ամեն մինին, յարմարաւոր անուններ տուաւ։

Պարտիզի մէջ տեղում երկու ծառեր կալին— «Ծառ կենաց» և «Ծառ գիտութեան բարւոյ և չարի» անուններով։

Աստուած պատուիրեց Աղամին ու Եւային և ասաց. «Պարտիզի միջի բոլոր ծառերի պտուղներից կարող էք ուտել, բացի այն մէկ ծառի պտղից, որի անունը ծառ գիտութեան բարւոյ և չարի է, հէնց որ նորանից ուտէք, իսկոյն կմեռնէք։

«Քանզի այս էսէրն Աստուծոյ, եթէ զպատուիրանս նորա պահեացուք. եւ պատուիրանք նորա չեն ինչ ծանունք»։ Թ. Յովհ. ե. 3.

Նորանով կարող ենք ցոյց տալ Աստուծուն, թէ իրան սիրում ենք, եթէ նորա պատուիրանները պահենք, իսկ նորա պատուիրանները ծանր բաներ չեն։

§ 3.

Պատուիրանազանցութիւն։

ա.

Օձը երկրիս վերայի բոլոր կենդանիներից իմաստունն էր. նա եկաւ Եւայի մօտ և ասաց. «Ուզի՞լ է որ Աստուած ասել է ձեզ, թէ պարտիզի միջի բոլոր ծառերի պտուղներից չուտէք»։ Կինը պատախանեց օձին. «Պարտիզի միջի բոլոր ծառերի պտուղներից

իրաւունք ունինք ուտելու, բացի այն ծառի պտղից, որը պարտիզի մէջ տեղումն է, եթէ նրանից ուտենք կմեռնենք»: Յձը նորից խօսեց կնոջ հետ և ասաց. «Դուք չէք մեռնիլ, ընդհակառակն, եթէ ուտէք, դուք էլ Աստուած կդառնաք և կիմանաք թէ որն է բարին և որն է չարը:

բ.

Կինը հաւատաց օձին, կարծեց թէ այդ ծառի պտղից ուտելը լաւ է. երկի մի նշանաւոր ծառ պիտի լինի, որ նորա պտուղն ուտողը իմաստուն է դառնում, ուստի վեր առաւ պտուղը և կերաւ. կինը մարդուն ևս տուաւ այդ պտղից. նա էլ առաւ և կերաւ:

գ.

Այս բանից յետոյ իսկոյն լսեցին Աստուծոյ ոտի ձայնը պարտիզի միջից. վախեցան և ամաչում էին, դորա համար էլ թաք կացան: Երբ Աստուած այս բանը տեսաւ, ձայն տուաւ Ադամին և ասաց. «Որտեղ ես»: Ադամը պատասխանեց. «Վախենում եմ, դորա համար էլ թաքնուեցայ»: Աստուած ասաց. «Չինի՞ թէ այն ծառի պտղիցը կերար»: Ադամը պատասխանեց. «Այս կինը, որ դու ինձ տուիր, նա տուաւ ինձ և ես կերայ»: «Աստուած կնոջն ասաց. «Այդ բնչ ես արել»: Կինը պատասխանեց. «Յձը խաբեց ինձ ու ես էլ կերայ»:

դ.

Այն ժամանակ Աստուած ասաց օձին. «Անիծեալ լինիս բոլոր կենդանիների մէջ. փորիդ վերայ սողաս, և հող ուտես քո ամբողջ կեանքում»: Յետոյ դար-

ձաւ դէպի կինը և ասաց. «Քո վշտերը կշատացնեմ, ցաւով որդի կծնես», իսկ Ադամին դառնալով՝ ասաց. «Ոլովկետև դու ինձ լսեցիր, այդ պատճառով այն կտոր հացը, որ պիտի ուտես, երեսիդ քրտնքովը ձեռք բերես՝ մինչեւ որ նորից հող կդառնաս, որտեղից որ ստեղծուեցար»:

Սորանից յետոյ դուրս արաւ Աստուած Ադամին և Եւակին գրախտից. նրանք սկսեցին հողագործութեամբ պարապել. իսկ դրախտի գրանը՝ հրեղէն սուրը ձեռին մի հրեշտակ պահապան կանգնացրեց:

«Ոչ թէ դու Աստուած կամիս զանօրէնութիւն, եւ ոչ բնակին առ քեզ չարք, մի անօրէնք բնակեսցին առաջի աշաց քոց»: Սաղ. ե. հ.

Աստուած, դու անօրէնութիւն չես սիրում, դու չարքան չես մտածում, դու չես համբերում, որ անօրէնները քո աշքի առաջ լինին:

«Աստուած հատուցանէ իւրաքանչիւր ըստ գործս իւրեանց»: Թ. ա. չոմ. բ. 6.

Աստուած ամենքին էլ իրանց գործքի համեմատ է հատուցանում:

Պայէս և Աբէլ

ա.

Ադամ և Եւան երկու որդի ունեցան—առաջինի անունն էր Կայէն, իսկ երկրորդինը՝ Աբէլ: Աբէլը խաշնարած էր, իոկ Կայէնը՝ երկրագործ: Մի անգամ երկու եղբայրները Աստուծուն զոհ բերին—Կայէնը իւր մշակած դաշտի պտուղներից, իսկ Աբէլը իւր

Խաշների միջի անդրանիկ գառներից: Աստուած Աբէլի մատաղը սկրով ընդունեց. իսկ Կայէնինը՝ ոչ: Ասքանի վերայ Կայէնը խիստ բարկացաւ. Աստուած ասաց Կայէնին. «Ի՞նչու ես այդպէս տրտմել, ի՞նչու է քո դէմքը փոխուել, եթէ դու բարի բան զործես, Աստուած կսիրէ, իսկ եթէ ոչ՝ յանցանքը դրան մօտն է»:

Բ.

Զնայելով Աստուածոյ այս խօսքերին, Կայէնը դարձեալ ոխը սրտից չհանեց և մի անդամ՝ երբ դաշտումն էին, խփեց Աբէլին և սպանեց:

Այն ժամանակ Աստուած ասաց Կայէնին. «Ուր է քո Աբէլ եղբայրը»: Կայէնը պատասխանեց. «Զգիտեմ, միթէ ես նորա պահապանն եմ»: Աստուած ասաց նորան. «Քո եղբօր արիւնի ձայնը գանգատվում է ինձ, երկրիս վերայ դու անիծեալ կինիս. քո մշակած ազարակը ոչինչ պտուղ չի տայ. դու երկրիս վերայ երերեալ և տատանեալ կթափառիս»:

Գորանից յետոյ՝ Կայէնն իսկոյն հեռացաւ այնտեղից ու գնաց մի ուրիշ երկիր: Աստուած Ագամին և Եւային մի որդի ևս պարզեց, որին անուանեցին Աէթ. որը յաջորդները բարեպաշտ մարդիկ էին:

«Ամենայն որ ատեայ զեղբայր իւր՝ մարդասպան է»,
I.թ. Յովհ. գ. 15:

Ով որ իւր եղբօրն ատէ, նա մարդասպան է:

§ 5.

Ջրհեղեղ:

ա.

Պարդիկ երկրիս վերայ կամաց—կամաց բազմանում էին, ուստի և երկիրը նոցա բնակութեան համար հետզհետէ փոքրանում էր: Այս մարդիկը քանի դնում միշտ և միշտ վատանում էին—նրանք Աստուածուն ըոլորովին մոռացան, նրա ասածներն այլ ևս չէին կատարում: Աստուած երկար ժամանակ համբերեց այս բաներին, բայց երբ նրանց չարութիւնը չափիցն անցաւ, Աստուած ասաց. «Ես այդ մարդկանց պէտք է ջնջեմ երկրիս երեսից»: Այդ միևնուն ժամանակում ապրում էր մի մարդ նոյ անունով. որը Սեթի ցեղիցն էր. նա շատ բարեպաշտ էր և դորա համար էլ Աստուած սիրում էր նորան:

Բ.

Այն ժամանակ Աստուած Նոյին ասաց. «Ես կամենում եմ ջրհեղեղով կործանել այդ չար մարդկանց. դու քեզ համար մի տապան շինիր՝ բազմաթիւ սենեակներից բաղկացած, կպրով ծեփիր նորան թէ դրսից և թէ ներսից: Այդ տապանի մէջ կմտնես գու և քո որդիքը, բացի այդ կվերցնես ամեն տեսակ կենդանիներից մի մի զոյգ, նոյնպէս ամեն տեսակ կերակուր՝ թէ քեզ և թէ կենդանիների համար»: Նոյն էլ այնպէս արեց, ինչպէս որ Աստուած հրամայել էր:

Գ.

Երբ նաւը պատրաստ էր, Աստուած Նոյին ասաց.

«Մտիր տապան դու և քո ամբողջ ընտանիքը»: Նոյն էլ մտաւ տապան իւր երեք որդիներով, կնոջով և հարսներով. ներս առաւ նմանապէս և ամեն տեսակ կենդանի:

Աորանից յետոյ սկսեց սաստիկ անձրև դալ. երկրիս վերայի ըոլոր աղբիւրները բացվեցան և քառասուն օր ու քառասուն գիշեր շարունակ անձրև էր գալի՛: Ջուրը մեծացաւ և տապանը բարձրանալով, սկսեց լողալ նորա երեսին: Ջուրն այնքան բարձրացաւ որ ամենաբարձր լեռների գագաթներն անդամ ծածկուեցան. էլ ոչ մի կենդանի, ոչ մի մարդ չմնաց, որ չխեղդուէր:

Դ.

Հարիւր յիսուն օր ջուրն այսպէս ծով դառած՝ երկրիս երեսին կանգնած մնաց: Աստուած տեսնելով Նոյի վիճակը, հրամայեց քամիներին փչել. փակվեցան ըոլոր աղբիւրների աչքերը, և անձրևները կամաց—կամաց դադարեցան. ջուրն էլ սկսեց ընկնել՝ ցածրանալ: Տապանը լողալով՝ Արարատ (Մասիս) լեռան վերայ հանգստացաւ: Նոյը բաց արաւ տապանի պատուհանը և մի ագռաւ բաց թողեց: Ագռաւը յետ չեկաւ: Դորանից յետոյ մի աղաւնի արձակեց, բայց որովհետև նա ոչ մի հանգստանալու տեղ չգտաւ, ուստի յետ դարձաւ, Նոյը մեկնեց իւր ձեռքը և ներս առաւ:

Եօթն օրից յետոյ, Նոյը կրկին անդամ մի աղաւնի բաց թողեց: Աղաւնին երեկոյեան դէմ վերադաւաւ՝ բերանին ձիթենու շիւղ բունած: Նոյն էլի եօթն օր սպասեց և նորից աղաւնին արձակեց. այս

անդամ աղաւնին յետ չեկաւ: Նոյն իմացաւ, որ երկրիս երեսից ջուրը ցամաքել է:

Նոյը դուրս եկաւ տապանից իւր ընտանիքի հետ. այնտեղ նա մի սեղան շինեց և զոհ բերեց:

Այս բանն Աստուծուն դուր եկաւ, ուստի և ասաց. «Այս օրուանից սկսած ես այլ ևս երկիրը չեմ անիծի մարդոց չարութեան համար: Քանի որ երկիրս կայ, թող ցանքն ու հունձը անպակաս լինի, նոյնպէս ցուրտն ու տաքութիւնը, ձմեռն ու ամառը, ցերեկն ու գիշերը թող շարունակուին:

Աստուած Նոյին օրհնեց և նորա հետ դաշն կապեց, որ այսուհետև էլ ջրհեղեղ չի լինիլ: «Այս աղեղը ես նշանակում եմ երկնքի վերայ, նա թող նշան լինի իմ և քո ուխտին և երբ ես ամպերը երկրիս վերայով կտանեմ, աղեղն իսկոյն կերևայ և ես կիշեմ իմ ու քո ուխտը»:

Նոյն սկսեց երկրագործութիւնով պարապել և այդի տնկեց: Նա երեք որդի ունէր—Սեմ, Քամ և Յաքէթ. դոցա որդիքը բազմացան և լքցրին երկիրը:

«Պահէ տէր զամենեսին, ոչք սիրեն զնա, եւ զամենայն մեղաւորս սատակէ տէր»: Սաղ. ճիսդ. 20.

Աստուած իրան սիրողներին պաշտպանում է, իսկ մեղաւորներին ջնջում է:

«Նուազեցուցանեն զազդս մեղք»: Առակք Սոդ. ժդ. 34.

Յանցանքը մարդկանց կործանում է:

§ 6.

Բաբելոնի աշտարակաշինութիւնը:

ա.

Նոյի թոռները շատանալով՝ չուեցին դէպի արեւ-
մելք—Եփրատ ու Տիգրիս գետերի միջում հանդիպե-
ցան մի ընդարձակ գաշտավայրի, որի անունն էր
Սինար: Այդ մարդիկն ամենքն էլ մի լեզուով էին
խօսում. նրանք ասում էին միմեանց. «Եկէք աղիւս
պատրաստենք, թրծենք, մեծ քաղաք ու մեծ աշտա-
րակ շինենք, որի մի ծայրը երկինք հասնի, իսկ
մեւը երկրիս վերայ լինի. այդ շինութիւնը մեր
անունը անմահ կապահէ»: Ջինութիւնն սկսեցին: Աս-
տուած վերևից նայում էր, թէ մարդիկ ինչ են անում.
Նա ասաց. «Այս բոլոր մարդիկը, որոնք շինութեան
մասնակից են, մի լեզուով են խօսում իրար հետ, ես
կխառնեմ նրանց լեզուն, այլ ես մէկ մէկու չեն կա-
ռող հասկանալ»:

Բ.

Այսպէս էլ եղաւ: Ջինութիւնը դադարեց. մար-
դիկ սկսեցին բաբելոնից հեռանալ ու ցրուել կրկին
երկրիս զանազան կողմերը:

«Զի Աստուած ամբարտաւանից հակառակ կայ»:

I. թ. Պետ. ե. 5.

Աստուած ամբարտաւաններին հակառակ է:

Բ.

ՆԸՆՍՊԵՏՆԵՐԻ ԴԱՐ

Ա.

Ա Բ Բ Ա Հ Ա Մ

§ 7.

Աստուած կանչում է Աբրահամին:

ա.

Միջագետքի խառան քաղաքում մի մարդ էր
ապրում անունն Աբրահամ: Նորա հայրը կուռք էր
պաշտում, իսկ ինքը՝ ճշմարիտ Աստուածուն: Աստուած
ասաց Աբրահամին. «Թող քո հայրենիքը, քո բարե-
կամները, քո հօր տունը և գնայ այն երկիրը, որը
ես քեզ ցոյց կտամ. ես կամնենում եմ քեզ մեծ ազգ-
դարձնել. քեզ կօրհնեմ. քո անունը ամէն տեղ կը
տարածեմ. քո ձեռքով պէտք է օրհնուին երկրիս
վերայի բոլոր ազգերը»:

Բ.

Սորանից յետոյ Աբրահամը դուրս եկաւ իւր կին
Սառայի հետ. հետն առաւ իւր եղբօրողով կ կովտին,
ունեցած—չունեցածը և հեռացաւ դէպի Քանանու
երկրը: Երբ Քանանացւոց երկրը եկաւ ու Սիւքէմ
կոչուած հովիտը հասաւ, Աստուած երևեցաւ Աբրա-
համին և ասաց. «Այս երկրը տալիս եմ քեզ և քո
որդւոց»: Աբրահամն այնտեղ սեղան շինեց և Աս-
տուածով անունը փառաբանեց:

«Յալտեա առաջի Տեառն զճանապարհս քո եւ յուսա ի նա։ Սաղ. լզ. 5.

Աստուծուն յանձնիր քո ճանապարհը և յոցդ նորա վերայ դիր։

«Զի օրհնեսցես դու գարդարն Տէր»։ Սաղ. ե. 13.
Դու արդարներին օրհնում ես, Աստուած։

§ 8.

**Աբրահամը և Ղովար բաժանվում են
իրարից։**

Աբրահամը մի հարուստ մարդ էր, ունէր բազմաթիւ խաշներ, նոյնպէս շատ ոսկի և արծաթ։ Ղովար ևս հարուստ էր, ունէր բազմաթիւ խաշներ և անդէաներ։ Նրանց ընակութեան երկիրը շատ փոքր էր, այնպէս որ խաշներին բաւականութիւն չէր տալի, դորա համար ևս միշտ կռիւ և անբաւականութիւն էր պատահում Ղովար և Աբրահամի հովիւների մէջ։

Մի անգամ Աբրահամն ասաց Ղովարին. «Ի՞նչու պէտք է մեր հովիւների մէջ կռիւ պատահէ, չէ՞ որ մենք ազգականներ ենք. աւելի լաւ է բաժանութիւնք, եթէ դու ձախ կողմը կդնաս, ես աջ կերթամ, իսկ եթէ աջ կդնաս, ես ձախ կերթամ»։

Ղովտն ընտրեց իրան առաջ տարածուող Յորդանանի պաղաւէտ հովիւնը, որը հարուստ էր ջրերով և նման մի սիրուն պարտիզի։ Այսպէս երկուսն էլ բաժանուեցան միմեանցից—Աբրահամը ընակուեցաւ Քերոնի մօտ զտանուող Մամբրէի անտառում, իսկ

Ղովտը՝ Յորդանանի հովտում։ Նորա վրանները հասնում էին մինչև Սոդոմ քաղաքը։ Այո քաղաքի բընակիչները շատ վատ մարդիկ էին—նրանք Աստուծոյ ճանապարհով չէին գնում։

«Երանի խաղաղարարաց»։ Մատ. ե. 9.

Երանի խաղաղութիւն սիրողներին։

§ 9.

Աբրահամն ազատում է Ղովտին։

Պատահեց որ չորս թագաւորներ աղի ձորի (Սիդդիմ) վերայ յարձակուեցան։ Սոդոմ և Գոմոր քաղաքների թագաւորները դուրս եկան նրանց դէմ պատերազմելու։ Երկու թագաւորները յաղթուեցան, ժողովուրդը փախաւ լեռները։ Թշնամին աւար առաւ Սոդոմ և Գոմոր քաղաքների հարստութիւնները։ Ղովտը ևս գերի ընկաւ իւր խաշներով։

Այդ պատերազմի միջից մէկը՝ մի կերպով ազատվեցաւ, եկաւ Աբրահամին իմաց տուեց, որ իւր եղբօր որդի Ղովտը գերի է ընկել։ Աբրահամը երբ այս բանն իմացաւ, հաւաքեց ծառաներին, թուով երեք հարիւր տասն և ութն, ընկաւ թշնամու հետեւից և գիշեր ժամանակ յարձակուելով նոցա վերայ՝ ջարդեց թշնամուն և յետ առաւ բոլոր աւարը. դրանց հետ ազատեց Ղովտին, նորա կանանց և ամէնքին։

Երբ Աբրահամը պատերազմից վերադառնում էր, Սոդոմի թագաւորը նորա առաջը դուրս եկաւ ու ասաց. «Գերի առաջ մարդիկն ինձ, իսկ աւարը քեզ

լինի»: Աբրահամը պատասխանեց. «Երդվում եմ Աստուծոյ անսւնով, որ ես քո ունեցուածքի վերայ աչք չունիմ, մի տրեխի թել անդամ չեմ վերցնի քո հարատութիւնից»: Աբրահամը վերադարձաւ տուն:

«Սիրեսցես զընկեր քո իբրև զանձն քո»: III. Մովս. Ժ. 18.

Քո ընկերին պէտք է քեզ պէս սիրես:

§ 10.

Աստուծոյ խոստումն Աբրահամին:

III.

Այս բանից յետով Աստուծ երևաց Աբրահամին և ասաց. «Թի վախենար, Աբրահամ, ես քո պահապանն եմ, ես քեզ կվարձադրեմ»: Աբրահամը պատասխանեց. «Տէր, ինչ պիտի տաս ինձ, ես ծերացել եմ. մահս մօտ է. անորդի պէտք է մեռնեմ, իսկ իմ ծառայ Եղիազարի որդին ժառանգս լինի»:

Աստուծած ասաց. «Եղիազարի որդին քո ժառանգը չի լինի, այլ քո որդին պէտք է քեզ ժառանգ լինի»: Աստուծ հրամայեց Աբրահամին դուրս գալ վրանից ու ասաց. «Նայիր, Աբրահամ, համարիք ալդ աստղերը, եթէ համարել կարող ես. այսպէս էլ պէտք է քո զաւակները բազմացնեմ»: Աբրահամը հաւատաց Աստուծոյ ասածներին:

Աստուծած ասաց. «Ես քո Աստուծն եմ, ես կամենում եմ քեզ հետ դաշն կապել և քո զաւակները բազմացնել. ես կամենում եմ դաշը կապել քո

ժառանգների հետ և Քանանացւոց աշխարհը, ուր որ դու իբրև օտարական ապրում ես, նրանց տալ»:

Բ.

Մի անդամ՝ կէսօրուայ խիստ շոքի ժամանակ Աբրահամը նստած էր վրանի դրան առաջը, որը զտանկում էր Մամբրէի անտառում: Աբրահամը վեր նայեց և տեսաւ որ երեք անցուորականներ հեռուից դէպի ինքն են գալիս, իսկոյն վազեց նրանց առաջ, երկրպագութիւն տուեց և ասաց. «Տէր, եթէ քո ծառային յարգում ես, առանց նորա վրանը մտնելու մի՛ անցնիր. հանդստացիր փոքր ինչ այս ծառի տակ. ես ջուր կբերեմ և ձեր ոտները կը լուանամ. փոքր ինչ նախաճաշիկ կանէք, և յետոյ էլի ձեր ճանապարհը կշարունակէք»: Նրանք պատասխանեցին. «Թո՞ղ այդպէս լինի»:

Աբրահամը շտապեց դէպի վրանը՝ Սառայի մօտ ու ասաց. «Ճուտ արա, մի քանի նկաններ թխիր շարմաղ ալիւրից»: Իսկ ինքը գնաց հանդը տաւարի մօտ, մի մատաղ երինջ բերեց, տուեց ծառաներին որ մորթեն և հիւրերի համար կերակուր պատրաստեն: Աբրահամը բերեց կարագ, կաթն և հորթի մսից պատրաստած կերակուր. դրեց հիւրերի առաջ ծառի տակ և նրանք էլ կերան:

Այն ժամանակ հիւրերն ասացին Աբրահամին. «Ո՞ւր է քո կին Սառան»: Նա պատասխանեց. «Վրանումն է»: Հիւրերից մինն ասաց. «Եկող տարի այս ժամանակ Սառան մի որդի կունենալ»: Սառան, որ վրանի դրան յետեւում կանգնած էր, ծիծաղեց իրամէջ այս խօսքերի վերայ: Այն ժամանակ Տէրը հարց-



ըեց Աբրահամին. «Սառան ինչու է ծիծաղում, միթէ Աստուծոյ համար անկարելի բան կայ»: Օտարական-ները վեր կացան և գնացին:

«Երանի որոց ոչ իցէ տեսեալ եւ հաւատացեն»:
Յովհ. ի. 29.

Երանի նրանց, որոնք չեն տեսել, բաց հաւա-
տում են:

«Ուզիդ են պատգամք Տեառն, եւ ամենայն դորջք
նորա հաւատովք են»: Սաղ. լր. 4.

Աստուծոյ խօսքերը ճշմարիտ են, ինչ որ նա ասում-
է, կատարում է:

§ 11.

Աբրահամը բարեխօսում է Աստուծուն Սոդոմ և Գոմոր քաղաքների համար:

Օտարականները գնացին դէպի Սոդոմ. Աբրա-
համն էլ հետները գնաց նրանց ճանապարհ ձգելու:
Աստուծ ասաց. «Իմ միտքը ինչ ծածկեմ իմ ծառայ
Աբրահամից—Սոդոմ և Գոմոր քաղաքների մարդկանց
անկարգութիւնը չափիցն անցել է, գնում եմ տես-
նելու, արդեօք ուզիդ է այդ բոլորը, թէ ոչ»:

Երկու ճանապարհորդները գնացին դէպի Սոդոմ,
իսկ Աբրահամը Աստուծոյ առաջ կանգնեց ու ասաց.
«Միթէ դու արդարներին մեղաւորների հետ միասին
պիտի կործանես. եթէ քաղաքի մէջ 50 արդար լինի,
միթէ չես ների և միւսներին էլ. քայ լիցի, դու
արդարներին մեղաւորների հետ միասին չես պատժի».

դու որ ամենի դատաւորն ես, այդպէս չես վարուի»:
Աստուծած պատասխանեց. «Եթէ քաղաքի մէջ 50
արդար գտնեմ, միւսներին էլ նրանց սիրոյ համար
կներեմ»:

Աբրահամը նորից խօսեց ու ասաց. «Ես այժմ
Աստուծոյ հետ եմ խօսում. ես նորա ոտի հողն
ու մոխիրն եմ, թէրևս այնտեղ 40 արդար լինի:
Աստուծած պատասխանեց. «Քառասունի համար էլ
չեմ կործանի»: «Ի՞սկ եթէ 30 հոգի գտանուին»:
«Եթէ 30 հոգի գտանուին, դարձեալ ոչինչ չեմ ա-
նի»: Աբրահամը նորից ասաց. «Եթէ 20 հոգի գտա-
նուին»: Աստուծած պատասխանեց. «Քսանի համար
ես չեմ պատժի»:

Աբրահամը կրկնեց. «Մի բարկանար, Տէր, եթէ
մի անգամ էլ խօսեմ, իսկ եթէ 10 հոգի լինին»: Աս-
տուծ պատասխանեց. «Տասնի համար ես չեմ պատժի»:

Երբ այս խօսակցութիւնը վերջացաւ, Աստուծած
աներեցոյթացաւ, հրեշտակները գնացին դէպի Սոդոմ,
իսկ Աբրահամը տուն դարձաւ:

«Եւ արդ աղաչեմ նախ քան զամենայն՝ առնել
աղօթս, խնդրուածս, պաղատանս, գոհութիւնս փան
ամենայն մարդկան»: I. Տիմոթ. թ. 1—2.

Այժմ աղաչում եմ ամեն բանից առաջ աղօթք,
խնդրուածք և աղաչանք անել ամենայն մարդու
համար»:

«Բաց ոչ իմ կամք՝ այլ քոյց լիցին»: Ղուկ. լր. 42.

Ոչ թէ իմ կամքը, այլ քոնը թող լինի»:

«Մերձ է Տէր առ ամենեսեան որ կարդան առ
նա»: Սաղ. ճխդ. 18.

Աստուած մօտիկ է ամենքին, որոնք կանչում են
նրան:

§ 12.

**Սոդոմ և Գոմոր քաղաքների կործա-
նումն:**

Երկու հրեշտակները երեկոյնեան ժամանակ Սոդոմ քաղաքը հասան. Ղովտը նստած էր քաղաքի դրան առաջ: Հենց որ նա ճանապարհորդներին տեսաւ, տեղից վեր կացաւ, առաջ գնաց. զլուխ տուեց ու խնդրեց որ գիշերը իրա մօտ կենան. նա նրանց ոտները կլուանայ, իսկ առաւոտը էլի իրանց ճանապարհը կարող են շարունակել: Նրանք պատասխանեցին. «Ոչ, մենք գիշերը փողոցում պէտք է անցկացնենք»: Ղովտը շատ խնդրեց նրանց. վերջապէս համաձայնեցան նորա տուն գնալու: Նա հիւրասիրեց նրանց և ընթրիք պատրաստեց նրանց համար:

Երեկոյեան ժամանակ՝ Սոդոմ քաղաքի բնակիչները՝ ծեր և մանուկ Ղովտի տունը շրջապատեցին ու պահանջում էին նորանից օտարականներին՝ ասելով. «Յոց տուր մեզ այն մարդկանցը, որոնք քեզ մօտ եկան, դուրս բեր և մեզ լանձնիր»: Ղովտը դուրս գնաց տանից. կողպեց բակի դուռը ու լորդորում էր քաղաքացիներին իրանց պահանջից ձեռք վերցնել: Իսկ նրանք պատասխանեցին. «Դու լինք այստեղ օտարական ես, հերիք չէ, ուզում ես մեզ վերաց գատաւոր ևս լինել. չէ, մենք քեզ էլ նրանց հետ կպատժենք»: Քաղաքացիներն իսկոյն

յարձակուեցան Ղովտի վերայ: Այդ ժամանակ հրեշտակները դուրս եկան տանից, Ղովտին ներս առան ու դուռը ներսից կողպեցին: Սոդոմի բնակիչները կատաղութիւնից իրանք իրանց միսն էին ուտում, բայց ոչ մի կերպով չկարողացան ներս մտնել:

Հրեշտակներն ասացին Ղովտին. «Ո՞վքեր ունիս դու քաղաքում, նրանց էլ իմաց տուր և ի միասին դուրս եկէք, որովհետև Աստուած ուղարկել է մեզ այս քաղաքը կործանելու»: Ղովտը շտապեց իւր փեսաներէ մօտ և խօսեց նրանց հետ. «Վեր կացէք, շտապեցէք, դուրս եկէք քաղաքից, որովհետև Աստուած վճռել է այս քաղաքը կործանել»: Նրանք ծիծաղեցին Ղովտի այս խօսքերի վերայ: Առաւօտը ծագելուն պէս՝ հրեշտակներն ստիպեցին Ղովտին շտապելու, նմանապէս նորա կնոջը և երկու դուստրներին: Այն ժամանակ հրեշտակներն ասացին Ղովտին. «Ճտապիր, ազատիր գլուխդ, յետ չնայես, փախիր դէպի լեռները, որպէսզի չկործանուիք»:

Նրանց հեռանալուց յետոյ Աստուած ծծումբ և կրակ թափեց երկնքից Սոդոմ և Գոմոր քաղաքների վերայ, կործանեց, ջնջեց բոլոր մարդկերանց, նոյնպէս և շրջակայ երկիրները: Ղովտի կինը յետ նայեց և իսկոյն աղի արձան դարձաւ:

Աբրահամն առաւօտը վաղ վերկացաւ ու գնաց այն կողմը, ուր որ Տիրոջ հետ խօսում էր սորանից առաջ. նայեց Սոդոմ և Գոմոր քաղաքներին և ինչ տեսաւ—ամբողջ երկիրը ծխում էր, կարծես թէ հնոց լինէր:

«Ամբարիշտք եղեն յաւեր յանկարծակի, սատակեցան, պակասեցան կորեան վասն անօրէնութեան իւրեանց»: Սաղ. հբ. 19.

Ամբարիշտները յանկարծակի կործանուեցան, պակասեցան, սատակեցան և կորան իրանց անօրէն դորժքերի համար:

«Պահէ Տէր զամենեսեան ոյք սիրեն զնա, եւ զամենայն մեղաւորս սատակէ տէր»:

Աստուած իրան սիրողներին պաշտպանում է, իսկ մեղաւորներին կործանում:

§ 13.

Իսահակի ծնունդը և զոհվելը:

ա.

Որոշեալ ժամանակն անցնելուց յետոյ, ինչպէս որ Աստուած խոստացել էր, Սառան մի որդի ունեցաւ, որի անունը իսահակ դրին: Աբրահամն արդէն հարկւր տարեկան էր, երբ իսահակը ծնաւ: Մանուկն աճում էր, իսկ Աբրահամը ուրախանում:

բ.

Մի քանի տարուց յետոյ Աստուած ասաց Աբրահամին. «Աբրահամ»: Նա պատասխանեց. «Այստեղ եմ»: Աստուած ասաց. «Վեր առ քո միակ որդի իսահակին, որին դու շատ սիրում ես և դնա Մորէայի երկրը ու այնտեղ մի լերան վերայ, որը ես քեզ ցոյց կըտամ, զոհիր նորան»: Աբրահամն առսուօտը վաղ վեր կացաւ, համետեց էշը, փայտ պատրաստեց զոհի համար. հետը երկու ծառայ առաւ, նոյնպէս և իսահակին ու դնաց այնտեղ, ուր որ Աստուած նո-

րան ասել էր: Երեք օրից յետոյ Աբրահամը բարձրացրեց իւր աչքերը և տեսաւ հեռուից նշանակեալ երկիրը. նա ասաց իւր ծառաներին. «Մնացէք այստեղ, իսկ ես իսահակի հետ պէտք է գնամ այնտեղ աղօթելու»:

Իսահակը մատաղի փայտը շալակեց, իսկ Աբրահամը ձեռին բռնած ունէր զոհի կրակը և դանակը, երկուսն էլ միասին դնում էին: Իսահակը հարցրեց հօրը. «Հայր, կրակն ու փայտը այստեղ է, բայց ուր է մատաղացու ոչխարը»: Աբրահամը պատասխանեց. «Աստուած ինքը տեսնում է մատաղացուն»: Երբ որ նրանք լերան գագաթը հասան, Աբրահամը սեղան շինեց, փայտ դարսեց վրան, կապեց իսահակի ոտներն ու ձեռները և դրեց սեղանի փայտերի վերայ. յետոյ ձեռքը մեկնեց, վեր առաւ դանակը, որպէսզի իսահակին զոհէ:

Այն ժամանակ Աստուծոյ հրեշտակը ձայն տուեց երկնքից ու ասաց. «Աբրահամ, Աբրահամ, ձեռքդյետ քաշիր, ես իմացայ, որ դու Աստուծուն յարգումես. դու քո միակ որդին չխնայեցիր նորա համար», Աբրահամն աչքերը բարձրացրեց ու տեսաւ, որ ծառից մի խոյի գլուխ է կախ արած. նա դնաց, վեր առաւ խոյը և զոհեց նորան իւր որդի իսահակի փոխարէն:

Աստուծոյ հրեշտակը կրկին ձայն տուեց Աբրահամին՝ Աստուծոյ հրամանով ու ասաց. «Որովհետեւ դու քո միակ որդին չխնայեցիր, սորահամար ես քեզ օրհնում եմ. քո զաւակները թող երկնքի աստղերի և ծովի ափի աւաղի չափ բազմա-

նան, քեզանով պէտք է օրհնուին երկրիս վերայի բոլոր ազգերը»:

Այս բանից յետոյ վերադարձաւ Աբրահամը իւր ծառաների մօտ և այնտեղից նրանց հետ միասին դնաց դէպի Բերսաբէ, ուր և բնակվում էր:

«Երանեալ է այր, որ Համբերից փորձանաց. զի եթէ ընտիր ևս գտանիցի, առցէ զպսակն կենաց՝ զոր խոստացաւ սիրելեաց իւրոց»։ Թօ. Յակ. ա. 12.

Երանելի է այն մարդը, որը փորձութեանը համբերում է, որովհետև եթէ փորձուելով ընտիր դուրս գայ, կենաց պսակին պէտք է արժանանաց, ինչպէս որ Աստուած իւր սիրելիներին խոստացել է։

«Տէր ետ եւ Տէր առ, եղիցի անուն Տեառն օրհնեալ»։ Յովք. ա. 22.

Աստուած տուեց, Աստուած էլ առաւ, Նորա անունը թող օրհնուի։

§ 14.

Սառայի մահը։

Սառան 127 տարեկան էր. նա մեռաւ Քերոսնում, Աբրահամն սկսեց լալ և սուգ անել։ Երբ սպի օրերն անցան, վեր կացաւ դիակի վերայից ու ասաց այն երկրի բնակիչներին. «Միջնորդեցէք Եփրոնին, որ նա իմ ազարակի ծայրումը գտանուող կրկին այրն ինձ վաճառէ, ես կվճարեմ նորան, ինչ որ նա կը պահանջէ։ Եփրոնն ինքը եկաւ և ասաց. «Ազարակն արժէ 400 սատեր, թաղիք քո մեռեալին այնտեղ»։ Մարդկանց առաջին կշռեց Աբրահամը արծաթը և տուեց նորան. ազարակը կրկին այրի հետ միասին,

որ Մամբրէի մօտն էր գտանվում, դարձաւ Աբրահամի սեպհականութիւն։ Սորանից յետոյ թաղեց Աբրահամը Սառային այնտեղ՝ Մամբրէի մօտ և ալսպէս կրկին այրը դարձաւ նորա ժառանգական դերեզմանատունը։

«Եւ ի մեռելոց մի արգելուր զշնորհս»։ Սիրաք. է. 37.

Մեռելներին էլ պէտք է պատուել։

§ 15.

Խսահակի ամուսնութիւնը։

Աբրահամը հասել էր խորին ծերութեան. նա Աստուածանից ամեն տեսակ օրհնութիւն ստացել էր։ Աբրահամը կանչեց իւր աւագ ծառայ Եղիազարին, որը նորա բոլոր հարստութիւնը կառավարում էր ու ասաց նորան. «Երդուիր ինձ երկնքի և երկրի Աստուծոյ անունով, որ դու իմ Խսահակ որդու համար քանանացի աղջիկ կին չես ընտրի. այլ կդնաս իմ հայրենի քաղաքը՝ Խառան և այնտեղից իմ որդու համար կին կը նտրես. Տիրոջ հրեշտակը օդնական կինի քեզ այդ բանում և քեզ կառաջնորդէ»։ Եղիազարը երդում կերաւ և խոստացաւ տիրոջ պահանջը կատարել. առաւ իւր հետ մի քանի ծառաներ, տասն ուղտ և շատ ընծաներ բառնալով նրանց վերայ՝ ճանապարհ ընկաւ դէպի Միջագետքի Խառան քաղաքը։ Երբ որ Եղիազարը տեղ հասաւ, ուղտերին հանգիստ տուեց քաղաքից դուրս՝ մի ջրհորի մօտ։

Վրեւ մտնելու ժամանակն էր, կանայք սովորա-

բար գալիս էին այդ ժամին ջուր հանելու։ Եղիազարն սկսեց աղօթել և ասել. «Ո՞վ տէր, Աբրահամի Աստուած, ողորմիր ինձ և յաջողիր իմ դործը. այս քաղաքի աղջիկները կգան ահա ջուր հանելու այս տեղից. եթէ մի կոյս աղջիկ զայ և ես նորան ասեմ, կռացրու սափորդ ու ինձ ջուր խմացրու և նա. Էլ պատասխանէ, խմիր, ես քո ուղտաների համար ևս ջուր կհանեմ, նա կինք խահակի կինը։

Հաղիւ թէ այս խօսքերը վերջացրել էր, ահա գալիս է Բաթուէլի գուստը Ռեբեկան՝ սափորն ուսին դրած։ Նա մի գեղեցիկ աղջիկ էր։ Իջաւ ջրհորը, սափորը լքցրեց և կրկին բարձրացաւ։ Եղիազարը վաղեց նորա առաջ և ասաց. «Թոյլ տուր ինձ, որ փոքր ինչ ջուր խմեմ քո սափորից»։ Նա էլ պատասխանեց. «Խմիր»։ Այս ասաց և շտապով սափորը կռան վերայ իջեցրեց ու նրան ջուր խմացրեց։ Սորանից յետոյ աւելացրեց Ռեբեկան. «Ես քո բոլոր ուղտերի համար ևս ջուր կհանեմ»։ Յետոյ շտապեց գէպի դաշտը, որտեղից կենդանիները ջուր էին խմում ու այստեղ թափեց իւր սափորի ջուրը. նա կրկին անդամ ջըրհորից բոլոր ուղտաների համար ջուր հանեց։ Եղիազարը լուռ և մունջ, զարմացած նայում էր նորա արարմունքի վերայ։ Երբ ուղտաներին ևս ջուր խմացրեց, Ռեբեկային մի զոյտ ոսկեայ գինտ և երկու ապարանջան ընծայեց ու հարցրեց. «Ում աղջիկն ես դու, արդեօք քո հօր տանը կարելի է այս գիշել հիւր մնալ»։ Նա պատասխանեց նորան. «Ես Բաթուէլի դուստրն եմ, մենք շատ խոտ և դարձան ունինք քո ուղտաների, այլև տեղ իջւանելու համար։»

Եղիազարը դարձաւ և Աստուծուն շնորհակալութիւն էր անում ասելով. «Օրհնեալ է Աբրահամի Աստուածը, նա ինձ յաջողութեամբ առաջնորդեց դէպի իմ տիրոջ եղբօր տունը»։

Թեթեկան վագեց և պատմեց մօրն այս բոլորը։ Նա մի եղբայր ունէր Լաբան անունով։ Երբ սա տեսաւ քրոջ գինտը և ապարանջանները, վագեց դէպի ջրհորը և ասաց այնտեղ եղող օտարականին. «Ո՞վ Աստուծոյ օրհնեալ մարդ, ինչու ես մնացել այստեղ գուրսը, եկ մեր տուն»։ Նա առաջնորդեց Եղիազարին տուն, վեր առաւ ուղտաների բեռները ու կերակրեց նրանց, իսկ Եղիազարին ու նորա հետ եղող մարդկերանց համար ջուր բերեց ոտները լուանալու և յետոյ կերակրուր ևս բերեց։ Բայց Եղիազարը պատասխանեց. «Ես հայ չեմ ուտի մինչև իմ միտքը չյայտնեմ»։ Նրանք էլ ասացին. «Կսիր, ինչ է քո մտքինը»։ Եղիազարը պատմեց նրանց իւր ով լինելը, պատմեց թէ ով է իւր տէրը, թէ նա ինչ յանձնարարութիւն է արել իրան, թէ ինչ է աղօթել ջըրհորի մօտ և թէ ինչ հետեանք է ունեցել նորա աղօթքը։

Բաթուելը և Լաբանը պատասխանեցին. «Այդ Աստուծոյ կամքն է, մենք դորա դէմ ոչինչ չենք կարող ասել, վեր առ Ռեբեկային և տար, թող նա կին լինի քո տիրոջ որդուն, ինչպէս որ Աստուած կամեցել է»։ Այս խօսքերը լսելուց յետոյ, Եղիազարը ծունկ չոքեց Աստուծոյ առաջ և աղօթեց։ Սորանից յետոյ Եղիազարը հանեց արծաթեայ և ոսկեայ անօթներ, նմանապէս և հանդերձներ ու տուեց Ռե-

բեկալին, Լաբանին, այլև մօրը: Այնուհետև կերան,
խմեցին թէ ինքը և թէ իւր մարդիկը ու յետոյ
քննեցին: Առաւոտը վեր կացաւ Եղիսաբէրը և ասաց.
«Թոյլ տուէք ինձ, որ տիրոջս մօտ գնամ»: Բայց
Ռեբեկայի մայրը և եղբայրը պատասխանեցին. «Թոնդ
աղջիկը մի քանի օր ևս մնայ մեզ մօտ, յետոյ կարող-
ես գնալ»: Նա պատասխանեց. «Աստուած իմ գործը
յաջողել է, ինձ մի ուշացրէք, թողէք որ ես գնամ»:
Ծնողներն ատացին. «Կանչենք աղջկան և հարցնենք
նրան ևս, տեսնենք նա ինչ կասէ»: Կանչեցին Ռե-
բեկալին և հարցրին. «Կերթաս այս մարդու հետ»:
«Նա պատասխանեց. «Այո, կգնամ»: Այսպէս հեռա-
ցաւ Ռեբեկան իւր նաժիշտների և Աբրահամի ծա-
ռաների հետ: Նրանք օրհնեցին Ռեբեկային ու ա-
սացին. «Թոնդ քո ժառանդների հագարաւոր լինին»:
Ռեբեկան իւր նաժիշտների հետ ուղտերի վերայ նըս-
տեց ու ճանապարհ ընկան:

Իսահակը երեկոյեան ժամանակ դաշտ էր դուրս
եկել զրօննելու և ահա այստեղ նկատեց նա հեռուից,
որ տասն ուղտաներ են գալի. Ռեբեկան ևս հեռուից
իսահակին նկատեց, իսկոյն ուղտից վայր իջաւ և
հարցրեց ծառալին. «Ո՞վ է այն մարդը, որը դաշտի
միջով դէպի մեզ է գալի»: Ժառան պատասխանեց.
«Նա իմ տէրն է»: Ռեբեկան իսկոյն առաւ իւր քողը
և ծածկուեց նորանով: Ժառան պատմեց իսահակին
այն ամենը, ինչ որ նա խօսեցել էր: Իսահակը Ռե-
բեկալին իւր մօր վրանը տարաւ և դառաւ նրա
կինը ու շատ սիրում էր նորան:

«Յոց ինձ ճանապարհ յոր գնացից, զի առ քեզ,
Տէր, համբարձի զանձն իմ»: Սաղ. ճիսբ. 9.

Յոց տուր ինձ այն ճանապարհը, Աստուած, որով
ես պիտի գնամ, որովհետև իմ անձը դէպի քեզ բարձ-
րացրի:

§ 16.

Աբրահամի մահը.

Աբրահամը իւր բոլոր հարստութիւնը իսահակին
տուեց և մեռաւ խորին ծերութեան մէջ: Նա 175
տարեկան էր:

Իսահակը թաղեց նորան կրկին այրի մէջ՝ Մամ-
բրէի կաղնու մօտ, ուր թաղուած էր և նորա կին
Սառան: Աբրահամի մահուանից յետոյ Աստուած օրհ-
նեց իսահակին:

«Երանի մեռելոցն, որք ի տէր ննջեցին»: Յայտ.
Յովհ. ժդ. 13.

Երանի այն մեռելներին, որոնք տիրոջ յուսով նըն-
ջեցին:

Բ.

Ի Ս Ա Հ Ա Կ

§ 17.

Եսաւ և Յակովը:

Իսահակը երկու որդի ունեցաւ, մեծի անունը
Եսաւ էր, իսկ փոքրինը՝ Յակովը:

Եսաւը թաւոտ էր և պարապում էր որսորդու-
թիւնով ու հողագործութիւնով, իսկ Յակովը հան-

դարտ բնաւորութեան տէր լինելով՝ մնում էր տանը և մօրը օգնում ընտանեկան գործերի մէջ. նա սիրում էր և հոգուական կեանքը: Խսահակը Եսաւին էր սիրում և նորա բերած որսի միար մեծ ախորժակով ուտում էր, իսկ Ոերեկան՝ Յակովին:

Մի անգամ Յակովը ոսպէ թան էր եփել, Եսաւը դաշտից դադրած տուն վերադարձաւ և ասաց Յակովին. «Թոյլ տուր ինձ, եղբայր, քո ոսպէ թանից ուտել»: Յակովը պատասխանեց. «Դախիք ինձ վերայ քո անդրանկութիւնը, այն ժամանակ կստանաս ոսպէ թանը»: Եսաւն ասաց ինքն իրան. «Ես սովից մեռնում եմ, ել ինչիս է պէտք անդրանկութիւնը»: Յակովը ասաց. «Ուրեմն երդուիր ինձ այսօր, որ դու քո անդրանկութիւնից ձեռք ես վերցնում»: Եսաւը երդուեց և այսպէս վաճառեց իւր անդրանկութեան իրաւունքը: Այնժամանակ Յակովը տուեց նորան իւր ոսպէ թանը: Եսաւը կերաւ և խմեց. Վերկացաւ տեղից ու գնաց: Այսպէս ծախեց Եսաւը Յակովին իւր անդրանկութիւնը:

«Զի՞ բարի կամ զի՞ վայելուչ, զի՞ բնակին եղբարք ի միամին»: Սաղ. ճլբ. 1.

Ի՞նչ գեղեցիկ, ի՞նչ վայելուչ բան կլինի, եթէ եղբարքները միաբանութիւնով ապրեն:

§ 18.

Յակովի խաբեբայութիւնը:

Խսահակը ծերացել էր—137 տարեկան էր. նորա աչքերը լաւ չէին տեսնում. նա կանչեց Եսաւին ու

ասաց. «Ո՛րդի»: Եսաւը պատասխանեց. «Այստեղ եմ»: Խսահակն ասաց. «Ես արդէն ծերացել եմ, մեռնելուս օրերը չգիտեմ, այսօր կամ վաղը գուցէ մահս մօտենայ, առ քո աղեղը և կապարճը, գնա դաշտ, որսի միս բեր ինձ համար ու խորտիկ պատրաստի՛ր, որ ուտեմ և օրհնեմ քեզ»: Ոերեկան լսեց այս խօսքերը: Եսաւը դաշտ գնաց, որսաց և տուն դարձաւ:

Ոերեկան կանչեց Յակովին իւր մօտ և ասաց. «Ես լսեցի այն բոլորը, ինչ որ հայրդ Եսաւին պատուիրեց. նա ասաց Եսաւին, գնա դաշտ, որսի միս բեր ուտեմ և քեզ օրհնեմ քանի որ չեմ մեռել: Ուրեմն լսիր ինձ, շտապիք խաշների մօտ և երկու մատադ ուլ բեր, որպէսզի հօրդ համար նորա սիրական խորտիկը պատրաստեմ: Այս կերակուրը կտանես նորա մօտ, կուտէ և կօրհնէ քեզ մեռնելուց առաջ»: Յակովը պատասխանեց. «Իմ եղբայր Եսաւը թաւամազէ, իսկ ես լերկ, գուցէ հայրս ինձ շօշափէ, այնժամանակ ես խարեբայ կդուրս գամ նորա առաջ»: Մայրը պատասխանեց. «Գնա և այնպէս արա, ինչպէս որ քեզ ասացի»:

Յակովը գուրս գնաց, ուկերը բերեց ու մօրը տուեց: Նա ել նրանից կերակուր պատրաստեց, վեր առաւ Եսաւի թանկադին շորերը, հագցրեց Յակովին, ուլի մորթին ել թևերին ու պարանոցին վաթաթեց, ուր որ լերկ էր և կերակուրն էլ ձեռին տուեց: Յակովը գնաց հօր մօտ և ասաց. «Հ ալ»: Նա պատասխանեց. «Այստեղ եմ. ով ես դու, որդեակ»: Յակովը պատասխանեց. «Քո անդրանիկ որդի Եսաւն եմ, պատուէրդ կատարեցի, վեր կաց, նստիր, իմ բե-

Այս խօսքերն Ռեբեկայի ականջն ընկան, ուստի Յակովին իւր մօտ կանչեց և ասաց. «Քո եղբայր Եսաւը մտածում է քեզ սպանել, փախի՞ր, գնա Խառան իմ եղբայր Լաբանի մօտ, մինչեւ որ եղբօրդ բարկութիւնը կանցնի, յնտոյ ես մարդ կուղարկեմ քեզ իմաց անելու»: Ռեբեկան խօսեց այդ մասին Խսահակի հետ. Նա էլ Յակովին կանչեց, որն արդէն 77 տարեկան էր՝ դեռ չամուսնացած ու ասաց. «Գնա Միջազետք Բաթուելի տունը և ամուսնացի՞ր Լաբանի աղջիկներից մէկի հետ, որպէսզի դու էլ իմ սրտին ցաւ չպատճառես, ինչպէս Եսաւը, որը քանացւոց աղջիկներից իրան համար կին ընտրեց. թող ամենակարող Աստուածը օրհնէ քեզ, բազմացնէ քո ժառանգները և Աբրահամի օրհնութիւնը քեզ վերայ թափէ»: Յակովը լսեց իւր հօր և մօր խօսքին և հեռացաւ այստեղից դէպի Միջազետք:

«Իմ է վրէժիսնդրութիւն, եւ ես հատուցից՝ ասէ Տէր»: Թ. ա. Հովհ. բժ. 19.

Վրէժիսնդրութեան իրաւոնքը իմնէ, ես պէտք է հատուցանեմ, ասում է Աստուած:

«Զի արմատ ամենայն չարեաց՝ արծաթսիրութիւն է»: I. Տիմոթ. գ. 10.

Բոլոր չարութիւնների պատճառը արծաթսիրութիւնն է:

«Զի բարկութիւն մարդոյ զարդարութիւն Աստուծոյ ոչ գործէ»: թ. Յակ. ա. 20.

Բարկացած մարդը Աստուծոյ նման արդար բան չի գործի:

§ 20.

Յակովը տեսիլքը:

Յակովը գուրս եկաւ Բերսաբէցից և գնաց Խառան. արևը մտնելու ժամանակն էր, որ մի քար վեր առաւ, դրեց գլխի տակը և հանգստացաւ:

Նա այստեղ տեսիլքում տեսաւ մի սանդուղտ, որի մի ծայրը երկնքումն էր, իսկ միւսը՝ երկրիս վերայ և որի վերայով Աստուծոյ հրեշտակները բարձրանում և իջնում էին: Ինքն Աստուած այդ սանդուղտի վերևում կանգնած ասում է. «Ես եմ Աբրահամի և Խսահակի Աստուածը, այս երկիրը, ուր որ դու գտանվում ես, քեզ և քո ժառանգներին եմ տալի. քո ժառանգները ծովի աւազի նման կբազմանան և կտարածուին դէպի արևելք, արևմուտք, հարաւ և հիւսիս. քեզանով կօրհնուին բոլոր ազգերը երկրիս վերայ: Ես քեզ հետ կլինեմ և քեզ կպաշտպանեմ, ուր որ էլ դու գնալու լինիս. ես քեզ նորից այս երկիրը յետ կբերեմ»:

Երբ Յակովը քնից զարթեց, ասաց. «Անկասկած Աստուած այստեղ է և ես այդ չղիտէի»: Նա վախեցաւ և ասաց. «Այս տեղը սուրբ է, այստեղ Աստուծոյ տունն է, այստեղը երկնքի դուռն է»: Յակովը վեր առաւ այն քարը, որի վերայ քնել էր և արձան կանգնացրեց, իւղ ածեց նորա վերայ և այն տեղը տուն Աստուծոյ անուանեց:

Յակովը ուխտեց այստեղ և ասաց. «Աստուած ինձ հետ կլինի. նա կպաշտպանէ ինձ և ճանապարհները կցործ տայ, ուր որ ես գնալու լինեմ. նա ինձ

ուտելու հաց կտայ և հագնելու շոր. նա ինձ յաջո-
ղութեամբ և ողջ հալրենիք կերադարձնէ, դորա
համար էլ տէրն է իմ Աստուածը. այն քարը, որ
ես արձան կանգնացրի, Աստուծոյ տուն կլոչուի:

«Գթած ողորմած է Տէր, երկայնամիտ եւ բազում-
ողորմ»: Սաղ. ճբ. 8.

Գթած, համերող և ողորմած է Աստուած:

«Թէպէտ եւ գնացից ես իմէջ ստուերաց մահու,
ոչ երկեաց իշարէ՝ զի դու, Տէր, ընդիս ես: Յուպքո
եւ գաւազան, նոքա միխթարեսցն զիս»: Սաղ. իբ. 8.

Եթէ մութը հովիտների միջով էլ գնալու լինեմ,
էլի չեմ գախենայ չարից, որովհետև դու իմ հետն
ես, Աստուած, քո գաւազանը ինձ կպաշտպանէ:

§ 21.

Յակովը Լաբանի մօտ:

ա.

Յակովը վերկացաւ տեղից և գնաց դէպի արեւ-
ելք՝ իւր մօրեղբար Լաբանի մօտ: Դաշտի մէջ մի
ջրհոր տեսաւ, որի շուրջը երեք ոչխարի հօտեր մա-
կազած էին ու մի մեծ քար էլ նորա բերանին ձը-
գած: Յակովն ասաց հովիւներին. «Ո՞րտեղացի էք,
եղբայրներ»: Նրանք պատասխանեցին. «Խառանիցն
ենք»: Յակովը հարցրեց. «Ճանացնում էք Բաթուելի
որդի Լաբանին»: Նրանք պատասխանեցին. «Այն,
մենք նորան լաւ ենք ճանաչում, ահա նորա աղջիկ
Հռաքէլն էլ գալիս է իւր ոչխարների հետ»: Յակով-
ը Հռաքէլն տեսնելուն պէս, իսկոյն մօտեցաւ, վեր-

առաւ ջրհորի վերայի քարը և ոչխարներին ջուր
խմացրեց: Յակովը համբուրեց Հռաքէլն, բարձր ձայ-
նով լաց եղաւ ու յայտնեց նորան, որ ինքը Ռեքե-
կայի որդին է: Հռաքէլը տուն վագեց՝ այս լուրը հօ-
րը հաղորդելու համար: Երբ Լաբանն իմացաւ իւր
քեռորդի Յակովի գալուստը, շտապեց դէպի նա, գրր-
կեց նորան, համբուրեց ու տարաւ իւր տուն: Յակով-
ը պատմեց Լաբանին ինչ որ իւր գլխովն անցել էր:

Բ.

Մի ամիս անցնելուց յետոյ՝ Լաբանն ասաց Յա-
կովին. «Թէև դու իմ ազգականն ես, բայց և
այնպէս չէի կամենայ, որ ինձ ձրի ծառայես. ասա,
ինչ է քո աշխատանաց վարձը»: Լաբանը երկու աղ-
ջիկ ունէր—մեծի անունը Լիա, իսկ փոքրինը՝ Հռա-
քէլ: Լիան տգեղ էր, իսկ Հռաքէլը գեղեցիկ. Յա-
կովը Հռաքէլն հաւանում էր, դորա համար էլ ա-
սաց Լաբանին. «Ես քեզ եօթը տարի կծառայեմ,
եթէ Հռաքէլին ինձ կտաս»: Լաբանը պատասխա-
նեց. «Ճատ բարի, աւելի լաւ է քեզ տամ, քան
թէ մի ուրիշին. կաց ինձ մօտ»: Յակովը եօթը տա-
րի ծառայեց Լաբանին: Այս երկար ժամանակն այն-
պէս շուտ անցաւ, կարծես թէ մի օր լինէր, որով-
հետև նա սիրում էր Հռաքէլին:

Երբ եօթը տարին անցաւ, Լաբանը կանչեց իւր
մօտ բոլոր զիւղացիներին ու հարաանիք արաւ, բայց
փոխանակ Հռաքէլին՝ Լիային տուեց որպէս կին: Այն
ժամանակ Յակովն ասաց Լաբանին. «Ի՞նչու
խաբեցիր ինձ, ես քեզ Հռաքէլի համար եօթը տա-
րի ծառայեցի և ոչ թէ Լիայի»: Լաբանը պատաս-

խանեց. «Մեր երկրում սովորութիւն չկայ, որ փոքր քոյլը մեծից վաղ մարդու գնայ, եթէ դու ինձ նորից եօթը տարի կծառայես, չուաքէլին էլ կտամ»։ Յակովը եօթը տարի ևս ծառայեց ու չուաքէլին էլ կին առաւ։

Յակովը շատ որդիք ունեցաւ։ Նա Լաբանին վեց տարի ևս ծառայեց ու ստացաւ նորանից շատ ոչխարներ. ունէր նաև բազմաթիւ ծառաներ, աղախիններ, ոչխարներ, ուղտաներ և իշաներ։

«Զի զոր սիրէ Տէր՝ խրատէ»։ թ. ա. երր. ժբ. 6.

Աստուած ումը որ սիրում է, խրատում է (պատժում է) նորան։

§ 22.

Յակովը փախչում է Լաբանի մօտից։

Լաբանի որդիները տրտնջում էին Յակովից—նրանք ասում էին. «Մեր հօր կայքը Յակովըն իրան սեպհականեց, մեր հօր կայքով նա այդպէս հարստացաւ»։ Յակովըն ինքը ևս նկատում էր այդ ներքին տրտունջը։ Բացի այդ՝ Լաբանն ինքն էլ այնպէս չէր վարվում նորա հետ, ինչպէս առաջ, դորա համար Աստուած ասաց Յակովին. «Դարձիր քո հօր երկիրը, ես քեզ հետ կլինեմ, ես քեզ կպաշտպանեմ»։ Յակովը պատմեց այս բանը Լիային և չուաքէլին. նրանք էլ ասացին. «Արա, ինչպէս որ Աստուած հրամայելէ»։ Այսպէս Յակովը վեր առաւ իւր երեխաներն ու կանայքը, նստացրեց ուղտաների վերայ, առաւ խաշ-

ներն ու բոլոր հարստութիւնը և ճանապարհ ընկաւ դէպի իւր հօր երկիրը՝ Քանան։

Այդ ժամանակ Լաբանը գնացել էր ոչխարները խուզելու, երբ Յակովը ծածուկ, առանց նորան իմաց տալու, առաւ իւր ունեցած-չունեցածը, գետն անցաւ և զնաց դէպի Գաղատու լեառն։

Երրորդ օրը Լաբանն իմացաւ, որ Յակովը փախել է, ուստի առաւ իւր եղբայրներին և սկսեց նորա յետելիցն ընկնել։ «Եօթն օրից յետոյ հասաւ նորան Գաղատու լեռների մօտ։ Աստուած երազի մէջ զգուշացրեց Լաբանին ու ասաց. «Զգ՞չ կաց, Յակովըի հետ սիրով վարվիր»։ Լաբանը մօտեցաւ Յակովըին ու հարցըրեց. «Ի՞նչու համար դու այդպէս ծածուկ հեռացար ու ինձ ոչինչ չասացիր. ես քեզ երգով, թմբուկով և քնարով ճանապարհ կձգէի. ի՞նչու համար իմ աղջիկները և թոռները առանց հրաժարական համբոյրի հեռացըրիր։ Փո արածը լաւ բան չէ. ես եթէ կամենայի, կարող էի քեզ վնասել, բայց Աստուած զգուշացրեց ինձ ասելով. «Զգ՞չ կաց, Յակովի հետ սիրով վարվիր»։

Յակովը խիստ բարկացաւ Լաբանի յանդիմանական խօսքերի վերայ ու ասաց. «Ի՞նչ եմ արել քեզ, որ այդպէս բարկացած յետելիցս ես ընկել. քսան տարի քեզ ծառայեցի, այդքան այծ և ոչխար որ դու ունիս, բոլորն էլ իմ քրտնքի պտուղներն են. ինչ որ գազանները յափշտակում, պատառում էին, այն էլ ինձնից էիր պահանջում. ցերեկները արևակէզ էի լինում, իսկ գիշերները ցրտից չորանում, աչքս երբէք քուն չէ մտել։ Այս ձեռով ես քսան տարի քունում մեջ մտել։

տանը ծառայել եմ—տասն և չորս տարի քո աղջիկների, իսկ վեց տարի քո խաշների համար: Այդ ժամանակամիջոցում դու իմ վարձի պայմանները տասն անգամ փոխեցիր: Եթէ Աբրահամի և Խոահակի Աստուածը ինձ հետ չէր եղել, ինձ դատարկ ճանապարհ կդնէիր: Աստուած՝ իմ քաշած չարչարանքներն ու նեղութիւնները տեսել է ու դորա համար էլ քեզ զգուշացրել:

Լաբանը պատասխանեց. «Աղջիկները իմ աղջիկներն են, թոռները իմ թոռներն են և խաշները իմ խաշներն են. այդ ամենը ինչ որ դու ունիս, իմն է: Ես ինչ կարող եմ աղջիկներին և իմ թոռներին անել. ամենից լաւն այնէ որ մենք դաշը կապենք»: Յակովը ու Լաբանը Աստուծոյ առաջ երդում կերան և դաշը կապեցին, որ այդ տեղից դէնը ոչ մէկն իրաւունք չունենայ անցնել: Գաղատ լեառը սահման եղաւ. պայմաններից մէկն էլ այն էր, որ Յակովը Լաբանի աղջիկներին չպէտք է նեղացնէր: Յակովը լերան վերայ զոհ արեց և իւր եղբայրներին հացի հրաւիրեց: Ամէնքն էլ գիշերն այնտեղ մնացին: Առաւոտը Լաբանը վեր կացաւ, համբուրեց աղջիկներին և թոռներին, օրհնեց նրանց և յետ դարձաւ տուն: Յակովը շարունակեց իւր ճանապարհը:

«Զի արմատ պմենայն չարեաց՝ արծաթսիրութիւն է»: I. Տիմոթ. գ. 10.

«Զի տեսանես զժիւղ յական եղբօր քո, եւ ի քում ական զգերանդ ոչ տեսանես»: Մատ. է. 3.

Ի՞նչու քո եղբօր աչքի շիւղը տեսնում ես, իսկ քո աչքի գերանը՝ ոչ:

«Եւ թող մեզ զպարտիս մեր, որպէս եւ մեք թողումք մերոց պարտապանաց»: Մատ. գ. 12.

Մեր սխալանքը ներիբ, որպէսզի մենք էլ մեզ դէմ մեղանչողներին ներենք:

§ 23.

Եսաւի և Յակովը հաշտութիւնը:

Յակովը դեսպաններ ուղարկեց Եղոմ (Սէլր) երկիր՝ Եսաւի մօտ: Նա պատուիրեց նրանց այսպէս ասելու. «Քո ծառայ Յակովը այսքան ժամանակ Լաբանի մօտն էր. նա մեզ քեզ մօտ է ուղարկել և քեզանից շնորհ է խնդրում»: Դեսպանները դարձան և ասացին. «Մենք գնացինք քո եղբայր Եսաւի մօտ. նա չորս հարիւր մարդով դալիս է քեզ դիմաւորելու»: Յակովը շատ վախեցաւ այս բանից, թէ իւր ծառաներին և թէ խաշները երկու մասնի բաժանեց՝ այն մտքով որ եթէ եղբայրը մի մասնի վերայ յարձակուի, միւսը կարողանայ աղատել:

Յետոյ Յակովն աղօթեց և այսպէս ասաց. «Ով Աբրահամի և Խոահակի Աստուած, դու ինձ հրամայեցիր հայրենի երկիրս վերադառնալ. խոստացար ինձ պաշտպանել. քո ծառան, որին այսքան բարութիւն ես արել, արժանի չէ այդ շնորհին. մի գաւազան ունէի ձեռիս, երբ, սորանից քսան տարի առաջ, Յորդանանն անցայ, իսկ այժմ երկու ամբողջ հօտի տէր եմ: Ազատիր ինձ, ով Աստուած, իմ եղբայր Եսաւի ձեռքից, նորանից վախենում եմ ես, մի գուցէ նա ինձ սպանէ, նոյնպէս կանանցս և որդւոցս:

Յակովը ընծաններ որոշեց իւր եղբօր համար—

ջոկեց բաւականին այծեր, ոչխարներ, ուղտաներ, կովեր, յանձնեց ծառաներին ու ասաց. «Դուք իմ առաջովս գնացէք, մի հօտը միւսի հետ մի խառնէք, միմեանցից փոքր ինչ հեռու քշեցէք»: Յակովը առաջեց գնացող ծառաներին պատուիրեց ու ասաց. «Եթէ Եսաւ եղբայրս քեզ հանդիպէ ու հարցնէ, ով ես դու, ուր ես գնում կամ ումն են պատկանում այդ կենդանիները, որ դու քշում ես, այսպէս կասես, թէ այդ բոլորը քո ծառայ Յակովըն է պատկանում, նա ընծայ է ուղարկում այս բոլորը իւր տէր Եսաւին ու ինքն էլ յետևեց գալիս է»: Այսպէս էլ պատուիրեց միւսին, երրորդին և բոլորին, որոնք հօտի յետևեց գնում էին: Յակովըն այսպէս էր մտածում, եթէ ես նախապէս ընծառերով նորա սիրտը շահեմ, յետոյ՝ երբ կտեսնուինք, թերեւս չմերժի իւր տեսակցութիւնը:

Յակովըն առաւօտը վաղ վեր կացաւ, առաւ իւր կանանց ու որդւոց և գնաց Եսաւի առաջ: Յակովըն վեր նայեց և տեսաւ, որ եղբայրը չորս հարիւր մարդկանցով իւր առաջն է գալի: Խսկոյն որդիքը մարերին յանձնեց, ինքն առաջ գնաց և մինչեւ Եսաւին հասնիլը եօթն անդամ ծնկաչոք գլուխ տուեց: Եսաւն այս տեսնելուն պէտք յառաջ վագեց, գրկեց Յակովըն, վզովն ընկաւ ու համբուրեց նրան—երկուսն էլ լալիս էին: Եսաւը վեր նայեց, տեսաւ կանանցը և որդւոց ու հարցրեց. «Ո՞վքեր են սրանք»: Յակովըն պատասխանեց. «Իմ որդիքն են, որոնք Այսուած ինձ ընծայել է»: Այսիամանակ ամենքն էլ մօտեցան և գըլուխ տուին Եսաւին: Եսաւը հարցրեց, «Ի՞նչու հա-

մար էին այդ խաշները, որ առաջովս անցան»: Յակովըն պատասխանեց. «Որպէսզի քո ծառայ Յակովըն կարողանայ շնորհ գտնել քո առաջ»: Եսաւն ասաց. «Ես իմ ունեցածովս գոհ եմ, կարիք չունիմ, քեզ լինի քո ունեցուածքը»: Բայց Յակովըն այնքան ստիպեց Եսաւին, մինչեւ որ ընդունեց:

Եսաւն ասաց. «Ճտապենք միասին հեռանալ այստեղից, ես քեզ հետ կամենում եմ գնալ»: Յակովըն պատասխանեց. «Ծծկեր մանուկներ ունիմ, ոչխարները և արջառները ևս նոր են ծնել, եթէ ստիպեմ աւելի ճանապարհ կտրելու, բոլորն էլ կկոտորուին. լաւ կլինի որ դու առաջ գնաս, խսկ ես կամաց-կամաց յետևեցդ կզամ մինչեւ Եղոմ»: Եսաւն ասաց. «Եթէ այդպէս է, իմ մարդկանցից մի քանիսը քեզ մօտ կթողնեմ»: Յակովըն պատասխանեց. «Ի՞նչու ես այդքան նեղութիւն կրում. քո շնորհ բերելն էլ ինձ բաւական է»: Այսպէս Եսաւը կրկին Եղոմ դարձաւ: Յակովըն չուեց գէպի Սիւքէմ, այստեղից անցաւ Բեթէլ և Տիրոջ համար սեղան պատրաստեց: Նրանք մի փոքր ևս յառաջ գնացին. այստեղ չուաքէլը մեռաւ. Յակովըն թաղեց նորան և վերան մի արձան կանգնացրեց: Յակովըն եկաւ իւր հայր Խսահակի մօտ, որը բնակվում էր Մամբրէում, ոչ հեռու Քերրոնից: Խսահակը ծերացել էր—նա մեռաւ հարիւր և ութսուն տարեկան հասակում. նորա որդիները՝ Եսաւն ու Յակովըն թաղեցին Խսահակին Արքահամի գնած կրկին այրի մէջ: Եսաւը բնակվում էր Եղովմի լեռների վերայ, խսկ Յակովըն՝ Քանանում՝ իւր հօր երկրում:

«Եւ թող մեզ զպարտիս մեր, որպէս եւ մեք թու-
ղումք մերոց պարտապանաց»: Մատ. գ. 12.

«Կարդասցես առխո յաւուր նեղութեան քո. ես
փրկեցից զքեզ, եւ դու փառաւոր արացես զիս»:
Սաղ. խթ. 15.

Նեղն ընկած ժամանակդ եթէ ինձ օգնութեան
կանչես, ես քեզ կազատեմ և դու իմ անունը կփա-
ռաւորես:

Գ.

ՅՈՎ. Ս Է Փ.

Յովսէփը և իւր եղբայրները:

ա.

Յակովը տասն և երկու որդի ունէր: Նոցանից
վերջին երկուսի անուններն էին Յովսէփ և Բենիա-
մին: որոնք Հռաքէլիցն էին ծնած: Յովսէփը տասն և
եօթը տարեկան էր, երբ եղբայրների հետ ոչխարներ
էր արածացնում: Նա պատմում էր հօրը այն բոլոր
սխալ բանները, որոնք եղբայրները գործում էին: Յա-
կովը Յովսէփին բոլոր որդիերանցից աւելի էր սի-
րում—նորա համար ծաղկեալ պատմուճան կարել
տուեց: Եղբայրները, երբ նկատեցին, որ հայրը Յով-
սէփին իրանցից աւելի է սիրում. սկսեցին նախան-
ձել նորա վերայ և սիրով չէին խօսում նորա հետ:

Յովսէփը մի անդամ երազ տեսաւ ու պատմեց
եղբայրներին: Նա ասում էր. «Մենք դաշտում որա-
ներ էինք կապում. իմ կապած որաները ուղիղ կանգ-
նեցին, իսկ ձեր որաները իմերին երկրպագութիւն
էին տալիս»: Եղբայրները պատասխանեցին. «Միթէ

կամենում ես թագաւոր լինել մեզ վերայ»: Այս բանի
համար եղբայրները աւելի սկսեցին ատել Յովսէփին:
Նա մի ուրիշ երազ ևս տեսաւ ու նմանապէս պատ-
մեց եղբայրներին. «Ես տեսայ երազումս, որ արեւը,
լուսինը և տասն ու մի աստղեր ինձ երկրպագու-
թիւն էին տալիս»: Երբ այս բանը նորա հայրն իմա-
ցաւ, բարկացաւ և ասաց. «Այդ ինչ երազ է, միթէ
ես, մայրդ, եղբայրներդ պէտք է գանք և քեզ եր-
կըրսպագութիւն տանք»: Եղբայրների ատելութիւնը
աւելի և աւելի զօրացաւ. իսկ հայրն այդ բոլորը դե-
տում էր և ծածուկ իւր մէջ պահում:

բ.

Յովսէփի եղբայրները մի անգամ Միւքէմ գնա-
ցին իրանց հօր խաշները արածացնելու համար: Սո-
րանից յետոյ Յակովըն ասաց Յովսէփին. «Գնա եղ-
բայրներիդ մօտ և իմացիը. թէ ինչպէս է նրանց
առողջութիւնը, ինչպէս են ոչխարները ու ինձ ան-
ձամբ համբաւ բեր»: Յովսէփը գնաց: Երբ եղբայրները
հեռուց տեսան նորան, սկսեցին միմեանց հետ փր-
փլսալ ու ասել. «Ահա երազատեսը գալիս է, եկէք
նորան սպանենք, ձկենք մի փոսի մէջ և ասենք մեր
հօրը, թէ չար զազանները նորան պատառել են,
տեսնենք ինչ կինին նորա երազները»: Թուբէնը, որ
մեծ եղբայրն էր, երբ այս բանը լսեց, ասաց. «Մի
սպանէք դորան, արիւն մի թափէք, այլ ձկեցէք
այս անապատի փոսերից մինի մէջ»: Նորա միտքն
այն էր, որ Յովսէփին ազատէ դրանց ձեռներից ու
հօրը տաճէ: Երբ երազատեսը եղբայրների մօտ եկաւ,

Հանեցին նորա ծաղկեալ պատմումանը և ձգեցին մի անջուր փոսի մէջ, յետոյ հացի նստեցին:

Այդ միջոցին տեսան որ մի խումբ իսմայէլացի վաճառականներ գալիս են իրանց ուղտաներով խունկ, ստաշին և ուետին էին տանում Եղիպտոս: Յուղան խօսեց եղբայրների հետ ու ասաց. «Ի՞նչ շահ մեզ մեր եղբօր սպանելուց, եկէք ծախենք նորան իսմայէլացի վաճառականներին. մեր ձեռքը թող նորան չդիպչի»: Այս մտքին ամենքն էլ հաւանեցան—Յովսէկին դուրս հանեցին փոսից և քսան դահեկանով նոցա վերալ ծախեցին: Թուբէնն այդտեղ չէր: Երբ փոսի մօտ եկաւ ու Յովսէկին այնտեղ չգտաւ. պատառեց իւր շորերը, եկաւ եղբայրների մօտ և ասաց. «Պատանին փոսի մէջ չէ, ուր գնամ, ուր փնտում նորան»:

Եետոյ եղբայրները մի ուլ մորթեցին, Յովսէկի շորերը նորա արեան մէջ թաթախեցին ու հօրն ուղարկեցին ասելով. «Այս միայն գտանք. տես, սա է քո որդու պատմումանը, թէ ոչ: Հայրն իսկոյն ճանաչեց և ասաց. «Սա իմ որդու պատմումանն է, չար գազանը նորան պատառել է. չճր գաղանը նորան յափշտակել է»:

Յակովը պատառեց իւր շորերը և սե հագաւ ու երկար ժամանակ սգում էր իւր որդու մահը: Նորա բոլոր որդեքը դալիս էին նորան մխիթարելու, բայց նա չէր կարողանում մխիթարուիլ ու ասում էր. «Այս ցաւովն էլ ես պէտք է գերեզման իջնեմ իմ որդու մօտ»: Այսպէս էր ողբում նորան իւր հայրը:

«Ամենայն որ ատեայ զեղբաց իւր՝ մարդասպան է»:
I. Յով. դ. 13.

§ 25.

Յովսէկիը Պետափրէսի տանը:

Վաճառականները Յովսէկին Եղիպտոս տարան. Պետափրէս անունով մինը, որը Փարաւոնի մօտ դահմապետի պաշտօն էր վարում, գնեց իսմայէլացիներից—Աստուած Յովսէկի հետն էր. ինչ որ նա անումէր, յաջողում էր նորան, այնպէս որ շուտով Պետափրէսի սիրելին դարձաւ: Նա իւր տան բոլոր կառավարութիւնը նորան յանձնեց. «Աստուած օրհնեց Եղիպտացու տունը Յովսէկի պատճառով:

Ոի քանի ժամանակից լետոյ Յովսէկի և Պետափրէսի կնոջ մէջ անհամաձայնութիւն պատահեց. կինը մարդուն գանգատուեց երբայեցի ծառակից ու նա էլ հրամայեց նորան բանտ նստացնել:

«Զի ոչ են խորհուրդք իմ իբրև զիսորհուրդս ձեր, եւ ոչ ճանապարհ իմ իբրեւ զճանապարհս ձեր»:
Եսակի ծե. 8.

Իմ մտածմունքները ձեր մտածմունքների նման չեն և ոչ իմ ճանապարհները ձեր ճանապարհների նման:

«Եւ յիշեալ դու զՏէր Աստուած քո զամենայն աւուրս կենաց քոց, եւ մի մեղանցիցես դու եւ կամ անցանիցես պատուիրանօք նորա»: Տով. դ. 6.

Քո ամբողջ կեանքիդ ընթացքում Աստուծուն աչքիդ առաջ և սրտիդ մէջ ունեցիր. հսկիր քեզ, որ յանցանք չգործես և Աստուծոյ պատուիրանքից չանցնես:

§ 26.

Յովսէփի բարձրանալը:

ա.

Աստուած Յովսէփին պաշտպանում էր, բանտապետի աչքը քաղցրացրեց նորա վերայ: Սա բոլոր յանցաւորներին և բանտը Յովսէփին էր յանձնել: Յովսէփն էր այնտեղ ամենայն բան կարգադրողը և ինչ որ կարգադրում էր, Աստուած էլ նորան յաջողում էր:

Մի քանի ժամանակից յետոյ պատահեց որ թագաւորի տակառասիտը և մատակարարը յանցանք գործեցին իրանց տիրոջ գէմ: Թագաւորը երկուսի վերայ ևս խիստ բարկացաւ և հրամայեց նրանց բանտն ուղարկել: այդ գիշեր նրանք երկուսն էլ երազ տեսան: Հետևեալ օրն առաւուը Յովսէփը նրանց մօտ եկաւ և շատ տիսուր տեսնելով, հարցցրեց. «Ի՞նչ է պատճառը, որ այդպէս տիսուր էք»: Նրանք պատասխանեցին. «Երազ ենք տեսել. ոչ ոք չկայ որ մեկնել կարողանայ»: Յովսէփն ասաց. «Երազի մեկնութիւնը Աստուծոյ գործն է, բայց և այնպէս պատճեցէք ինձ»:

Տակառապետը առաջինն սկսեց պատմել իւր երազը. «Ես տեսայ երազումս մի որթ. նորա վերայ երեք հասած ողկոյզներ կալին. Փարաւոնի բաժակը ձեռիս էր. ողկոյզի հստիկները ճմլում էի բաժակիս մէջ, և Փարաւոնին էի մատուցանում»: Յովսէփը պատասխանեց նորան. «Քո երազի մեկնութիւնն այս է—երեք ողկոյզները երեք օր են նշանակում, որից յետոյ թագաւորի կրկնին կախել տակառապետին և մատակարարին ևս—առաջինին իւր նախկին պաշտօնը շնորհեց, իսկ երկրորդին փայտից կախել տուեց, ինչպէս որ Յովսէփն էր ասել սակայն տակառապետը չկիշեց Յովսէփին—մոռացաւ նորան:

Յիայն երբ քո գործքը յաջող անցնի, չմոռանաս ինձ—թագաւորին միջնորդիր որ ինձ բանտից պատէ:

Ես յանցանք չունիմ. ես երրայեցւոց երկրիցն եմ. ինձ զողացան Եգիպտոս բերին. այստեղ էլ ոչինչ յանցանք չեմ գործել. ինձ իզուր տեղը բանտ նրատացրին»:

Մատակարարը երբ տեսաւ որ Յովսէփը իւր ընկերի երազին գեղեցիկ մեկնութիւն տուեց, սկսեց ինքն էլ պատմել. «Ես էլ տեսայ երազումս երեք խան գլխիս դրած. վերին խանի մէջ հացագործի պատրաստած՝ թագաւորի սիրած ամեն տեսակ կերակութներն էին. այս վերին խանի կերակութներից գալիս և ուտում էին թուչունները»: «Քո երազի մեկնութիւնն էլ այս է—երեք խանները երեք օր են նըշանակում, երեք օրից յետոյ Փարաւոնը գլուխդ կրտրել կտայ, քեզ փայտից կախեն, թուչունները կդան և քո մարմինը կուտեն»:

Իսկ երեք օր այդ բանից յետոյ թագաւորի ծընընդեան տօնն էր. մեծ ինչոյզք պատրաստել տուեց ծառանների համար: Թագաւորն ուրախութեան մէջ յիշեց տակառապետին և մատակարարին ևս—առաջինին իւր նախկին պաշտօնը շնորհեց, իսկ երկրորդին փայտից կախել տուեց, ինչպէս որ Յովսէփն էր ասել սակայն տակառապետը չկիշեց Յովսէփին—մոռացաւ նորան:

Բ.

Երկու տարուց յետոյ Փարաւոնը մի երազ տեսաւ, որպէս թէ գետի ափում կանգնած է. գետի միջից դուրս եկան եօթն գեղեցիկ և գեր երինջներ

ու սկսեցին մարդագետնի վերայ արածել։ Սորանից յետոյ տեսաւ եօթն ուրիշ տղեղ և վախտ՝ լրար երինջներ, որոնք դուրս եկան և կուլ տուին այն եօթն գեղեցիկ և գեր երինջներին։ Փարաւոնը զարթեց ու նորից քնեց։

Երկրորդ անգամ երազ տեսաւ, որպէս թէ մի փնջից եօթն գեղեցիկ ու ընտիր հասկեր դուրս եկան։

Դորանից յետոյ տեսաւ եօթն ուրիշ ազազուն, խորշակահար հասկեր էլ դուրս եկան և նախկին եօթն գեղեցիկ և ընտիր հասկերին կուլ տուին։ Փարաւոնը երբ զարթեց, շփոթուեց։ Խոկոյն կանչել տուեց Եգիպտոսի երազականներին և իմաստուն մարդկանց ու պատմեց նրանց իրա տեսած երազները, բայց ոչ ոք չկարողացաւ մեկնել։

Այն ժամանակ թագաւորի տակառապետն ասաց. «Այսօր ես իմ յանցանքը լիշեցի—երբ թագաւորը ինձ և մատակարարին բանտարկել տուեց, գիշերը երկուսս էլ երազ տեսանք։ Մեզ մօտ մի եբրայեցի տղայ եկաւ, մեր երազը մեկնեց և ինչպէս որ մեկնեց, այնպէս էլ կատարուեց—ես կրկին իմ պաշտօնն ստացայ, իսկ մատակարարը փայտից կախուեց»։

Թագաւորն խոկոյն կանչել տուեց Յովսէփին. նորան բանտից դուրս բերին, ածկլուեցաւ. նոր շուրեր հագաւ, և Փարաւոնին ներկայացաւ։ Թագաւորն ասաց նորան. «Ես երազ եմ տեսել. ոչ ոք չէ կարողանում մեկնել, ինձ պատմեցին որ եթէ դու երազս լսես, կարող ես մեկնել»։ Յովսէփը պատասխանեց. «Ես ինքս, տէր արքայ, ոչինչ չեմ կարող անել, այդ Աստուծոյ գործն է»։

Փարաւոնը պատմեց Յովսէփին իւր երազը։ Յովսէփը պատասխանեց. «Երկու երազներն էլ միևնույն նշանակութիւնն ունին—Աստուած դորանով իւր անելիքը յայտնում է Փարաւոնին. եօթն տարի Եգիպտոսում լիութիւն և առատութիւն կլինի, իսկ դորան կհետևին եօթն սովի տարիները. առատութեան տարիները կմոռացուին, սովը կսպառէ ամբողջ երկերը։ Ինչ որ վերաբերում է նորան, որ թագաւորը միևնույնը երկրորդ անգամն է տեսել, նշանակում է Աստուած կամենում է յայտնել, որ այդ երողութիւնը անշուշտ կը կատարուի և շուտով։ Ուրեմն, թագաւոր, պէտք է մի խելօք մարդ գտնել և Եգիպտոսի կառավարիչ նշանակել, որպէս զի առատութեան եօթն տարիներում կերակրի պաշար հաւաք՝ եօթն սովի տարիների համար և երկիրը սովի ձեռից ազատել կարողանայ»։

Այս բանին թէ թագաւորը և թէ նորա բոլոր ծառայողները խիստ հաւանեցան։ Յետոյ Փարաւոնն ասաց Յովսէփին. «Քի ո՞վ պէտք է լինի քեզանից խելօքը և իմաստունը. ամբողջ Եգիպտոսը քեզ եմ յանձնում—իմ բոլոր հպատակները քեզ կլսեն՝ այն զանազանութեամբ, որ ես քեզանից մեծ կլիշում»։

Սորանից յետոյ Փարաւոնը հանեց մատանին իւր մատից և Յովսէփի մատը գրեց. նորան բեկեղեայ շորեր հազցնել տուաւ և ոսկեայ մանեակն էլ վզից կախեց։ Իւր կառքի մէջ նստացնել տուաւ և մունետիկների բերանով բարձրաձայն հրատարակեց ասելով. «Ծունկ չոքեցէք»։ Փարաւոնը Յովսէփին Եգիպտական անուն տուեց՝ Փսոմիթոմբանէ ալսինքն աշ-

խարհի ազատիչ. քուրմերի աղջիկներից մէկի հետ էլ պսակեց: Յովսէփը երկու որդի ունեցաւ, մինչ անունը Եփրեմ, իսկ միւսինը Պանասէ դրեց:

Յովսէփը երեսուն տարեկան էր որ այդ պաշտօնս ստացաւ: Լիութեան այդ եօթը տարիներում երկերը լրցուեց ամեն տեսակ բարիքներով: Յովսէփը ժողովել տուեց եօթն տարիների բերքերը ամբողջ երկրի մէջ և նշանակեց մարդիկ, որոնք հսկում և ժողովում էին ցորենը Փարաւոնի շտեմարանների մէջ. այդ ժողոված ցորենը չափեց գուրս շատ էր. նա նման էր ծովի աւաղին, որը անկարելի էր չափել:

Անցան եօթն լիութեան տարիները և եկան եօթն սովի տարիները, ամբողջ երկրի մէջ սով ընկաւ: Սովը նեղացնում էր ամենքին. ժողովուրդն ազադակում և հաց էր ինդրում ժագաւորից: Փարաւոնը պատասխանեց Եգիպտացւոց. «Թնացէք Յովսէփի մօտ և ինչ որ ձեզ կատէ, այն էլ արէք»: Յովսէփն իսկոյն բաց անել տուեց շտեմարանների բերանները ամենայն տեղ և ցորեն էր ծախում բոլոր եղիպտացիներին: Հեռաւոր երկիրներից ևս Եգիպտոս էին գալիս ցորեն գնելու, որովհետեւ ամեն տեղ էլ սով էր:

«Ասուուծոյ խորհուրդը սքանչելի է, ու նրա իմաստովթիւնը գերազանց»: Խսացի իր. 29.

«Զի ոչ են խորհուրդք իմ իբրեւ զիսորհուրդս ձեր, եւ ոչ ճանապարհք իմ իբրեւ զճանապարհս ձեր՝ ասէ Տէր: Այլ որպէս հեռի են երկինք յերկրէ, այնպէս հեռի են ճանապարհք իմ ՚ի ճանապարհաց ձերոց»: Խսացի Տէ. 8. 9.

Իմ մտածմունքները ձեր մտածմունքների նման չեն և ոչ իմ ճանապարհները ձեր ճանապարհների նման, ասում է Աստուած, այլ ինչպէս որ երկինքը երկրիցս հեռի է, այնպէս էլ իմ ճանապարհները ձեր ճանապարհներից:

§ 27.

Յովսէփի եղբայրները գալիս են Եգիպտոս:

ա.

Քանանացւոց երկրում ևս սով էր ընկել: Երբ Յակովը լսեց, որ Եգիպտոսում շատ ցորեն կայ, կանչեց իւր որդւոց և ասաց. «Ճտապեցէք, գնացէք Եգիպտոս ցորեն գնելու, որպէսզի սովից չմեռնենք»: Այսպէս Յովսէփի տասն եղբայրները Եգիպտոս ելան ցորեն. գնելու համար: Յակովը իւր կրտսեր որդի Բենիամինին չարձակեց միւսների հետ, որովհետեւ վախենում էր, թէ մի գուցէ վտանդ սպառնայ նորան:

Յովսէփի եղբայրները Եգիպտոս եկան և կամենում էին ցորեն գնել: Նրանք Յովսէփին չճանաչեցին, երկրագութիւն տուին և գլուխները քաշ նրա առաջ կանգնած էին. բայց Յովսէփն իսկոյն ճանաչեց և լիշեց այն երազը, որը նա մի անդամ տեսել էր իւր եղբայրների վերայ: Նա իբրև օտարական ներկայացաւ նրանց, խիստ լեզուով խօսեց նրանց հետ և հարցրեց. «Ո՞րտեղից էք գալիս»: Նրանք պատասխանեցին. «Քանանացւոց երկրից, որպէսզի ցորեն գնենք»: Յովսէփն ասաց. «Թուք լրտեսներ էք, եկել էք իմանալու, թէ մեր երկիրը ինչ վիճակի մէջ է»:

Նրանք պատասխանեցին և ասացին. «Ո՞չ, տէ՞ր, քո ծառաները եկել են ցորեն գնելու, լրտեսներ չենք. մենք տասնեւերկու եղբայր ենք, մի հօր որդի, մեր հայրը կենում է Քանանացւոց երկրում. կրտսեր եղբայրներս տանն է հօր մօտ. իսկ միւսը՝ այլ ևս չկայ»: Յովսէփը պատասխանեց. «Դուք լրտեսներ էք» ու երեք օր նրանց բանտը դրեց:

Վրայ եղրորդ օրը Յովսէփն ասաց նորանց. «Զեղանից մինը պէտք է բանտում կապուած մնայ, իսկ դուք ձեր գնած ցորենը տուն տարէք, որ սովը չնեղացնէ, վերադարձին ձեր կրտսեր եղբօրն ինձ մօտ բերէք, այն ժամանակ ես կհաւատամ ձեր խօսքերին»: Եղբայրներն սկսեցին միմեանց երեսին նայել և ասել. «Այս բոլորը, որ մեր գլխին դալիս է, Յովսէփի պատճառովն է. մենք նորա պաղատանքին չլսեցինք, երբ նա մեզ աղաչում էր, դորա համար էլ Աստուած վրէժինդիր է լինում մեզ»: Այդ միջոցին Ռուբէնը խօսեց. «Ես ձեզ չէի ասում, թէ այդ մանկան դէմ չպիտի մեղանչել, դուք ինձ չլսեցիք, դորա համար էլ այս պատիժը մեր գլխին է դալիս»:

Նրանք էնպէս էին կարծում, թէ Յովսէփը իրանց խոստովանութիւնը չէ հասկանում, որովհետեւ թարգմանի բերանով էր խօսում: Յովսէփը երեսը շուռ տուեց և սկսեց լալ: Նա լետոյ շուռ եկաւ և նրանց աչքի առաջ զմաւոնին կապել տուեց, հրամայեց նոցա տոսլրակները ցորենով լքցնեն ու իւրաքանչյւրի ցորենի գինն էլ պարկի մէջ դնեն. բացի այդ հրամայեց ճանապարհի պաշար ևս տալ: Այդպէս էլ ամենայն բան նորա հրամանի համաձայն կատարվեցաւ:

Բ.

Եղբայրները ցորենը բեռնեցին իշաներին և սկսեցին հեռանալ Եգիպտոսից: Ճանապարհին եղբայրներից մինը բաց արեց պարկի բերանը իշին կերակուր տալու և տեսաւ որ իւր ցորենի գինը պարկի մէջնէ դրած: Իսկոյն իմաց տուեց եղբայրներին ու ասաց. «Իմ ցորենի փողը պարկիս մէջն է դրած»: Ամենքը զարհուրեցան երկիւղից ու ասում էին միմեանց. «Այս ինչ փորձանք է, որ Աստուած մեր գլխին բերումէ»:

Երբ տուն հասան՝ Քանանացւոց երկիրը, պատմեցին այս անցքը իրանց հօրն ու ասացին. «Այս երկրի տէրը մեզ հետ խիստ լեզուով խօսեց. նա մեզ լրտեսների տեղ ընդունեց, իսկ մենք նրան պատասխանեցինք, թէ արդարախօս մարդիկ ենք, մեղանից մինը այլևս չկայ, իսկ կրտսերն էլ հայրերնիս մօտն է: Երկրի իշխանը ասաց մեզ. «Թողէք ձեր եղբայրներից մինին ինձ մօտ, յետ դարձէք և ձեր կրտսեր եղբօրն ինձի բերէք, թէ չէ ձեր խօսքին չեմ հաւատայ. այն ժամանակ կիմանամ որ դուք լրտեսներ չէք, այլ՝ արդարախօս ու ձեր եղբօրն էլ յետ կտամ»:

Երբ իրանց պարկերի ցորենները թափում էին, իւրաքանչյւրը ցորենի գինը իւր տոպլակի մէջ գտաւ. ամէնքն էլ զարհուրանքի մէջ էին Յակովը հետ: Հայրն ասաց նրանց. «Դուք ինձ անորդի արիք. Յովսէփը չկայ այլևս. զմաւոնը նմանապէս. հիմայ էլ Բենիամինին էք ուզում տանել, այս բոլոր անբաղմութիւնը իմ գլխին է դալի»: Ռուբէնը պատասխանեց հօրն ու ասաց. «Բենիամինին ինձ յանձնիր, ես յետ կբերեմ նորան»:

Բայց Յակովը պատասխանեց նորան. «Իմ որդուն չեմ թոյլ տայ, որ ձեզ հետ Եգիպտոս գնայ, որովհետև նրա եղբայրը չկայ, նա միայն է մնացել Հռաքէլից. եթէ ճանապարհին նրան մի վտանգ պատահի, ինձ ծերութեանս օրերում տրտմութեամբ և անմխիթար գերեզման կիշեցնէք:

գ.

Սովոր աւելի և աւելի սաստկանում էր երկրի մէջ: Երբ Եգիպտոսից բերած ցորենը սպառուեց, Յակովին ասաց իւր որդւոց. «Ելի գնացէք այն երկիրը ու կերակուր գնեցէք». Յուղան պատասխանեց. «Ան երկրի իշխանը մեզ ասաց, եթէ ձեր եղբօրը հետներդ չէք բերի, իմ երեսը չտեսնէք, թոյլ տո՛ւր բենիամինին, որ նա էլ մեզ հետ գայ, ոչինչ վտանգ չի պատահի նորան: Ես երաշխաւոր եմ լինում, ինձանից պահանջիր. եթէ նորան մի բան պատահի, եթէ ես նորան չբերեմ և քո առաջ չկանգնացնեմ, թո՛ղ իմ ամբողջ կեանքի մէջ յանցաւոր մնամ»:

Յակովը պատասխանեց. «Ուրեմն այնպէս արէք, ինչպէս որ ուզում էք—վեր առէք հետներդ մեր երկրի ընտիր բերքերից. իշխանին ընծայ տարէք մեղք, խունկ, ստաշխն, բևեկն և ընկոյզ: Զմոռանաք ձեր պարկում դտանուած փողը յետ տանել, թերևս մի սխալանք է այդ, որ պատահել է. ուրիշ փող ևս առէք հետներդ: Թո՛ղ գթասիրտ Աստուածը քաղցրացնէ իշխանի աչքը ձեզ վերայ, որպէսզի միւս եղբայրներիդ և զմաւոնին արձակէ»: Եղբայրները վեր առան ընծաները, փողը և Բենիամինի հետ ճա-

նապարհ ընկան դէպի Եղիպտացւոց աշխարհը:

Դ.

Երբ Յովսէփը իւր եղբայրներին և Բենիամինին տեսաւ, ասաց հազարապետին. «Տուն տար այս մարդկանցը և հացի պատրաստութիւն տես, որովհետև սրանք ինձ մօտ պէտք է ճաշեն: Այն մարդը նրանց Յովսէփի տունը տարաւ: Եղբայրները երկիւղից սկսեցին խօսել և ասել: «Առաջին անգամ մեր պարկերումը փող դտնվելու համար են մեզ այստեղ բերում. նա ուզում է մեզ յանցաւոր գուրս բերել և և ծառաներ դարձնել»: Սորա համար էլ եղբայրները մօտեցան հազարապետին և ասացին. «Ո՛հ, տէր, մենք սորանից առաջ եկել էինք այստեղ կերակուր գնելու, երբ տուն դարձանք և մեր պարկերի բերաները բաց արինք, մեզանից իւրաքանչիւրը իւր վճարած փողը պարկի մէջ դտաւ: Մենք այդ փողը յետ ենք բերել և բացի այդ էլի ուրիշ փող՝ կերակուր գնելու համար, մենք չգիտենք թէ այդ փողը ով է դրել մեր պարկերում»:

Բայց հազարապետը պատասխանեց նորանց, «Մի վախենաք, այդ փողն Աստուած է դրել ձեր պարկերի մէջ. ես մեր փողն ստացել, վերջացրել եմ: Ճմաւոնին էլ դուրս հանեց և միասին Յովսէփի տունը տարաւ, ջուր տուեց որ ոտները լուանան, իշաներին էլ կերակուր: Եղբայրները բերած ընծաները պատրաստ պահեցին, որովհետև լսել էին, թէ Յովսէփին իրանց հետ պիտի ճաշէր:

Երբ Յովսէփը տուն եկաւ, եղբայրները ընծաներն առան և երեսների վերայ ընկան: Նա սիրով

ողջունեց նրանց և ասաց. «Ի՞նչպէս է ձեր ծերունի հայրը, որի մասին ինձ առաջին անգամ պատմեցիք»: Նրանք պատասխանեցին. «Մեր հայրը՝ քո ծառան կենդանի է զեռ և առողջ», ու գլուխ տուին նրան: Յովսէփը նայեց տեսաւ բենիամինին և ասաց. «Կարծեմ սա պէտք է լինի ձեր կրտսեր եղբայրը, որի մասին ինձ պատմեցիք», յետոյ աւելացրեց. «Աստուած թողորոշմի քեզ, որդեակ»: Յովսէփը հեռացաւ իւր սենեակը և սկսեց լաց լինել: Յետոյ երեսը լուաց. սիրտը պնդացրեց. դուրս եկաւ և պատուիրեց, որ հաց բերեն: Ամեն մինի համար առանձին—առանձին ճաշ բերին, Յովսէփին առանձին, եղբայրներին առանձին—առանձին, նոյնպէս և այնտեղ եղող եգիպտացիներին. Եղիպտացիք իրաւունք չունէին խորայէլացիների հետ ճաշելու, որովհետև նրանց պիղծ էին համարում:

Յովսէփի եղբայրներին իրանց հասակի համաձայն նստացրին—առաջ մեծերին, յետոյ կարգով փոքրերին և սկսեցին կերակուր բաժանել: Բենիամինի բաժինը հինգ անգամ առելի էր լքցրած՝ քան թէ միւսներին: Այս բանի վերայ եղբայրները խիստ զարմացան:

«Զոր ինչ սերմանէ մարդ, զնոյն եւ Հնձեսցէ»:
Թ. ա. Գաղ. գ. 7.
Ինչ կցանես, այն կհնձես»:

§ 28.
Յովսէփը յայտնվում է եղբայրներին:
ա,

Յովսէփը հրամայեց հազարապետին և ասաց. «Դոցա պարկերը մինչև բերանները լքցնել տուր ցորենով և իւրաքանչիւրի փողը իրա պարկի մէջ դէր, իսկ իմ սկինը՝ կրտսեր եղբօր պարկի մէջ»: Հազարապետը կատարեց Յովսէփի հրամանը: Հետևեալ օրը եղբայրները ճանապարհ ընկան դէպի տուն իրանց իշաներով: Դեռ քաղաքից նոր էին դուրս եկել, որ Յովսէփին իւր հազարապետին իրա մօտ կանչեց ու ասաց. «Ճտապի՞ր այն մարդկանց յետևից, հասի՞ր նրանց և ասա, ինչու համար դուք բարութեան փոխարէն չարութիւն արիք. ինչո՞ւ համար իմ տիրոջ սկինը, որով նա միշտ խմում էր, գողացաք. այդ ինչ չարութիւն է ձեր արարմունքը»:

Հազարապետը օտարականներին հասաւ և այսպէս էլ ասաց նրանց: Իսկ օտարականները պատասխանեցին և ասացին. «Այդ ինչ խօսք է. որ դու ասում ես. «Աստուած մի արասցէ, որ մենք այդպիսի բան արած լինենք, այն փողը, որը մենք մեր պարկերի մէջ գտանք, էլի քեզ յետ բերեցինք, ինչպէս կարելի է որ մենք քո տիրոջ տանից արծաթ կամ ոսկի գողանալինք: Ում մօտ սկինը գտնէք, թող նա մեռնի, իսկ միւսները, քո տիրոջ ծառաները լինին»: Նա պատասխանեց. «Ում մօտ սկինը գտնուի, թող նա լինի իմ ծառան, իսկ միւսներդ աղատ էք»:

Ճտապով վեր բերեցին պարկերը ու սկսեցին բե-

ըանները բացանել: Հազարապետը նայեց մեծից մինչև փոքրը ու վերջը Բենիամինի պարկի մէջ դտաւ սկիհը: Եղբայրներն սկսեցին իրանց շորերը պատառել, ամեն մէկը իւր էշը բեռնեց ու նորից քաղաք վերադարձան:

Բ.

Յուղան իւր եղբայրների հետ դարձաւ Յովսէփի տուն և երեսների վերայ գետին ընկան: Յովսէփն ասաց նրանց. «Այդ ինչ արիք»: Յուղան պատասխանեց. «Ի՞նչ պատասխանենք և կամ ինչպէս արդարանանք, ահա այստեղ ենք ամենքս և նա, որի մօտ սկիհը գտնուեց, ամենքս էլ քո ծառաներն ենք»:

Իսկ Յովսէփը պատասխանեց. «Այդպիսի բան ես չեմ անի, նա, որի մօտ սկիհը գտնուել է, նա կինդ միայն իմ ծառան, իսկ միւսներդ ազատ էք, գնացէք խաղաղութեամբ ձեր հօր մօտ»:

Այն ժամանակ մօտեցաւ նորան Յուղան ու ասաց. «Տէր, թոյլ տուր ծառայիդ քո առաջ մի խօսք ասելու, մի բարկանար նորա համարձակութեան վերայ, որովհետեւ Փարաւոնից լետոյ առաջին մարդն ես: Մենք առաջ քեզ ասացինք, որ տանը ձերունի հայր և կրտսեր եղբայր ունենք և թէ մեր հայրը նորան շատ սիրում է: Դու մեզ պատասխանեցիր, եթէ ձեր կրտսեր եղբօրը ինձ մօտ չէք բերի, իմ երեսը չտեսնէք: Մենք մեր հօրը հարցրինք և կամենում էինք մեր կրտսեր եղբօրը քեզ մօտ բերել: Նա ասաց մեզ. «Դուք զիտէք որ չուաքէլ երկու որդի ծնաւ, մինից զրկուեցի, նրան էլ չեմ տեսել մինչև օրս, հիմա

էլ սրան էք ուզում տանել, եթէ ճանապարհին հեւանդութիւն կամ մի անբաղտութիւն պատահի, այն ժամանակ ինձ ծեր-ծեր տրտմութիւնով գերեզման կիջեցնէք: Ես՝ քո ծառան երաշխաւոր եղայ հօրս ու ասացի, որ եթէ լետ չըերեմ, իմ ամբողջ կեանքի մէջ պատասխանատու մնամ նորա առաջ: Դորա համար ինձ ընդունիր մանկան փոխարէն որպէս ծառայ, իսկ նա թող եղբայրների հետ լուր հօրը դառնայ. որովհետեւ առանց մանկան ինչպէս կարող եմ ես հօրս աչքին երեալ ինչպէս տեսնեմ ես այն սրտնեղութիւնը, որը ծերունի հայրո պիտի կրէ, երբ Բենիամինին մեզ հետ չտեսնէ»:

Յովսէփն էլ երկար չկարողացաւ իրան պահել, հրամայեց բոլոր եղիպատացիներին գուրս գնալ ու սկըսեց ինքը բարձր ձախով այնպէս լաց լինել, որ եգիպտացիները և Փարաւոնի ծառաները դրսում նորաձալնը լսեցին. նա ասաց վերջապէս եղբայրներին. «Ես Յովսէփն եմ»: Նորա եղբայրները վախից չգիտէին թէ ինչ պատասխանն նրան, իսկ Յովսէփը շարունակեց. «Մօտ եկէք». Նրանք էլ մօտեցան: Նա աւելացրեց. «Ես Յովսէփն եմ ձեր եղբայրը, որին Եգիպտոս վաճառեցիք: Մի վախէք, չմտածէք ամենեին, թէ ես գորա համար կնեղանամ ձեզանից. ձեր բարդաւորութեան համար Աստուած ինձ այստեղ է ուղարկել: Զտապեցէք ուրեմն տուն և ասացէք հօրս, որ Աստուած ինձ ամբողջ Եգիպտոսի տէր է դարձել, շտապիր, արի շուտով ինձ մօտ: Նա Գեսեմ երկրում կընակի և ինձ մօտիկ կլինի, այստեղ կընակեն նմանապէս իւր որդիքը, թոռները, ոչխար-

ները և տաւարները և ինչ որ ունի, թող բոլորն էլ հետը բերի: Ես նորա բոլոր պակասութիւնքը կհոգամ, որովհետև սովը էլի հինգ տարի դեռ կշարունակուի. Ես չեմ թոյլ տայ, որ նրա տունը կորչի: Պատմեցէք հօրս թէ ինչպիսի փառք ու պատիւ ունիմ այստեղ՝ Եգիպտոսում, պատմեցէք ինչ որ տեսաք».

Նա ընկաւ իւր եղբայր Բենիամինի վզովը ու լաց եղաւ. Բենիամինն էլ նրա վզովն ընկաւ ու լաց եղաւ: Յովսէփը համբուրեց բոլոր եղբայրներին և շարունակ լաց էր լինում: Սորանից յետոյ եղբայրներն սկսեցին նորա հետ խօսել:

Դ.

Երբ այս ձայնը Փարաւոնին հասաւ, թէ Յովսէփի եղբայրները եկել են, շատ ուրախացաւ թէ ինքը և թէ իւր բոլոր ծառայողները: Նա Յովսէփի բերանով յայտնեց եղբայրներին, որ նրանք իրանց իշաները բառնան, Քանանացւոց երկիրն շտապեն և իրանց հօրը տնով տեղով Եգիպտոս բերեն. Նա խոստացաւ նրանց շատ բարութիւն անելու:

Յովսէփը նրանց կառքեր տուեց. Նմանապէս ճանապարհի պաշար և ամեն մինին երկու ձեռք շոր. իսկ Բենիամինին երեք հարիւր դահեկան և հինգ ձեռք շոր: Բացի այդ հօր համար տասն էշ ուղարկեց բարձած Եգիպտոսի բարիքներով, այլև տասն ջորի ցորենով և հացով բարձած, որպէսզի հայրը ճանապարհին նեղութիւն չկրէ: Յովսէփը իւր եղբայրներին այսպէս ճանապարհ դրեց:

Նրանք հեռացան Եգիպտոսից և եկան Քանանացւոց երկիրը՝ իրանց հօր մօտ ու պատմեցին այս

բոլորը, թէ Յովսէփը կենդանի է դեռ և ամբողջ Եգիպտոսը նորա իշխանութեան տակն է: Յակովը զարմացաւ այս բանի վերայ և չէր հաւատում: Այնուհետև պատմեցին եղբայրները ինչ որ իրանց գըլխովն անցել էր: Երբ Յակովը կորած որդու ուղարկած կառքերը տեսաւ, սթափեցաւ և ասաց. «Միթէ իմ որդի Յովսէփը կենդանի է, շտապեմ նորան տեսնել. քանի որ չեմ մեռել»:

«Որ Տաճկէ զամբարշտութիւն իւր՝ ոչ յաջողեսցի՝ իսկ որ պատմէ եւ յանդիմանէ, սիրելի եղիցի»: Գիրք Առակաց իլ. 13.

Ով որ իւր յանցանքը կուրանաց, միշտ կայտնուի, իսկ ով կիսոստովանէ, նորա գործը լաւ կլինի:

«Զբարերարութիւն և գհաղորդութիւն մի մոռանակը, զի ընդ այնպիսի պատարագս հաճի Աստուած», Թ. Պօղ. ա. Եբր. Ժգ. 16.

Բարի առնելլ և տեղեկութիւն հաղորդելը մի մոռանակը, որովհետև այսպիսի զոհաբերութիւնը սիրում է Աստուած:

«Աստուծոյ խորհուրդը սքանչելի է ու նորա իմաստութիւնը գերազանց:

§ 29.

Յակովը Եգիպտոսում:

ա.

Յակովը չուեց դէպի Եգիպտոս իւր բոլոր ստացուածքով: Երբ Բերաբէ հասաւ, Աստուած ասաց նորան տեսիլքում. «Ես քո հօր ամենակարող Աստուածն եմ, մի վախեցիր, դնա Եգիպտոս. այնտեղ

քեզ մեծ ազգ կդարձնեմ, ես քեզ հետ եմ դալիս Եղիպտոս, այնտեղ Յովսէփը պէտք է քո աչքերը խփէ»:

Այս խօսքերից յետոյ վեր կացաւ Յակովը և հեռացաւ Բերսաբէից: Նորա որդիքը լծեցին Յովսէփի ուղարկած կառքերը ու նստացըին նրանց մէջ իրանց որդւոցը և կանանցը. առան իրանց հետ կենդանիները և կայքը, որ Փանանացւոց երկրումն էին աշխատել և այսպէս Յակովը վաթսուն և վեց հոգւով Եղիպտոս տեղափոխվեց:

Յակովը Յուղային առաջուց Յովսէփի մօտ ուղարկեց, որպէսզի իր գալուստը յայտնէ նորան: Յովսէփն այս լուրն առնելուն պէս խոլոյն լծել տուեց կառքերը և եկաւ Հօրն ընդունելու: Երբ Յովսէփը Հօրը տեսաւ, վզովն ընկաւ ու երկար ժամանակ լաց էր լինում: Յակովըն ասաց. «Ճիմա Հանգիստ կմեռնեմ՝ քեզ տեսնելուց յետոյ»: Այն ժամանակ Յովսէփը խօսքը դարձրեց դէպի իւր Հայրն ու եղբայրները և ասաց. «Ես շտապում եմ Փարաւոնին իմաց տալ ձեր գալուստը»:

Բ.

Յովսէփն եկաւ Փարաւոնի մօտ և ասաց. «Իմ Հայրը և իմ եղբայրները եկել են Փանանացւոց երկրից՝ իրանց ոչխարներով, տաւարներով և բոլոր ստացուածքներով ու Գեսեմ երկրումն են»:

Յովսէփն առաւ իւր եղբայրներից հինգին և ներկայացրեց Փարաւոնին: Թագաւորը Հարցրեց եղբայրներին. «Ինչո՞ւ էք պարապում»: Նրանք պատասխանեցին. «Քո ծառաները և մեր Հայրը խաշնարած-

ներ են: Մենք եկել ենք քո երկրում բնակուելու, որովհետու քո ծառաները արօտատեղի չունեն իրանց անասունների համար. սովոր նեղում է մեզ Քանանացւոց երկրում, թոյլ տոնը մեզ Գեսեմում բնակուելու»: Փարաւոնն ասաց Յովսէփին. «Ընտրիր քո Հօր և քո եղբայրների համար իբրև բնակութեան տեղ իմ երկրի ամենալաւ տեղը—բնակեցրու նրանց Գեսեմում: Եւ եթէ քո եղբայրների մէջ քաջ և զօրաւոր մարդիկ կան, նշանակիր խաշներիս վերայ վերակացու»:

Յովսէփը կանչեց իւր Հօրը ևս ու ներկայացրեց թագաւորին: Փարաւոնը Հարցրեց Յակովըն. «Փանի տարեկան ես»: Յակովը պատասխանեց. «Իմ պանդընտութեան տարիները հարիւր և երեսուն են»: Յակովըն օրհնեց Փարաւոնին և հեռացաւ:

Յովսէփը Հօրը և եղբայրներին բնակեցրեց Եղիպտոսի ամենապտղաւէտ մասներից մինում՝ Գեսեմում, ինչպէս որ թագաւորը հրամայել էր ու հոգս էր տանում ամենին:

Գ.

Այսպէս Յակովը սերունդը բնակուեց Գեսեմ երկրում, որտեղ նրանք աճեցին և բազմացան: Յակովը Եղիպտոսում տասն և եօթն տարի ապրեց: Երբ մահուան օրը մօտեցաւ, կանչեց Յովսէփին և ասաց. «Եթէ ինձ սիրում ես, մի թաղիր Եղիպտոսում, վերջին ցանկութիւնս է Հայրերիս մօտ Հանգստանալ, դուրս տար ինձ այս երկրից և պապերիս գերեզմանի մէջ թաղել տուր»: Յովսէփը պատասխանեց. «Այնպէս կանեմ, ինչպէս որ քո կամքն-

է»: Այնուհետև խոնարհեցրեց Յակովը իւր գլուխը ու աղօթում էր անկողնի մէջ:

Սորանից յետոյ իմաց տուին Յովսէփին, որ իւր հայրը հիւանդ է: Յովսէփն իսկոյն վեր առաւ իւր երկու որդւոց՝ Եփրեմին և Մանասէին ու գնաց հօր մօտ: Յակովը երբ իմացաւ, որ Յովսէփը գալիս է, զօրացաւ, տեղից վեր կացաւ, նստեց անկողնի մէջ ու ասաց Յովսէփին. «Մենակարող Աստուածը տեսիլքում երեաց ինձ Քանանացւոց երկում, օրհնեց ինձ և ասաց. ես քեզ մեծ ազգ կդարձնեմ, այս երկիրը քո ժառանգներին պէտք է տամ: Գո երկու որդիքն ես՝ Եփրեմն ու Մանասէն իմն են, ինչպէս Թուբէնն ու Հմաւոնը»:

Յակովը մեկնեց իւր ձեռքերը և Յովսէփի երկու որդւոց զլիներին դնելով օրհնեց և ասաց. «Իմ հայրերի Աստուածը թնդ օրհնէ այս մանուկներին, որպէսզի սրանք աճեն և բազմանան երկրիս վերայ»:

Յետոյ Յովսէփի հետ խօսեց ու ասաց. «Ահա ես մեռնում եմ. Կատուած ձեզ հետ կլինի ու կրկին ձեր հայրերի երկիրը կդարձնէ»:

Սորանից յետոյ կանչեց Յակովը իւր բոլոր որդւոց և օրհնեց իւրաքանչյւրին յատուկ օրհնութիւնով: Նա իւր չորրորդ որդի Յուգային բոլոր եղբայրների վերայ մեծ նշանակեց: Յակովը խնդրեց իւր որդւոց և ասաց. «Ինձ թաղեցէք Քանանացւոց երկում, Մամբրէի մօտ գտանուող այրի մէջ»: Երբ իւր պատուէրը վերջացրեց, խփեց աչքերը և բաժանուեց ամենից: Յովսէփն ընկաւ հօր երեսի վերայ, լաց էր լինում և համբուրում էր նորան: Հրամայեց բժիշկներին, որ

զմռսեն. Նրանք էլ կատարեցին նորա հրամանը: Քառասուն օր այսպէս մնաց, որովհետև զմռսածներին այսքան օր պահում էին: Եղիպտացիները սպում էին Յակովին մահը եօթանասուն օր:

Երբ սգոյ օրերն անցան, Յովսէփը խօսեց Փարաւոնի հետ. «Իմ հայրը ինձ խնդրել է, որ ես նորան Քանանացւոց երկում թաղեմ. ես գնում եմ այն երկիրը և հօրս թաղելուց յետոյ՝ կվերադառնամ»: Փարաւոնն ասաց. «Քնա և թաղիր քո հօրը, ինչպէս որ խօստացել ես»:

Այսպէս Յովսէփը ճանապարհ ընկաւ դէպի Քանան: Փարաւոնի ծառաները, նոյնպէս Յովսէփինը, այլև իւր եղբօր ու հօր ծառաները ուղեկցում էին նորան: Նրանք կատարեցին այնպէս, ինչպէս որ Յակովին էր հրամայել—դիսակը տարան Քանանացւոց երկիրը և թաղեցին Մամբրէի մօտ՝ կրկին այրի մէջ: Սորանից յետոյ ամէնքն էլ Եղիպտոս վերադառնան:

«Պատուեա զհայր քո եւ զմայր քո, զի երկայնակեաց լինիցիս ի վերայ երկրի: II. Պովս. ի. 12.

Պատուիր քո հօրն ու մօրը, որ երկրիս վերայ երկար կեանք կարողանաս վարել»:

«Երանի մեռելոց, որք ի Տէր ննջեցին»: Յայտ. Յովհ. ժդ. 13.

§ 30.

Յովսէփի մահը:

ա.

Յակովի մահուանից յետոյ Յովսէփի եղբայրները վախենում էին իրանց եղբօրից—նրանք ասում էին.

«Յովսէփը մեղ հետ ոխ կունենայ. նա մեր չարութեան փոխարէնը անպատճառ կհատուցանէ»: Սորա համար եկան նորա մօտ ու ասում էին. «Ների մեղ այն բոլոր յանցանքներն ու չարութիւնները, որոնք մենք գործել ենք քո դէմ»: Աս ըանի վերայ դառնացաւ Յովսէփի սիրտը և սկսեց լաց լինել: Եղբայրները մօտեցան նրան. երեսի վերայ ընկան, ու ասում էին. «Մենք քո ծառաներն ենք»: Յովսէփն ասաց նրանց. «Մի վախենաք. ես էլ Աստուծոյ ծառան եմ. դուք իմ մասին չարութիւն մտածեցիք. իսկ Աստուծա բարի: Մի վախենաք, ես ձեզ էլ և ձեր որդոցն էլ կկերակրեմ»: Նա միսիթարեց եղբայրներին և սիրով էր խօսում նրանց հետ: Այսպէս Յովսէփը բռնակվում էր Եղիպտոսում իւր սերնդի հետ:

Բ.

Երբոր Յովսէփը 110 տարեկան դառաւ, ասաց եղբայրներին. «Ահա ես մեռնում եմ, Աստուծ ձեզ պէտք է այցելութիւն անէ. նա ձեղ այս երկրից կհանէ և կտանէ Քանանացւոց աշխարհը, որն Աստուծ Աբրահամին, Խօսհակին և Յակովին երդուաւ տալու: Երբ դուք կտեղափոխվէք, չմուանաք իմ ոսկորներն էլ ձեզ հետ տանելու»:

Այսպէս մեռաւ Յովսէփը. նորան զմռսեցին և թաղեցին Եղիպտոսում:

«Երանի խաղաղարարաց, զի նոքա որդիք Աստուծոյ կոչեսցին»: Մատ. ե. 9.

Երանի խաղաղասէրներին, որովհետեւ նրանք Աստուծոյ որդիք պիտի լինին:

«Եթէ որոց սիրեն զԱստուծած, յամենանի գործակից լինի ի բարիս»: Թ. ա. Հոռվ. ը. 28.

«Նոքա, որոնք Աստուծուն սիրում են, բարին նրանցից անբաժան է»:

Գ.

ՊԱՏԾԻՈՐՆԵԲԻ ՊԱՐ

Ա.

ՄՈՎԱԷՍ

§ 31.

Խօրայէլի նեղութիւնները Եղիպտոսում:

Յովսէփը մեռել էր. նմանապէս նորա բոլոր եղբայրները, բայց նրանց ժառանգները իրանց մահուանից յետոյ այնքան բազմացել էին, որ երկիրը լըքցուել էր նրանցով: Այդ ժամանակ Եղիպտոսում մի նոր թագաւոր եկաւ, որը Յովսէփին չէր ճանաչում. նա ասաց եղիպտացիներին. «Խօրայէլացիները չափեց դուրս բազմացել են. նրանք վտանգաւոր կարող են լինել մեզ համար. եթէ մի պատերազմ պատահի, հեշտ կերպով կարող են մեր թշնամու հետ միանալ և մեր դէմ պատերազմ մղել, ուստի պէտք է նրանց մի կերպով ոչնչացնել:

Սորա համար թագաւորը վերակացուներ նշանակեց, որպէսզի նրանց չարչարեն: Եղիպտացիները անգութ կերպով ստիպում էին խօրայէլացիներին աշխատելու. նրանց կեանքը դառնացնում էին ամեն տեսակ ծանր աշխատանքներով՝ թէ աղիւսի գործա-

րաններում և թէ դաշտում. Փարաւոնի համար ամուռք քաղաքներ և շտեմարաններ պէտք է շինէին: Սակայն որքան եգիպտացիները ճնշում, նեղում էին իսրայէլացիներին, այնքան սրանք աճում և բազմանում էին: Այն ժամանակ Փարաւոնը հրամայեց, որ եբրայեցւոց բոլոր նորածին արու զաւակները ջուրը ձգեն, իսկ աղջկերանց խնայեն:

«Երանի քեզ, երկիր, որոյ թագաւոր քո որդի ազատի է»: Ժող. ժ. 17.

Երանի այն երկրին, որի թագաւորը ազնիւ է, բարի է:

«Դուք խորհեցարուք զինէն ի չարութիւն եւ Աստուած խորհեցաւ վասն իմ ի բարութիւն»: I. Մովս. 8. 20.

Դուք ինձ համար չար բան մտածեցիք, իսկ Աստուած՝ բարին:

§ 32.

Պովսիսի ծնունդը և ազատութիւնը:

Այդ միւնոյն ժամանակներում Ղեկի ցեղից մինը՝ Ղեկի անունով մի մարդու աղջկայ հետ ամուսնացաւ և նորանից մի արու զաւակ ունեցաւ: Մայրը չափից դուրս ուրախանում էր, որ մի սիրուն երեխայ էր ստացել, զորա համար ևս երեք ամիս շարունակ ծածուկ էր պահում: Երբ այլ ևս չկարողացաւ թաքցընել, եղեկնից մի զամբիւղ հիւսեց, կարածիւթով ծեփեց, երեխան նորա մէջը դրեց և Նեղոսի եղեկնուտ ափը թողեց: Նորա քոյրը հեռուից դիտում էր, որ տեսնի թէ եղբօրն ինչ կպատահի:

Թագաւորի աղջիկը Նեղոսի ափն իջաւ լուացուելու համար. նորա նաժիշտները զետի ափում ման էին զալի: Երբ թագաւորի աղջիկը հեռուից նկատեց զամբիւղը, աղախիններից մինին ուղարկեց, որ բունէ ու իրան բերէ: Նորա հրամանը կատարուեցաւ—զամբիւղն իրան բերին, բաց արեց ու տեսաւ որ մէջը մի մանուկ լաց էր լինում: Թագաւորի դուստը գթաշարժուեց և ասաց. «Սա եբրայեցւոց մանուկներից պիտի լինի»: Այն ժամանակ մանուկի քոյրը մօտեցաւ և ասաց Փարաւոնի աղջկան. «Արդեօք չես կամենայ մի եբրայեցի մալր կանչեմ, որ մանուկին կերակրէ»: Փարաւոնի աղջիկն ասաց. «Գնա և կանչիր»:

Աղջիկն շտապեց մանուկի մօրը կանչելու: Մայրն եկաւ: Փարաւոնի աղջիկն ասաց. «Առ այս մանուկը, քեզ մօտ պահիք, մեծացրու, ես քո վարձը կվճարեմ»: Մայրն առաւ մանուկը և սնուցանումէր նորան: Երբ մեծացաւ, մայրը թագաւորի աղջկայ մօտ բերեց, իշխանուկին որդեղրեց նորան և Մովսէս անուանեց, որ մեր լեզուով նշանակում է «Ճրից հանած»: Մովսէսն ուսաւ Եգիպտոսում այն բոլոր գիտութիւնները, որոնք յայտնի էին այն ժամանակ և դարձաւ մի իմաստուն մարդ:

«Պահէ Տէր զամենեսեան, ոչք սիրեն զնա»: Մաղ. ճիսդ. 20.

«Զկեանս եւ զողորմութիւն եղեր ի վերայ իմ, այցելութիւն քո պահեաց զոգի իմ»: Յովգ. ժ. 12.

Կեանք և ողորմութիւն շնորհեցիր ինձ և քո խնամքը պահեց իմ անձը»:

§ 33.

Պովսիսի փախուստը:

Երբոր Պովսէսը չափահաս դարձաւ, գնաց իւր եղբայր իսրայէլացիների մօտ նրանց չարչարանքները տեսնելու: Այնտեղ տեսաւ, որ մի եղիպտացի իրան եղբայր իսրայէլացիներից մինին ծեծում էր. նայեց իւր շուրջը և երբ տեսաւ որ ոչ ոք չկայ, սպանեց եղիպտացուն և աւազի տակ թաղեց:

Միւս օրը ևս գուրս գնաց և տեսաւ որ երկու իսրայէլացիներ միմեանց հետ կռվումնեն. դարձաւ յանցաւորին և ասաց. «Ի՞նչու ես քո ընկերին ծեծում»: Նա պատասխանեց. «Քեզ ո՞վ նշանակեց մեզ վերայ դատաւոր, չլինի ինձ էլ եղիպտացու նման ուզում ես սպանել»: Պովսէսը զարհուրեց, երբ իմացաւ որ իւր արարմունքը յայտնի է եղել: Այս իրողութիւնը Փարաւոնի ականջին ևս հասաւ. նա կամենում էր Պովսէսին սպանել, իսկ Պովսէսը փախաւ Մադիամացուոց երկիրը և այստեղ մի ջրհորի մօտ բընակվումէր:

Մադիամու քուրմը եօթն աղջիկ ունէր. նրանք եկան ջրհորի մօտ և ջուր հանեցին ու լքցրին նաւի մէջ իրանց հօր խաշները ջրելու համար: Ուրիշ հովիւներն ևս եկան և աղջիկներից խլեցին ջուրը: Պովսէսը տեղից վեր կացաւ, օգնեց աղջկերանց, ջրհորից ջուր հանեց և խաշներին խմացրեց:

Երբ նրանք տուն դարձան, Յոթորն ասաց. «Այդ ի՞նչպէս է պատահել, որ այսօր վաղ էք եկել»: Նրանք պատասխանեցին. «Մի եղիպտացի մարդ պաշտպանեց

մեզ հովիւների դէմ, ջուր հանեց և մեր ոչխարներին խմացրեց»: Յոթորն ասաց. «Ո՞րտեղ է այն մարդը, ի՞նչու նրան հացի չկանչեցիք»: Պովսէսին տուն հրավիրեցին և նա նորս ոչխարներն էր արածացնում ու վերջը նորա Սեպովրա աղջկայ հետ ամուսնացաւ:

«Զի բարկութիւն մարդոյ զարդարութիւն Աստուծոյ ոչ գործէ»: Թ. Յակ. ա. 20.

Բարկացած մարդը Աստուծոյ նման արդար բան չի կարող գործել:

«Զի զոր սիրէ տէր՝ իսրատէ»: Թ. ա. Երը. ժբ. 8.

§ 34.

Աստուած կանչում է Պովսէսին:

Երբ Պովսէսը իւր աներոջ՝ Յոթորի խաշները արածացնում էր անապատի մէջ, մօտեցաւ նա Քորեք լերանը: Այնտեղ նկատեց, որ մի մորենի վառվում էր, բայց չէր այրվում: Պովսէսը մօտ գնաց իմանալու, թէ ինչու մորենին չի այրվում: Խակոյն թփի միջից ձայն եկաւ, որ ասում էր. «Պովսէս, Պովսէս»: Նա պատասխանեց. «Ի՞նչ է. Տէր»: Զայնը կրկնեց. «Հան կօշիխներդ, այդ տեղը, ուր որ գու կանգնած ես, սուրբ է»:

Զայնը շարունակեց. «Ես եմ Աբրահամի, Յակովի և Խահակի Աստուածը: Պովսէսը շուռ տուեց իւր երեսը և ծածկեց ձեռքերով: Աստուած ասաց. «Ես տեսայ իմ ժողովրդի նեղութիւնները Եգիպտոսում, նորա աղաղակն ինձ է հասել, ես կամենում եմ նորան այն երկրից հանել և մի ուրիշ երկիր տա-

նել. ես կամենում եմ Քանանացւոց երկիրը նրանց տալ, ուր մեղք և կաթն է բղխում. ես կամենում եմ քեզ Եգիպտոս ուղարկել Փարաւոնի մօտ, որ իմ ժողովուրդն ազատես»: Մովսէսն ասաց Աստուծուն. «Եթէ ես իսրայէլացւոց մօտ գնամ և ասեմ, թէ ձեր հայրերի Աստուածը՝ Եհովան ինձ ուղարկեց ձեզ մօտ, նրանք չեն հաւատայ և կասեն, որ Աստուած քեզ չի երևացել»: Աստուած ասաց. «Զեռքիդ գաւազանը գետին ձգիր»: Նա էլ ձգեց և գաւազանը օձ դարձաւ: Մովսէսը վախեց և հեռացաւ: Աստուած ասաց. «Ձգիր ձեռքդ և ագիրց բռնիր»: Օձն իսկոյն գաւազան դարձաւ: Աստուած շարունակեց. «Զեռդ ծոցդ դիր»: Նա էլ ձեռը ծոցը դրեց, բայց դուրս հանելիս տեսաւ որ ձեռը բորոտ է դարձել—սպիտակ, ինչպէս ձիւն: Աստուած ասաց նորան. «Զեռդ ծոցդ դիր»: Նա էլ կատարեց և տեսաւ որ միւս ձեռքի նման առողջ է: Աստուած ասաց. «Եթէ այս երկու նշաններին չեն հաւատայ, նեղոսից ջուր կվեր առնես, կրսկես գետնի վերայ և գետի ջուրն իսկոյն արիւն կդառնայ»:

Մովսէսն ասաց Աստուծուն. «Տէր, ես ծանրալեզու եմ»: Աստուած ասաց նորան. «Ո՞վ է մարդուն բերան՝ լիզու տուել՝ ո՞վ է ստեղծել համրերին ու խուզերին. չէ որ ես եմ ստեղծել նրանց. գնա, ես քո բերանը բաց կանեմ և կսովորցնեմ, թէ ինչ պիտի խօսես»: Դորա համար քո ճարտարախօս եղբայր Ահարոնը քեզ հետ կդայ, նա քո փոխարէն ժողովը դին իմ կամքը կյալտնէ—նա քո բերանը կլինի, իսկ դու նորա Աստուածը»:

Այս բանից յետոյ Մովսէսը Յոթորի մօտ գնաց և ասաց. «Արձակիր ինձ, որ ես կրկին իմ եղբայրների մօտ գնամ Եգիպտոս»: Յոթորը պատասխանեց. «Գնամ խաղաղութեամբ»: Մովսէսը վեր առաւ իւր կնոջը և երկու որդւոց ու գնաց Եգիպտոս: Անապատում նա հանդիպեց Ահարոնին և յայտնեց նորան Աստուծոյ պատգամները: Մովսէսը տեղեկացաւ, որ այն ժամանակուայ Փարաւոնն արդէն մեռել է: Այսպէս նրանք երկուսով Փարաւոնի մօտ գընացին և իսրայէլի ժողովրդեան ծերերին իմիասին հաւաքեցին: Ահարոնը յայտնեց նրանց այն բոլորը, ինչ որ Աստուած նորան յայտնել էր. Մովսէսը ցոյց տուեց նոյն նշանները ժողովրդի առաջ: Երբ ծերերը իմացան, որ Աստուած իրանց նեղութիւնները լսել է, խոնարհեցան և սկսեցին աղօթել Աստուծուն:

«Զի զօրութիւն իմ ի տկարութեան կատարի»:

• Ա. թ. ա. Կընթ. ժբ. 9.

Իմ զօրութիւնը տկարներին զօրացնում է:

§ 35.

Եգիպտոսից դուրս գալը:

Սորանից յետոյ Մովսէսը և Ահարոնը գնացին Փարաւոնի մօտ և ասացին. «Իսրայէլ Աստուածն ասում է, արձակիր իմ ժողովրդին»: Փարաւոնը պատասխանեց. «Այն ով է, որին ես պէտք է լսեմ և արձակեմ ժողովրդին, այդ Աստուծուն ես չեմ ճանաչում»:

Փարաւոնը նոյն օրում հրամայեց գործավարնե-

ըին և նրանց օգնականներին, որ ժողովրդին աւելի խիստ աշխատեցնեն, նորանց այլ ևս յարդ չտան, ինչպէս մինչեւ ալժմ. թող իրանք գնան և դաշտից ծղնոտ հաւաքեն՝ աղիւս այրելու համար և աղիւսների թիւը չպէտք է պակասացնել: Գործավարներն էլ գնացին և թագաւորի կամքը ժողովրդին յայտնեցին: Սորանից յետոյ ժողովուրդն սկսեց ցրուել ամբողջ Եղիպատում և յարդ ու եղեկն էր հաւաքում: Գործավարներն աւելի ևս ստիպում էին ժողովրդին և ասում. «Աւարտեցէք ձեր ամենօրեայ աշխատանքը՝ այնպէս ինչպէս որ յարդ ունեցած ժամանակն էիք պատրաստում»: Եւ որովհետև նրանք հանապազօրեայ աշխատանքը չէին կարողանում աւարտել, ուստի խիստ ծեծի էին ենթարկվում:

Խորայէլի որդիները գանգատավեցին Պովսէսին, Ահարոնին և ասացին. «Աստուած ձեր գատաստանն անէ, դուք շարժեցիք թագաւորի բարկութիւնը»: Պովսէսն սկսեց աղօժել Աստուծուն և ասել. «Տէր, ինչո՞ւ ես քո ժողովրդին այդպէս չարչարում, այն օրից, երբ ես Փարաւոնի մօտ գնացի, ժողովրդի բեռն աւելի ծանրացաւ»: Աստուած ասաց Պովսէսին. «Այժմ դու կտեսնես, թէ ես Փարաւոնին ինչ կանեմ»: Բայց որովհետև նրանց նեղութիւնները և չարչարանքները խիստ ծանր էին, դորա համար ևս չլսեցին նորան:

Սորանից յետոյ Աստուած մինը միւսի յետեից ծանր պատիժներ ուղարկեց Եղիպատացիների համար— գորտ, մուկն, կարկուտ, մորեխ... միայն Գեսեմ երկիրն ազատ մնաց այս պատիժներից: Այն ժամանակ Եղիպատացիներն ասացին. «Աստուած սրանց հետն է»:

Հենց որ մի պատիժ գալիս էր, Փարաւոնն ասում էր Պովսէսին և Ահարոնին. «Ժողովրդին կարձակեմ», իսկ երբ պատիժն անցնում էր, նորա սիրտը կրկին քարանում էր և ժողովրդին չէր արձակում:

Աստուած ասաց Պովսէսին. «Մի պատիժ էլ կամենում եմ ուղարկել, այն ժամանակ Փարաւոնը կարձակէ ձեզ: Ուղիղ կէս գիշերին Եղիպատողի բոլոր անդրանիկները՝ Փարաւոնի որդուց սկսած մինչև վերջին աղախնը, կմեռնեն, իսկ խորայէլացիներից ոչ ոք չվմեռնի»:

Աստուած շարունակեց խօսել Պովսէսի հետ. «Յայտնիր խորայէլի ժողովրդին, որ այս ամիսը (Նիսան) նրանց համար առաջին ամիսը կլինի. այս ամսի 14 իւրաքանչիւր տան տէր պէտք է մի գառն ունենայ, երեկոյեան ժամանակ մորթէ, խորովի և իւր ընտանիքի հետ ուտէ միւսնոյն գիշերում. դորա հետ պէտք է ուտեն այլև բաղարջ հաց: Ընթրիքը այսպէս պիտի ուտէք—գոտին կապած, կօշիկները հագած և գաւաղանը ձեւին շտապով պիտի ուտէք. այս զատիկը Տիրոջ զատիկն է: Միւսնոյն գիշերում ես պիտի հարուածեմ Եղիպատուի բոլոր անդրանիկներին, իսկ դուք անվնաս կհեռանաք այս երկրից: Այդ օրը չպիտի մոռանաք. այդ տօնը միշտ պիտի կատարէք՝ ի լիշտակ Տիրոջ, ձեր և ձեր յետագաների: Ասպէս էլ արին խորայէլացիները»:

Այդ միւսնոյն գիշերում Աստուած սպանեց Եղիպատոսի բոլոր անդրանիկները՝ Փարաւոնի որդուց սկսած մինչև վերջին աղախնի որդին. տուն չկար, ուր սուգ չլինէր: Փարաւոնը կանչեց Պովսէսին և Ահարոնին ու

ասաց. «Ճտապեցէք, Հեռացէք իմ ժողովրդից. վեր առէք ձեր հետ ձեր տաւարն ու ոչխարները»: Եզիպտացիներն ստիպում էին խրայէլացիներին հեռանալու իրանց երկրից. նրանք ասում էին. «Հեռացէք, թէ չէ մենք ամենքս էլ կմեռնենք»: Այսպէս Եզիպտոսից դուրս եկան խրայէլացիները՝ թուով 600,000 չհաշվելով կանանց և երեխաներին: Խրայէլացիները մնացին Եզիպտոսում 430 տարի: Պովսէսը տարաւ իւր հետ և Յովսէփի ոսկորները: Աստուած նորանց մի ամպէ սիւն տուեց ցերեկը, իսկ մի կրակէ սիւն էլ գիշերն առաջնորդելու համար:

«Ամենայն ինչ նովաւ եղե»: Աւետ. Յովհ. ա. 2.

Ամեն բան նորանով եղաւ:

«Եւ հզօրացեալքդ պարտեցարուք, զի Աստուած ընդ մեզ է: Եւ զիսորհուրդն զրո խորհիք, խափանէ տէր, զի... Եւ քանզի ցերկիւղէ ձերմէ մեք ոչ երկիցուք և ոչ խոռվիցուք, զի... Փամագիրք:

Զօրեղներդ կաղթուէք, որովհետեւ Աստուած մեզ հետ է: Այն՝ ինչ որ մտածում էք, Աստուած կիսափանէ, որովհետե... Ձեր երկիւղից և սպառնալիքներից մենք չենք փախենայ, որովհետե....

§ 36.

Վարմիր ծովին անցնելը:

Երբ Փարաւոնին իմաց տուին, թէ ժողովուրդն արդէն հեռացել է, այն ժամանակ թագաւորի և նորա ծառաների սիրտը վտխվեց, նրանք ասացին.

«Ի՞նչու խրայէլացիներին մեր ծառայութիւնից արձակեցինք»: Փարաւոնը վեր առաւ ժողովրդին՝ վեց հարիւր ընտիր պատերազմական կառքերով, երիվարներով և ընկաւ խրայէլի որդւոց ետևից ու հասաւ նրանց կարմիր ծովի մօտ, ուր բանակ էին ձգել:

Երբ խրայէլացիները տեսան եզիպտացիներին, խիստ վախեցան, սկսեցին գանգատուել Աստուածուն և ասել Պովսէսին. «Մի՛թէ Եզիպտոսում գերեզմաններ չկալին, որ դու բերիր մեզ այստեղ անապատում թաղելու»: Պովսէսը պատասխանեց. «Մի՛ վախենաք, քաջալերվեցէք, դուք շուտով կտեսնէք, թէ Աստուած այսօր ինչպէս է փրկելու ձեզ: «Աստուած ինքը պէտքէ ձեր փոխարէն պատերազմէ, դուք հանգիստ կմնաք»:

Աստուած ասաց Պովսէսին. «Յայտնիր խրայէլացիներին որ չուեն, իսկ դու բարձրացրու քո գաւազնը և ձգիր ձեռքդ ծովի վերայ»: Երբ Պովսէսը ձեռքը ձգեց, ջուրն իսկոյն պատառվեց և երկու կողմից պատի նման կանգ առաւ. յետոյ հողմ փչեց, յատակը չորացրեց և խրայէլացիները ցամաքի վերայով անվտանգ միւս ափն անցան: Եզիպտացիները հետևեցին իրանց կառքերով, երիվարներով. Փարաւոնն էլ նրանց հետ:

Աստուած ասաց Պովսէսին. «Չգիր ձեռքդ ծովի վերայ, որպէսզի ջուրը միանալ և թափի եզիպտացիների վերայ»: Պովսէսը ձգեց ձեռը և ծովը միացաւ, եզիպտացիներն սկսեցին փախչել, իսկ ջուրը ծածկեց կառքերը, երիվարները և Փարաւոնի զօրքը—նոցանից ոչ մէկն էլ կենդանի չմնաց, իսկ խրայէլացիներն անվտանգ անցան ծովը և տեսան եզիպ-

տացիներին ծովի ափում խեղդուած, թափուած են: Այսպէս օգնեց Աստուած իսրայէլի ժողովրդին և ազատեց եգիպտացիների ձեռքից:

Ժողովուրդը վախենում էր Աստուածանից և հաւատում նորա ծառայ Մովսէսին: Մովսէսը և իսրայէլի ժողովուրդը սկսեցին Տիրոջ համար երդ երգել և ասել. օրհնեցէք Աստուծուն, որովհետեւ նա փառաւոր գործ կատարեց—Փարաւոնի երիվարները և հեծեալները ծովը ձգեց. Տէրն իմ օգնականն է և փրկիչը:

«Անօրէնք եղեն յաւեր յանկարծակի, սատակեցան, պակասեցան, կորեան վասն անօրէնութեան իւրեանց»: Սաղ. Հբ. 19.

Անօրէնները յանկարծակի կործանվեցան, սատակեցան և կորան իրանց անօրէն գործքերի համար:

«Խոստովան եղերուք Տեառն զի քաղցր է, զի յափտեան է ողորմութիւն նորա»: Սաղ. Ճե. 1.

Խոստովաննեցէք որ Աստուծոյ ողորմութիւնը քաղցը է և յափտեանական:

§ 37.

Իսրայէլացիներն անշնում են անապատով:

Մովսէսը շարունակեց ճանապարհը Կարմիր ծովից դէպի անապատ՝ երեք օր շարունակ. վերջապէս հասաւ Մեռա, որտեղի ջուրը գառն էր—խմել չէին կարողանում: Ժողովուրդն սկսեց գանգատուել Մովսէսին և ասել. «Ի՞նչ պէտք է խմենք»: Մովսէսն

աղօթեց Աստուծուն. Աստուած Մովսէսին մի փայտ ցոյց տուեց, որին նա ջուրը ձգեց և ջուրն իսկոյն քաղցրացաւ:

Այդտեղից իսրայէլացիները չուեցին և եկան Աին անապատը. արդէն երկրորդ ամսուայ տասն և հինգն էր, որ Եգիպտոսից դուրս էին եկել: Իսրայէլի որդիքը կրկին սկսեցին գանգատուել Մովսէսին, Ահարոնին և ասել. «Երանի Աստուած մեղ Եգիպտոսում մահ տար. այն տեղ կաթսաներով միս ունէինք և առատ հաց. դուք բերիք մեղ այս անապատ տեղը սովամահ առնելու»: Աստուած ասաց Մովսէսին. «Ես երկնքեց հաց կթափեմ ձեզ համար. ժողովուրդը թող ամեն օր դուրս գնայ և ժողովէ ինչքան իրան մի օրուայ համար հարկաւոր է, իսկ վեցերորդ օրը թող երկու անգամ աւելի ժողովէ: Մովսէսը և Ահարոնը յայտնեցին այս բանն իսրայէլացիներին և ասացին. «Երեկոյեան պահուն կիմանաք դուք, որ Աստուած ձեզ հանել է Եգիպտոսից, իսկ առաւտը նորա փառքը կտեսնէք, նա ձեր տրտունջը լսել է, մենք ովքեր ենք, որ մեզանից գանգատվում էք: Երեկոյեան ուտելու միս կունենաք, իսկ առաւտեան՝ առատ հաց. վերջապէս դուք կիմանաք, որ նա է ձեր Աստուածը»: Երեկոյեան ժամանակ եկան լորամարկիները և ծածկեցին ամբողջ բանակը, իսկ առաւտեան ցողով էր պատած բանակը: Երբ ցողը հեռանում էր, զետնի վերայ մնումէր կլոր և սպիտակ՝ եղեամի նման մի բան: Իսրայէլացիները երբ այս բանը տեսան, ասում էին միմեանց. «Այս ինչ բան է»: Ժողովուրդը զգիտէր նորա ինչ լինելը: Մովսէսն ասաց: «Այս այն հացն է,

որ Աստուած ուղարկել է ձեղ ուտելու։ Վեց օր շարունակ ամեն ոք թող այնքան հաւաքէ, որքան որ ուտել կարող է, իսկ վեցերորդ օրը երկու անգամ աւելի կհաւաքէք, որովհետև շաբաթ է, հանգստեան օր է՝ սուրբ օր է»։ Խրայէլացիները այս հացի անունը մանանա դրին և առաւտներն էին հաւաքում. գոյնը սպիտակ էր և մեղրահացի համ ունէր. երբ արևը տաքանում էր, իսկոյն հալվում էր։ Այսպէս նրանք միշտ մանանայ էին ուտում, քանի որ անապատումն էին։

Խրայէլացիները յառաջ դնացին։ Ժողովուրդը խմելու ջուր չունէր. սկսեցին նորից գանգատվել Մովսէսին և ասել. «Ճուր տուր մեղ, միթէ մեղ և մեր անասուններին ծարաւից սպանելու համար դուրս բերեցիր Եգիպտոսից»։ Մովսէսը յայտնեց Աստուծուն և ասաց. «Ի՞նչ անեմ ես այս ժողովրդի հետ, մի փոքր էլ որ մնայ, ինձ քարկոծ կառնեն»։ Աստուած ասաց. «ԱՌ քո գաւազանը, որով ծովի ջուրը բաժանեցիր, ես քեզանից առաջ՝ մի ժայռի մօտ կանգնած կլինեմ. դու քո գաւազանով ժայռին կխփես և ջուրն այնտեղից իսկոյն կըլիսէ ու ժողովուրդը կլիմէ»։ Մովսէսը հնազանդվեց Աստուծոյ հրամանին. նորա կամքը կատարեց և այնպէս էլ եղաւ։

Սորանից յետոյ եկան ամաղէկացիները և պատերազմեցին խրայէլացիների հետ։ Մովսէսն ասաց Յեսուսն. «Քաջ մարդկի ընտրիք, դուրս արի և պատերազմիր ամաղէկացիների հետ»։ Յեսուսն էլ այնպէս արաւ, ինչպէս որ Մովսէսն էր պատուիրել։ Մովսէսը և Ահարոնը բարձրացան մի բլբի վերայ. Մովսէսը կարկառեց իւր ձեռները դէպիր երկինք և աղօթումէր

Աստուծուն։ Խրայէլը յաղթեց և Յեսուն սրով հարուածեց ամաղէկացիներին։ Մովսէսն Աստուծոյ համար սեղան շինեց։

«Աչք ամենեցուն ի քեզ յուսան, և դու տաս կերակուր նոցա ի ժամու։ Բանաս զձեռն քո և լցուցանես զնոսա քաղցրութեամբ կամօք քովք։ Սաղ. ճխդ. 15—16.

Ամենքն էլ քեզ վերայ ունին դրած յուսերը, դու ես տալի նրանց կերակուր իւր ժամանակին։ Բաց ես անում քո ձեռները և ամենքին էլ բաւականացնումես քո կամքով։

«Մերձ է Տէր առ ամենեսեան որ կարդան առ նա. առ ամենեսեան, որ կարդան առ նա ճշմարտութեամբ»։ Սաղ. ճխդ. 18.

«Գիթած ողորմած է Տէր, երկայնամիտ եւ բազումողորմ»։ Սաղ. ճ. 8.

§ 38.

Յոթորի բարի խորհուրդը։

Մովսէսի աներ Յոթոր քուրմը երբ լսեց որ Աստուած իսրայէլի ժողովրդին Եգիպտոսից դուրս է հանել, վեր առաւ Մեփովրալին, որին Մովսէսը ճանապարհոց յետ էր դարձրել, իրա երկու թոռներին, գնաց անապատ և վիեսայի մօտ մարդ ուղարկեց, որ իրան գայ։ Մովսէսը աներոջ գալն իմանալուն պէս՝ գնաց նորա առաջը, երկրպագութիւն տուեց, համբուրեց և յետոյ վրանը տարաւ։ Այնտեղ Մովսէսը պատմեց աներոջն այն ամենը, ինչ որ Տէրը արել էր Փառաւոնին և եղիպտացիներին. պատմեց նոյնպէս այն նե-

զութիւնները, որոնք նա ճանապարհին քաշել էր և թէ ինչպէս Աստուած աղատել էր նորան: Յոթորը շատ ուրախացաւ Խորայէլի Աստուծոյ գործած բարի գործերի համար և ասաց. «Թրհնեալ լինի ձեզ աղատող Աստուածը, այժմ գիտեմ, որ նա բոլոր աստուածներց մեջն է»:

Հետեւեալ առաւօտ՝ Մովսէսն սկսեց ժողովրդի գանգատները վճռել. բազմութիւնը խռնվածէր նորաշուրջը՝ առաւօտից սկսած մինչև երեկոլ: Յոթորն ասաց նորան. «Այդ լաւ բան չես անում—դու լոգնեցնում ես քեզ էլ, ժողովրդին էլ: Պաշտօնդ ծանը է, միայնակ չես կարող դատել այդ բազմութեանը: Լսիր ինձ, ես քեզ մի խորհուրդ կտամ, Աստուած ևս կօգնէ քեզ այդ բանում—դու եղիր միջնորդ Աստուծոյ և մարդկանց մէջ. նրանց համար կանոններ և օրէնքներ սահմանիր և սովորցրու այն ճանապարհը, որով նրանք պէտք է գնան և այն գործքերը, որոնք պարտաւոր են գործելու: Ընտրիր քո ժողովրդի միջից արդարադատ, աստուածավախ, խոնարհ մարդիկ ու նրանց ժողովրդի վերայ դատաւոր նշանակիր—ոմանց 1,000 պետ, ոմանց 100 պետ, ոմանց 50 պետ և ոմանց 10 պետ: Եթէ մեծ գործք կպատահի, թո՛ղ քեզ դիմեն, իսկ փոքրերը իրանք վճռեն: Ասպէս քո աշխատանքը կթեթևանալ, նրանք էլ քեզ հետ ծանրութիւնը կտանեն—նրանք քո օգնականները կլինին:

Մովսէսը լսեց Յոթորի խորհրդին և այնպէս արեց, ինչպէս որ նա էր ասել: Սորանից լետոյ Մովսէսը աներոջն արձակեց իւր երկիրը գնալու:

«Եւ մեծին խոնարհեցն զգլուխ քոյ: Սիրաք դ. 7. Մեծին՝ դատաւորին պէտք է յարգես:

§ 39.

Մինայի օրէնստուութիւնը:

Եզիպտոսից դուրս գնալու երկրորդ ամսում իսրայէլացիները հասան Ախնա անապատը և բանակ ձգեցին նոյն լերան հանդէս: Մովսէսը լեառը բարձրացաւ. Աստուած ասաց նորան. «Խորայէլի որդւոց այսպէս կասես—դուք տեսաք թէ ես եզիպտոսիներին ինչ արի. ինչպէս ես ձեզ արծուի թևերի վերայ առած ինձ մօտ բերեցի. եթէ դուք ինձ կլսէք և իմ ուխտը կպահէք, իմ ընտրեալ ժողովուրդը կլինիք բոլոր ազգերի մէջ. դուք կլինիք ինձ համար մի քահանայական թագաւորութիւն և սուրբ ժողովուրդ»: Մովսէսն իջաւ լեռնից, կանչեց ժողովրդի ծերերին և Աստուծոյ այս խօսքերը յայտնեց նրանց: Բոլոր ժողովուրդն իմիասին պատասխանեց. «Աստուծոյ բոլոր պահանջները կկատարենք»: Մովսէսը յայտնեց այս բանն Աստուծուն: Աստուած ասաց նորան. «Գնա ժողովրդի մօտ, պատուիրիր նրանց լուացուել և մաքրուել այսօր և վաղը՝ պատրաստիր երրորդ օրուան համար. ասիր որ մաքրու շորեր հագնեն. լերան շուրջը ցանկ պատիր, որ ոչ ոք այնտեղ չբարձրանայ, ապա թէ ոչ՝ մօտեցողը մահով կմեռնի»:

Վերջապէս երրորդ օրը եկաւ: Առաւօտեան վաղ՝ լեառն սկսեց որոտալ և կայծակել. թանձր ամպերը պատեցին սարի գլուխը—և փողի ձայնը լսելի կեր-

պով հնչում էր. ամենքը զարկուրեցան: Մովսէսը ժողովրդին բանակից դուրս հանեց և տարաւ լեռան ստորոտը: Սինա լեառն ամբողջապէս ծխի մէջ կորած էր, կրակի բոցեր էին բարձրանում միջից և շարժվում էր—փողի ձայնը հետղետէ սաստկանումէր:

Այդ ժամանակ Աստուած սկսեց խօսել ժողովրդի հետ և ասել. 1. «Ես եմ քո տէր Աստուածը. Ես քեզ հանեցի Եգիպտոսից և ազատեցի նորա ճառայութիւնից, ինձանից զատ ուրիշ Աստուած չպիտի ունենաս: 2. Կուռք չշինես ոչ երկնքի և ոչ երկրիս ստեղծուածների նման ու երկրպագութիւն չտաս նրանց, որովհետև ես եմ քո Աստուածը՝ Աստուած նախանձու—ինձ ատող հայրերի մեղքը մինչև երրորդ, չորրորդ սերունդը նրանց որդիներից կհանեմ, իսկ ինձ սիրողներին և իմ հրամանը կատարողներին՝ մինչև հաղարերորդ սերունդը չեմ մոռանայ: 3. Քո Աստուծոյ անունը իզուր բաների վերայ մի լիշեր, նորա անունով սուտ մի երգուիր, որովհետև Աստուած իրան անունը սուտ երդուողներին անպատիժ չէ թողնում: 4. Յիշիր շաբաթ օրը և սուրբ պահէր նորան—վեց օր աշխատիր, իսկ եօթներորդ օրը, որը Աստուծուն է, հանգիստ եղիր, նորան նուիրիր: 5. Պատուիր քո հօրն ու մօրը, որ երկար կեանք ունենաս: 6. Մի սպանաներ: 7. Մի շնար: 8. Մի գողանար: 9. Քո ընկերի մասին սուտ վկայութիւն չտաս: 10. Մի ցանկանար քո ընկերի տանը, արտին, եզանը, լշին և այն ամենին, ինչ որ նորանն է:

Բոլոր ժողովուրդը լսում էր որոտի և փողի ձայնը, տեսնում էր կայծակները և լեռան ծխալը: Երկիւղից

զարկուրած ժողովուրդը հեռացաւ և այնտեղից էր խօսում Մովսէսի հետ և ասում. «Դու խօսիր մեզ հետ Աստուծոյ փոխարէն. մենք քեզ կլսենք. մեզ ուղղակի Աստուծոյ հետ մի խօսեցնել տուր, ապա թէ ոչ ամենքս էլ կմեռնենք»: Մովսէսն ասաց. «Մի վախենաք, Աստուած կամենում էր ձեզ փորձել. նորա երկիւղը աչքից չկեռացնէք. յանցանք մի գործէք»: Ժողովուրդը մօտեցաւ, իսկ Մովսէսը լեառը բարձրացաւ: Աստուած խօսումէր Մովսէսի հետ: Մովսէսը լեռից վայր իջաւ և յայտնեց ժողովրդին Աստուծոյ բոլոր ասածները, այլև այն բոլորը, ինչ որ իրաւունք ունին անելու: Այն ժամանակ ամենքը միաբերան սկսեցին աղաղակել և ասել. «Աստուծոյ բոլոր պատուիրանները կկատարենք»:

Մովսէսը դարձեալ բարձրացաւ լեառը և այնտեղ 40 օր մնաց: Երբ Աստուած իւր խօսակցութիւնը վերջացրեց Մովսէսի հետ Սինա լեռան վերայ, երկու քարէ տախտակներ տուեց նորան, որի վերայ Աստուած ինքն էր գրել այս պատուիրանները:

«Մեք սիրեսցուք զԱստուած, վասնզի նա նախ սիրեաց զմեզ»: I. թ. Յովհ. դ. 19.

«Քանզի այս է սէրն Աստուծոյ, զի զպատուիրանս նորա պահէսցուք. եւ պատուիրանք նորա չեն ինչ ծանունք»: I. թ. Յովհ. ե. 3.

§ 40.

Պոկէ որթը:

Երբ ժողովուրդը տեսաւ, որ Մովսէսն այլ եւս չվերադառձաւ լեռնից, ժողովեցան Ահարոնի մօտ և ասացին. «Ճինիք մեզ համար աստուածներ, որոնք մեզ առաջնորդեն. այն մարդը՝ Մովսէսը, որը մեզ Եգիպտոսից դուրս հանեց, չգիտենք ինչ եղաւ»: Ահարոնը պատասխանեց նրանց. «Բերէք ինձ ձեր կանանց և աղջկների ոսկէ գնտերը»: Այն ժամանակ իւրաքանչիւրը հանեց իւր ականջի ոսկէ օղը և նորա մօտ բերեց. նա էլ վերցրեց և մի ոսկէ որթ ձուլեց նորանից: Ոսկէ որթ ձուլելու միտք յայտնողները երբ տեսան, որ իրանց գործքը յաջողեց, աղաղակեցին ժողովրդին և ասացին. «Ահա ձեր Աստուածը, որը ձեզ Եգիպտոսից դուրս բերեց»: Ահարոնը սեղան կանգնեց, քարոզ կարդաց և ասաց. «Վաղը Աստուծոյ տօննէ»: Առաւօտեան վաղ՝ վեր կացաւ ժողովուրդը և ողջակէզ մատուցեց: Սորանից յետով սկսեցին ուտել խմել և պարել որթի չորս կողմը:

Այդ ժամանակ Մովսէսը իջաւ լեռնից՝ ձեռքին բռնած վկայութեան երկու տախտակները: Երբ բանակին մօտեցաւ, տեսաւ ոսկէ որթը և պարաւորներին, բարկացաւ, տախտակները ձեռքից վայր ձգեց լերան ստորոտում և կրտքատեց: Յետով վերառաւ նրանց շինած ոսկէ որթը, կրակով այրեց, խարսոցեց, փոշի դարձրեց, ջրի մէջ ցանեց և խմացրեց խրացէլացիներին: Ապա Ահարոնին դարձաւ և ասաց. «Այս ժողովուրդը քեզ ինչ արեց, որ սորան

այսպիսի բանցանքի մեջ ձգեցիր»: Ահարոնը պատասխանեց. «Մի՞ բարկանար, քեզ ևս շատ լաւ յայտնի է սրանց չարութիւնը և յանդգնութիւնը»: Երբ Մովսէսը տեսաւ, որ ժողովուրդը յանցանք է գործել, մօտեցաւ բանակի դրանը և ասաց. «Աստուծուն հաւատարիմ մնացողները թող ինձ մօտ գան»: Ղեկի բոլոր որդիքը նորա մօտ հաւաքվեցան: Մովսէսն ասաց նրանց. «Մերկացը ձեր սրերը, անցէք բանակի մի ծայրից միւսը և կրկին յետ դառէք դէպի միւս գուռը ու սպանեցէք Աստուծոյ դէմ բոլոր մեղանչողներին: Ղեկի որդիքը կատարեցին Մովսէսի հրամանը: Այդ օրում ժողովրդից երեք հազար մարդ ընկաւ:

Առաւօտը Մովսէսն ասաց ժողովրդին. «Դուք մեծ յանցանք էք գործել, ես լեառը կբարձրանամ Աստուծոյ մօտ և կինդրեմ, որ ձեր յանցանքը ներէ»: Մովսէսն ասաց Աստուծուն. «Ժողովուրդը մեծ յանցանք է գործել, ների նրանց, իսկ եթէ չես ների, այն ժամանակ իմ անունն էլ քո որդեգրութեան ցուցակից ջնջիր»: Աստուած ասաց Մովսէսին. «Յանցաւորների անունները կջնջեմ, իսկ դու գնա և առաջնորդիր նրանց»: Աստուած ասաց Մովսէսին. «Երկու քարէ տախտակներ բեր, որ առաջին տախտակների պատգամները նորից զրեմ»: Մովսէսը կատարեց Աստուծոյ պատուէրը: Աստուած զրեց տախտակների վերայ ուխտի խօսքերը և Մովսէսը բերեց նրանց խրացէլի որդւոց համար:

«Սիրեսցես զՏէր Աստուած քո յամենայն սրտէ քումմէ, եւ յամենայն անձնէ քումմէ, եւ յամենայն

մտաց քոց. այս է մեծն և առաջին պատուիրան»:
Աւետ. Մատ. իբ. 37—38.

«Սիրիք քո տէր Աստուծուն ամբողջ սրտովդ, ամ-
բողջ անձովդ և ամբողջ մտքովդ. այս է առաջին և
մեծ պատուիրանը»:

§ 41.

Լրտեսներ:

Իսրայէլացիները մի ամբողջ տարի բանակ ձգե-
ցին Սինա լեռան մօտ: Գորանից յետոյ չուեցին այն-
տեղից և բանակեցան Փառան անապատում: Այն ժա-
մանակ Աստուած խօսեց Մովսէսի հետ և ասաց. «Իւ-
րաքանչիւր ցեղից մի-մի մարդ ուղարկիր Փանանաց-
ւոց աշխարհը, որպէսզի լրտեսեն»: Մովսէսն էլ այն-
պէս արեց—12 մարդ ընտրեց ու Փանան ուղարկեց.
գրանց մէջն էր և Յեսուն: Մովսէսը պատուիրեց նը-
րանց և ասաց. «Գնացէք և տեսէք, թէ ինչպիսի
երկիր է Փանանը. ովքեր են նորա բնակիչները՝ զո-
րեղ, թէ թոյլ մարդիկ են. բազմամարդ է երկիրը,
թէ սակաւամարդ. Հաստատուն և ամուր քաղաքնե-
րում են ապրում, թէ վրանների տակ. արդե՞ք եր-
կիրը պտղաւէտ է, թէ ոչ: Ժիր եղե՞ք վերադառնա-
լիս, երկրի պտուղներից հետներդ վեր առէք»:

Սրանք գնացին և լրտեսնեցին երկիրը՝ Սին անա-
պատից մինչև Ռոռը (Սիրոնի մօտ): Այնտեղից դար-
ձան Քերբոն և Հասան Ողկուզի ձորին, ուր մի Հատ
որթ կտրեցին մի Հատ ողկուզով և երկու մարդիկ
լժակով հետները բերին. առան նաև նուռն և թուզ:
Փառասուն օրից յետոյ, երբ լրտեսնեցին, վերադառձան
իսրայէլի որդւոց մօտ և պատմեցին նրանց, թէ ինչ-

պիսի երկիր է և ցոյց տուին հետները բերած պը-
տուղները: Նրանք ասում էին. «Մենք գնացինք այն
երկիրը, ուր մեղը և կաթն է ըղխում, ահա այս էլ
նորա պտուղն է. բնակիչները զօրեղ մարդիկ են. քա-
ղաքներն ամուր և մեծ»: Ժողովուրդն սկսեց ձայն
բարձրացնել և տրտնջալ: Յեսուն և Քաղէրն ասացին.
«Գնանք» և Փանանը նուաճենք», իսկ միւս տասը
լրտեսները հակառակում էին. «Մենք չենք կարող նը-
րանց դէմ դուրս գալ, նրանք մեզնից շատ զօրեղ
են»: Այս խօսքերը մեծ աղմուկ հանեցին իսրայէլի
որդւոց մէջ. նրանք շարունակեցին. «Այնտեղ այն-
պիսի հսկայ մարդիկ տեսանք, որոց առաջ մենք մո-
րեխ էինք երևում»:

Այն ժամանակ ամբողջ ժողովուրդը ոտքի կանգ-
նեց, սկսեց աղաղակել և լաց լինել. Կրկին տրտնջա-
ցին Ահարոնին և Մովսէսին ու ասացին. «Երանէ
Եղիպտոսում կամ անապատում մեռած լինէինք»:
Եւ մէկը միւսին ասում էր. «Ընտրենք առաջնորդներ
և վերադառնանք Եղիպտոս»: Մովսէսը և Ահարոնը
երեսի վրայ ընկան ժողովի առաջ, իսկ Յեսուն և
Քաղէպը պատառեցին իրանց շորերը և ասացին ժո-
ղովականներին. «Մեր լրտեսած երկիրը շատ գեղեցիկ-
է, եթէ Աստուած գթայ մեզ, կարող է Փանան
հասցնել: Մի հեռացէք Աստուածանից և մի վախե-
նաք նոյն երկրի մարդկանցից, մենք նրանց հացի
պէս կուտենք. Աստուած մեղ հետ է»: Ժողովուրդը
քիչ մնաց որ քարկոծէր երկուսին էլ:

Իսկոյն երևեցաւ Աստուածոյ փառքը ժողովրդի
առաջ ամպի մէջ՝ վկայութեան խորանի վերայ: Աս-

տուած ասաց Մովսէսին. «Մինչև Երբ պէտք է այս ժողովուրդն ինձ բարկացնէ. մինչև Երբ չպիտի նա ինձ և իմ հրաշքներին հաւատայ. ես կջնջեմ դրանց անունը երկրս երեսից. նոցանից ոչ մինը չպիտի տեսնի այն երկիրը, որը ես նրանց հայրերին եմ խոստացել. նրանց ոսկորները կփտեն անապատում. քսան տարեկանից բարձրը, որոնք իմ դէմ տրտունջ բարձրցին, չեն մտնի Քանան. ձեր որդւոցը միայն այնտեղ կհասցնեմ, իսկ դուք 40 տարի շարունակ անապատում հովիւներ կլինիք, որպէսզի զգաք, թէ ինչ ասել է առանց Աստուծոյ օգնութեան ապրել: Առաւոտեան վերադարձէք անապատ, որը տանումէ դէպի Կարմիր ծովը»: Մովսէսն այս բոլորը յայտնեց խրայէլի որդւոց: Ժողովուրդը սգում և ողբում էր. նա վերստին անապատ դարձաւ:

«Համբարձի զաշս իմ ՚ի լերինս, ուստի եկեսցէ ինձ օգնութիւն: Օգնութիւն ինձ ՚ի Տեառնէ եկեսցէ, որ արար գերկինս եւ գերկիր»: Սաղ. ճի. 1—2.

Ես իմ աշքերը դէպի լեռները բարձրացրի, որտեղից իմ օգնութիւնը կգայ: Իմ օգնութիւնը Աստուծանից կգայ, որը երկինքն ու երկիրը ստեղծեց:

«Ամենայն անձն որ ընդ իշխանութեամբ է՝ ի հնագանդութեան կացցէ. քանզի ոչ ուստեք է իշխանութիւն, եթէ ոչ յԱստուծոյ: Եսուհետեւ որ հակառակ կայ իշխանութեանն, Աստուծոյ հրամանին հակառակ կայ»: Թթ. ա. չոմ. ժգ. 1—2.

Ամենայն ոք թող հնագանդ լինի բարձր իշխանութեանը, որովհետեւ չկայ իշխանութիւն, որ Աստուծանից չինք: Աւրեմն իշխանութեան հակառակողը Աստուծոյ հրամանին է հակառակում:

§ 42.

Մովսէսի մահը:

Երբ 40 տարին անցաւ, իսրայէլի որդիքը կրկին չուցին դէպի խոստացեալ երկրի սահմանները—դէպի Յորդանան: Այնտեղ Աստուծած խօսեց Մովսէսի հետ և ասաց. «Բարձրացիր Նաբաւ լեառը և տե՛ս Քանանացոց երկիրը, որը ես իսրայէլի որդւոցը պիտի տամ, իսկ տեսնելուց յետոյ «յաւելցիս առ Ժողովուրդի գու»: Մովսէսը պատասխանեց. «Տէր, Ժողովուրդի վերայ մի առաջնորդ նշանակիր, որ զեկավարէ նրանց, մի գուցէ նա անտէր մնայ, ինչպէս մի հօտ առանց հովուր»: Աստուծած պատասխանեց. «Վեր առ Նաւեալի որդի Յեսուն, որի մէջ Աստուծոյ ոգի կայ. տար Ժողովուրդի մօտ և կանդնեցրու Եղիազար քահանացի առաջ. դի՞ր քո ձեռը նորա գլխին. տուր նորան քո փառքը, քո գօրութիւնը, որպէսզի իսրայէլի բոլոր որդիքը նորան լսեն»:

Մովսէսը կանչեց ամենին և կատարեց այն բոլորը, ինչ որ Աստուծած նորան հրամայել էր: «Ես արդէն 120 տարեկան ծերունի եմ, ձեզ այլևս առաջնորդել և զեկավարել չեմ կարող, սորա համար Աստուծած ասաց ինձ, որ ես Յորդանանը չպիտի անցնիմ: Միկիթարուեցէք և մի վախենաք, Աստուծածինքը ձեզ կառաջնորդէ, նա ձեզ չի մոռանայ. Յեսուր Նաւեան կանցնի ձեզ հետ Յորդանանը, ինչպէս Տէրն ինքն ասաց»:

Մովսէսը դարձաւ Յեսուին և բոլոր Ժողովուրդեան ներկայութեամբ ասաց. «Քաջացիր և դօրացիր, դու

պէտք է ժողովրդին այն երկիրը տանես, որ Աստուած խոստացաւ իսրայէլի որդւոց հայրերին. դու կբաժան նես երկիրը նրանց մէջ»:

Սորանից յետոյ Մովսէսը յիշել տուեց ժողովրդին այն բոլորը, ինչ որ Աստուած արել էր նրանց հայրերին. նա ասաց. «Լսիր, իսրայէլ, մեր Տէրը՝ մեր Աստուածը մի է. դու պէտք է քո Տիրոջը՝ քո Աստուածուն քո ամբողջ սրտովդ, ամբողջ կարողութիւնովդ սիրես: Իմ այսօրուայ խօսածները դու սրտումդ պիտի պահես և քո որդւոց պատմես թէ տանը, թէ ճանապարհին, թէ արթնութեան և թէ քնի ժամանակ: Եթէ դու քո Տիրոջ՝ քո Աստուածոյ խօսքին կլսես, նրա օրհնութիւնը քեզ վերայ կլինի, իսկ եթէ դու քո Տիրոջ՝ քո Աստուածոյ խօսքին չես լսի, այն ժամանակ նորա բարկութիւնը քեզ վրայ կգայ. նայիր, ժողովնուրդ, ես այսօր քո առաջ կեանք և մահ, օրհնութիւն և նղովք դրի, որպէսզի դու կեանք ընտրես:

Մովսէսն օրհնեց ժողովրդին այն օրհնութիւնով, որն Աստուած էր նրան ուսուցել. «Օրհնեսցէ զքեզ Տէր եւ պահեսցէ զքեզ, երեւեցուսցէ զերեսս իւր ՚ի քեզ, եւ ողորմեսցի քեզ. ամբարձցէ Տէր զերեսս իւր ՚ի քեզ, եւ տացէ քեզ խաղաղութիւն»: Մովսէս IV. գ. 25. 26. 27.

Սորանից յետոյ Մովսէսը նաբաւ լեառը բարձրացաւ. Աստուած ցոյց տուեց նրան Քանանու ամբողջ երկիրը՝ մինչև Դան, մինչև վերջին ծովը, Երիքովի շրջակայքը, որը հարուստ է արմաւենիներով: Աստուած ասաց նորան. «Ահա այս է այն երկիրը,

որը ես խոստացել եմ Աբրահամին, Խսահակին և Յակովին, այս բոլորը քո աչքովը տեսար, բայց դու այնտեղ չես մտնի»: Այսպէս Աստուածոյ ծառայ Մովսէսը մեռաւ Մովսէացւոց երկրում. Նորա գերեզմանի տեղը ոչ ոք չգիտէ մինչև այժմս էլ: Իսրայէլի որդիքը Մովսէսի վերայ 30 օր սուդ արին:

«Լեր հաւատարիմ մինչեւ ի մահ եւ տաց քեզ զպսակն կենաց»: Յայտ. Յովհ. բ. 10.

Հաւատարիմ եղիր մինչև ՚ի մահ, կեանքի պսակը քեզ կտամ:

«Եւ իմաստունք ծագեսցին իբրև զլուսաւորութիւն ՚ի հաստատութեան, եւ բազումք յարդարոց իբրեւ զաստեղս յաւիտեան»: Դան. ժբ. 3.

Իմաստունները լուսի պէս պէտք է փայեն երկնակամարի վերայ, իսկ արդարներից շատերը՝ աստղի նման յաւիտեանս յաւիտենից:

Բ.

Յ Ե Ս Ո Ւ.

§ 43.

Յեսուն նուածում է Քանանը:

ա.

Մովսէսի մահուանից յետոյ Աստուած ասաց Յեսուին. «Իմ ծառայ Մովսէսը մեռաւ, վեր կաց, անցիր Յորդանանը ժողովրդի հետ և գնա այն երկիրը, որը ես խոստացել եմ իսրայէլի որդիներին: Ոչ ոք չկամարձակուի հակառակել ձեզ, քանի որ դու կեն-

դանի ես. ինչպէս որ Պովսիսի հետն եմ եղել, այնպէս էլ քեզ հետ կլինիմ: Զօրացիր և քաջացիր. օրինաց գիրքը քո բերանիցը չեռանայ. գիշեր ու ցերեկ նորա վերայ մտածիր և կատարիր նրա միջի գրուածները, այն ժամանակ քեզ ամենայն բան կը լաջողուի»:

Յեսուն պատուիրեց ժողովրդի առաջաւորներին և ասաց. «Մտէք բանակը, հրաման տուէք ժողովրդին և ասացէք որ պաշար պատրաստեն, որովհետև երեք օրից յետոյ պէտք է Յորդանանն անցնենք»: Յեսուն ծածուկ երկու լրտեսներ ուղարկեց, որ Երիքով խուզարկեն. նրանք վերադարձն և պատմեցին, որ Աստուած ամբողջ երկիրը և Երիքովը մեր ձեռը մատնեց:

Սորանից յետոյ՝ առաւօտը վաղ վերկացաւ Յեսուն և ժողովրդի հետ միասին դիմեց գէպի Յորդանանի ափը: Այստեղ ասաց քահանաներին. «Առէք տապանակ ուխտին և անցէք ժողովրդի առաջով»: Քահանաներն առաջ անցան, իսկ ժողովուրդը հետևումէր նրանց Յորդանանի միջով և եկան մինչև Երիքով:

Բ.

Երիքովի դռները կողպած էր խրաէլի որդիների առաջ—քաղաքացիները ներս ու դուրս չեին անում: Աստուած ասաց Յեսուին. «Ահա Երիքովը քո ձեռքն եմ տալիս. պատուիրի՞ր զինուորներին որ քաղաքի շուրջը մի անդամ պտտեն. վեց օր այդպէս շարունակիր: Եօթներորդ օրը հրամայիր քահանաներին փողերն առնեն և տապանակի առաջովը գնան. այդ օրը եօթն անդամ պտտեցէք քաղաքի շուրջը.

քահանաները թողի փողը փշեն, իսկ դուք փողի ձայնը լսելուն պէս՝ ամենքդ էլ աղաղակ բարձրացըք. այս աղաղակի ժամանակ քաղաքի պարիսպները կլործանուին»:

Յեսուն այդպէս էլ արեց, ինչպէս որ Աստուածնորան հրամայել էր: Եօթներորդ օրում, երբ քահանաները եօթներորդ անդամ փողը փշեցին, ժողովուրդն սկսեց աղաղակել—քաղաքի պարիսպները կործանվեցան, ժողովուրդը ներս մտաւ, աւերեց և կոտորեց բոլորը, ինչ որ կար, թէ մարդ և թէ կենդանի, իսկ մնացածը կրակ տուին, ալրեցին:

Դ.

Քաբաւոնի բնակիչները, երբ լսեցին որ Յեսուն Երիքովի հետ այսպէս խիստ է վարվել, խորամանկութիւն գործ դըին—դեսպաններ ուղարկեցին խորայէլացիների մօտ. հին շորեր հագան. վեր առան պատուտած և կարկատած դինու տկեր, մաշուած կօշիկներ չորացած և բորբոսնած հացեր ու եկան բանակ Յեսուի մօտ և ասացին. «Մենք հեռու տեղից ենք գալի, ամենայն բան, ինչ որ ունէինք, նոր էր, երբ դէպի ձեզ չուեցինք, բայց երկար ճանապարհորդութեան ժամանակ ամենայն ինչ հնացաւ: Այժմ մեզ հետ դաշն կապեցէք»:

Յեսուն խաղաղութիւն արաւ, դաշը կապեց և խոստացաւ նրանց չվնասել. ժողովրդեան իշխանները ևս երդում կերան և նոյնը խոստացան: Խորաէլի որդիները երեք օրից յետոյ դիմեցին գէպի Գաբաւոն քաղաքը. այստեղ իմացաւ որ սրանք իւր հարւեանն են եղել: Յեսուն կանչեց քաղաքացիներին և

ասաց. «Ի՞նչու խաբեցիք մեզ»: Նրանք պատասխանեցին. «Երկիւղից, մեր կեանքն ազատելու համար, այժմ մեր կեանքը քո ձեռքումն է, արա ինչ կամենումես»: Յեսուն խնայեց նրանց կեանքը իրանց կապած դաշի և տուած խոստման համար, բայց բոլորին էլ փայտ կտրող և ջուր բերող գարձրեց խրայէլացիների համար:

Դ.

Երուսաղէմի թագաւորը երբ այս բանը լսեց՝ շատ վախեց. նա դաշն կապեց ամովլհացի չորս թագաւորների հետ, որոնք չուեցին և բանակ ձգեցին Գաբրաւոնի շուրջը: Գաբրաւոնի բնակլէները մարդ ուղարկեցին Գաղգաղա իմաց տուին Յեսուին ու ասացին. «Ճտապով արի և ազատիր մեզ ամովլհացիներից»: Յեսուն դիշերով աճապարեց այն կողմը թւը զինուարուած մարդկանցով: Աստուած ասաց Յեսուին. «Մի վախենար, ես նրանց քո ձեռքը կմատնեմ»: Այսպէս Յեսուն յանկարծակի թշնամու վերայ եկաւ և Գաբրաւոնի մօտ մի մեծ պատերազմ տեղի ունեցաւ: Աստուած ամովլհացիներին սարսափեցրեց—մեծ կարկուտ թափեց նրանց զլսին և ցիր ու ցան արեց, խրայէլացիները հետևեցին նրանց: Յեսուն աղօթեց և ասումէր. «Կանգնիր, արև՛, Գաբրաւոնի դիմացը»: Արևը կանգ առաւ Երկնակամարի վերայ և մարդ չմտաւ, մինչեւ որ Յեսուն թշնամուն ոչնչացըրեց:

Այսպէս Աստուած Խրայէլի համար պատերազմեց: Յեսուն կրկին դիմեց դէպի բանակը Գաղգաղա:

Այստեղ Յեսուին իմաց տուին, որ հինգ թագաւորներ են գտել արի մէջ թաք կացած: Յեսուն հրա-

մայեց գուրս բերել նրանց, գլխատել տուեց և հինգ փայտից կախեց: Երեկոյեան վեր առան նրանց գիակները, ձգեցին նոյն արի մէջ և մի մեծ քար դրին բերանին:

Ե.

Յեսուն Յ1 թագաւորների յաղթեց. Նրանց երկիրները նուաճեց ու տուեց իսրայէլի որդիներին որպէս ժառանգութիւն՝ իւրաքանչիւր ցեղին իւր բաժինը յատկացնելով: Թուբէնի, Գատի և Պանասէի ցեղի մի մասը ստացան Յորդանանի միւս կողմի (յայնկոյս Յորդանանու) Երկիրները: Վեհի որդիները ժառանգութիւն չստացան, այլ գորա փոխարէն 48 քաղաքներ բոլոր ցեղերի Երկիրներում: Յուղալի սերունդն ստացաւ Մեռեալ ծովի և փղշտացւոց Երկրի միջի եղած տարածութիւնը: Խրայէլացիները որպէս ժառանգութիւն՝ տուին Յեսուին թամմաթսարա քաղաքը, որ գտնվումէ Եփրեմի լեռների մէջ: Տապանակ ուխտին բերին Սելով քաղաքը և դրին վկայութեան խորանի մէջ:

Այսպէս ժողովուրդը բնակուեց Քանանում. այն բարիքները, որ Աստուած խոստացել էր նրանց, բոլորն էլ ստացան: Ամենայն բան կատարուեց:

«Սա է իմ Աստուած եւ փառաւոր արարից զսա. Աստուած հօր իմոյ, եւ բարձր արարից զսա»: II. Մովս. Ժե. 3.

Սա է իմ Աստուածը և ես կփառաւորեմ նորան, սա իմ հօր Աստուածն է և ես կբարձրացնեմ նորան:

§ 44.

Յեսուի մահը:

Երբ Աստուած իսրայէլացիներին հանգստացրեց թշնամիների յարձակումներից, Յեսուն կանչեց բոլոր ժողովրդին՝ ծերերին, իշխաններին, դատաւորներին և դպիրներին ու ասաց նրանց. «Ես ծերացել եմ. իմ օրերն անցելեն, դուք տեսաք Աստուած ինչ արեց հեթանոսներին. ինչպէս պատերազմեց նրանց հետ ձեր փոխարէն. ձեր մինը նրանց հազարին հալածեց. զգուշ եղէք այսուհետեւ և ձեր Աստուծուն սրտանց սիրեցէք. կատարեցէք Մովսէսի բոլոր օրէնքները: Հաւատարիմ, արդարացի ծառայեցէք նորան. եթէ չէք կամենում ծառայել, ալսօրուանից ընտրեցէք ձեզ համար մի այլ Աստուած, իսկ ես և իմ տունը նոյն Աստուծուն կծառայենք»:

Ժողովուրդը պատասխանեց. «Աստուած մի արացէ. մենք ևս նոյն Աստուծուն կծառայենք, որովհետեւ նա է մեր Աստուածը»: Այն ժամանակ Յեսուն դաշը կապեց ժողովրդի հետ և մի մեծ քար կանգնեցրեց որպէս վկայ այս ուխտի: Յետոյ մեռաւ Յեսուն. նա արդէն 110 տարեկան էր. նորան թաղեցին Եփրեմի լեռների մէջ: Յովսէփի ոսկորները, որ իսրայէլի որդիքը իրանց հետն էին բերել, թաղեցին Սիւքեմ քաղաքում:

«Եր հաւատարիմ մինչեւ ՚ի մահ, եւ ասաց քեզ զպսակն կենաց»: Յայտ. Յովս. F. 10.

Ք.

ՄԻՒՍ ԴԱՏԱԿՈՐՆԵՐԸ:

§ 45.

Գեղէոնը որպէս իսրայէլի դատաւոր:

ա.

Յեսուն մեռաւ. մեռել էին և նրա ժամանակից մարդիկը. սորանցից յետոյ մի նոր սերունդ յառաջ եկաւ: Այն ժամանակ իսրայէլի որդիները սկսեցին ամուսնանալ հեթանոս աղջիկների հետ և իրանց աղջիկներն էլ նրանց կնութեան տալ. կրկին մոռացան ճշմարիտ Աստուծուն և սկսեցին կուռքեր պաշտել: Աստուած 7 տարի շարունակ մատնեց նրանց մադիամացոց ձեռքը: Ինչ որ իսրայէլացիները ցանումէին, հնձի ժամանակ գալիս էին մադիամացիները, յափշտակում էին և ոչնչացնում ցանքերը, այնպէս որ իրենց երկրում ոչ հաց էր մնում և ոչ կենդանի: Իսրայէլացիները լիշեցին Աստուծուն և սկսեցին օդնութիւն խնդրել նորանից:

Այն ժամանակ Աստուած երևաց Գեղէոն անունով մէկին, որը Մանասէլ ցեղիցն էր և ասաց. «Աստուած քեզ հետ է, ով անյաղթելի հերոս, գնա, աղատի՛ր իսրայէլի որդիներին մադիամացիների ձեռքից»: Գեղէոնը պատասխանեց. «Ի՞նչով կարող եմ ես աղատել իսրայէլացիներին, ես փոքր բարեկամութիւն ունիմ Մանասէլ ցեղի մէջ, բացի այդ իմ հօր տան կրտսեր անդամներից մինն եմ»: Աստուած ասաց նրան. «Ես քեզ հետ կլինեմ,

դու մադիամացիներին կյաղթես ինչպէս մի մարդու. կործանի՛ր Բահաղի սեղանը, որ քո հօրնէ պատկանում. կոտորի՛ր, նրա շուրջ գտանուող անտառը և շինի՛ր Աստուծոյ համար մի սեղան այս ժայռի կատարին. ա՛ռ մի ողջակէղ և զոհի՛ր նոյն անտառի փայտով»:

Գեղէոնը վեր առաւ իւր ծառաներից տասն հոգի և կատարեց Աստուծոյ հրամանը: Նա այս բանը գիշերով կատարեց: Առաւոտը՝ երբ քաղաքի բնակիչները վեր կացան, տեսան որ Բահաղի սեղանը կործանուել է, իսկ անտառը կտրտված, և մի ողջակէղ դրած Եհովանի սեղանի առաջ: Այն ժամանակ սկսեցին միմեանց նայել և ասել. «Ո՞վ է այս բանն արել»: Ամենքը յուրաքած որոնումէին կործանողին և ասում. «Այս բանը անշուշտ Յովասի որդի Գեղէոնն արած կլինի»:

Քաղաքացիները Յովասի մօտ եկան և ասացին. «Դուքս բեր քո որդուն, նա պէտքէ մեռնի, որովհետև Բահաղի սեղանը կործանել է»: Իսկ Յովասն ասաց իւր շուրջ գտանուողներին. «Դուք կամենում էք Բահաղի փոխարէն դատել, եթէ նա Աստուծած է, թողինքն իրեն պաշտպանէ և վրէժինդեք լինէ իւր սեղանը կործանողից»:

Մադիամացիները դաշտավայրի վրայ բանակ էին ձգել. Գեղէոնը հրամայեց եղջիւրները փչել. գեսպաններ ուղարկեց Մանասէի և իսրայէլի միացցեղերի մօտ, որպէսզի իրեն հետևին: Անժիւ գէնք կրող մարդիկ հաւաքուեցան Գեղէոնի մօտ. նա առաջնորդեց նրանց դէպի այն աղբիւրը, որի հիւսի-

սալին կողմում բանակ էին ձգել Մադիամացիները: Աստուծած ասաց Գեղէոնին. «Քո հետ եղած ժողովուրդը շատ շատէ. թերևս իսրայէլը պարծենայ և ասէ թէ իմ բազուկն ինձ ազատեց: Խօսի՛ր ժողովրդի հետ և յայտնիր որ երկչուները հեռանան»: Այն ժամանակ 22,000 հոգի յետ դարձան, մնաց 10,000 միայն: Աստուծած կրկին անզամ ասաց Գեղէոնին. «Դարձեալ շատէ զօրքդ, 300 մարդ բաւականէ, մնացածն արձակի՛ր»: Գեղէոնը կատարեց Աստուծոյ հրամանը: Մադիամացիների բանակը հովտի մէջն էր, իսկ իրենք բարձրումն էին:

Կէս գիշերին Գեղէոնն ասաց իւր 300-ին «Վեր կացէք, Աստուծած մադիամացւոց բանակը ձեր ձեռքն է մատնելու»: Երեք հարիւր հոգին երեք մասնի բաժանեց և իւրաքանչյուրին մի եղջիւրէ փող և մի սակոր տուեց մէջը վառած և ասաց. «Ինձ նայեցէք, ինչ որ ես կանեմ, նոյնն էլ դուք արէք: Երբ ես փողը կիչեմ, ինձ մօտ եղողները թող նմանապէս փչեն և աղաղակեն. «Այստեղ է Աստուծոյ և Գեղէոնի սուրբ»:

Գեղէոնը գիշերով իւր 100 մարդով մադիամացիների բանակը մտաւ և հրամայեց փողերը փչել ու սափորները կոտրատել: Երեք գնդերն էլ սկսեցին փողերը փչել և սափորները փշտել, ջահերը ձախ ձեռին բռնած, փողերն աջ, սկսեցին աղաղակել. «Այստեղ է Աստուծոյ և Գեղէոնի սուրբ»: Մադիամացիների զօրքը զարհուրած ոկսեց աղաղակ բարձրացնել և փախչել. իսրայէլացիները հետևեցին նրանց և կոտորեցին:

Այս բանից յետոյ իսրայէլացիներից ոմանք՝ ասացին Գեղէոնին. «Եղիք մեզ վերայ իշխան դու, քո որդին և քո որդու որդին»: Գեղէոնը պատասխանեց. «Ես ձեր իշխանը չեմ լինի և ոչ իմ որդին, այլ Աստուած է ձեր իշխանը»: Գեղէոնը դարձաւ դատաւոր. 40 տարի շարունակ երկիրը նորա կենդանութեան ժամանակ խաղաղ էր:

«Զի ամենայն կուռք հեթանոսաց սնոտիք են. այ Տէր Աստուած մեր ճշմարիտ»: Երեմիա ժ. 3. 10.

Հեթանոսների բոլոր աստուածները սուտ բաներ են, մեր տէր Աստուածը միայն ճշմարիտ է:

«Աստուած մեր ապաւէն եւ գօրութիւն, օգնական ի վերայ նեղութեանց, որ գտին զմեզ յոցժ»: Սաղ. խե. 2.

Աստուած է մեր ապաւէնը և գօրութիւնը. նեղութիւնների մէջ նա մեզ շատ օգնեց:

§ 46.

Սամփսոն:

ա.

Իսրայէլի որդիները կրկին հեռացան Աստուածանից և սկսեցին Բահաղին պաշտօն մատուցանել, ուստի և Աստուած մատնեց նրանց փղշտացիների ձեռքը 40 տարի շարունակ: Դորանից յետոյ Աստուած Սամփսոն անունով մինին դատաւոր ընտրեց: Այս դատաւորը Թամնաթա գնաց, որպէսզ Փղշտացիների աղջիկներից իրան համար մի կին ընտրէ: Երբ նրանց այդեստաններին հասաւ, մի

երիտասարդ առիւծ մոնչալով նորա առաջը դարս եկաւ: Սամփսոնը այս գաղանին ուլի նման ձեղքեց: Մի փոքր ժամանակից յետոյ, երբ նոյն ճանապարհով գնումէր, կամեցաւ առիւծի գէշը տեսնել և գըտաւ նրա բերանի մէջ մի գունդ մեղու և մեղր:

Սամփսոնը փղշտացիներից մի աղջիկ ընտրեց ու հարսանիք արաւ Թամնաթայում. ՅՈ փղշտացի երիտասարդներ ներկայ էին հարսանիքին որպէս հիւր: Սամփսոնն ասաց նրանց. «Ես ձեզ մի հանելուկ կասեմ, եթէ դուք մինչև հարսանեաց եօթներորդ օրը դտնէք, ինձնից 30 ձեռք շոր կստանաք, իսկ եթէ չկարողանաք, դուք տուէք ինձ նոյնքան շոր: Համաձայնեցան և նա պատմեց հանելուկը. — «Իկերչէ ել կերակուր և ի հզօրէ ել քաղցր»: այսինքն ուտողից ուտելիք գտւրս եկաւ և հզօրից քաղցր: Նրանք չէին կարողանում դտնել այս հանելուկը. ուստի զնացին Սամփսոնի կնոջ մօտ և ասացին. «Խարբիր քո մարդուն և այս հանելուկի միտքն իմացիր, իսկ եթէ չես անի, այն ժամանակ մենք քեզ էլ քո հօր տունն էլ կալրենք»: Կինը այնքան խնդրեց և լաց եղաւ, մինչև որ մարդը յայտնեց նորան գաղտնիքը. և նա էլ իւր հալրենակից երիտասարդներին պատմեց: Եօթներորդ օրը՝ արեգակի մտնելուց առաջ փղշտացիներն ասացին Սամփսոնին. «Ինչ կայ մեղրից քաղցր և առիւծից հզօր»: Սամփսոնը պատասխանեց. «Եթէ դուք իմ կնոջը չստիպէլք, չէիք կարողանայ իմանալ»:

Սամփսոնը գնաց փղշտացիների մի ուրիշ քաղաք. ՅՈ մարդ սպանեց. նրանց շորերը բերեց և տուեց հանելուկը գուշակողներին, իսկ ինքը վերադարձաւ

Յուգալի երկիրը: Աները Սամփսոնի կնոջը տուեց այս-
տեղի երիտասարդներից մինին: Մի առ ժամանակից
յետով վերադառնաւ Սամփսոնը իւր կնոջ մօտ և տեսաւ
որ ուրիշին են տուել. բարկացաւ և կամեցաւ վրէժ-
խնդիր լինել բոլոր փղտացիներից, ուստի բռնեց 300
աղուէս. զոյգ-զոյգ պոչ պոչի կապեց. պոչերի մէջ
վառած ջահ գնելով՝ արձակեց փղտացիների ցորենի
արտերի մէջ և այրեց նրանց արտերը, այզիները և
ձիթենու ծառերը: Թամնաթա եկան փղտացիները
և Սամփսոնի աներոջն ու կնոջը միասին ալրեցին:
Սամփսոնը պատերազմեց նրանց հետ և շատերին
սպանեց:

Փղտացիները յարձակուեցան Յուգալի երկիրի
վերայ և ստիպեցին իսրայէլի որդիներին Սամփսոնին
կապած իրանց յանձնելու: Բայց Սամփսոնը իր կամ-
քով թոյլ տուեց իւր հայրենակիցներին, որ կապեն
իրան և թշնամու ձեռքը մատնեն: Երբ փղտացի-
ները տեսան նրան, սկսեցին ուրախութեան աղաղակ
բարձրացնել: Սամփսոնը կտրատեց չուանը, կարծես
թէ թել լինէր՝ գտաւ մի սատկած իշխ ծնօտ և նորա-
նով 1,000 մարդ սպանեց: Նա շարունակումէր իւր
դատաւորութիւր իսրայէլի վերայ:

Սորանից յետով Սամփսոնը գնաց փղտացիների
մի ուրիշ քաղաք, որի բնակիչները քաղաքի դռները
կողացին զիշերով և հսկում էին առաւօտեան խեղ-
դամահ անելու նորան: Սամփսոնը կէս զիշերին վեր
կացաւ, բարձրացրեց քաղաքի դռները իւրեանց սեմով
ու նեղով, շալակեց և տարաւ քաղաքի մօտ գտնուող
լերան գլուխը:

Մի քանի ժամանակից յետով Սամփսոնը գտաւ
մի ուրիշ փղտացի աղջիկ Դալիլա անունով և ամուս-
նացաւ նորա հետ:

Բ.

Փղտացիների իշխանները եկան Սամփսոնի կնոջ
մօտ և ասացին նորան. «Եթէ դու քո մարդուն մեր
ձեռքը կմատնես, մեզանից իւրաքանչիւրը կը վճարէ
քեզ հազար և հարիւր արծաթ»: Երբ Սամփսոնը քնեց,
կինը փղտացիներին իւր մօտ կանչեց: Նրանք բռնե-
ցին, Սամփսոնին երկաթէ շղթաներով կապեցին,
աչքերը բրեցին, Գազա քաղաքը տարան և բանտ
դրին՝ որտեղ նա աղումէր:

Սորանից յետով փղտացիները և նրանց իշխան-
ները հաւաքուեցան իրանց Դագոն կուռքին զոհ
մատուցանելու. այստեղ ասացին նրանք. «Մեր Աստու-
ածը մեր թշնամին մեր ձեռքը մատնեց»: Երբ նրանց
սրտերը զուարթացան, Սամփսոնին բանտից դուրս
բերին, որ իրանց առաջը խազայ. կանգնացրին տան
մէջ՝ երկու սիւների մէջ տեղում, որոնց վերայ տուննէր
հաստատուած: Տունը լիքն էր այլ ու կին մարդկանց
բաղմութիւնով, իսկ տանիքը վերայ մօտ 3,000 հոգի
կանգնած էին: Յանկարծ՝ բռնեց Սամփսոնը տան
միջի երկու սիւներից և աղաղակեց. «Թանգ ես էլ այս
ալլազգիների հետ մեռնեմ»: Այս ասաց և քանի ոյժ
կար իւր մէջ, շարժեց երկու սիւները, որոց վերայ տունն
էր հաստատուած. սիւները վայր ընկան. տունը
քանդուեց իշխանների ու նրանց հետ ուրախացողների
գլխին: Աստեղ Սամփսոնն աւելի փղտացի սպանեց,
քան թէ մինչև հիմա իւր կեանքում սպանել էր:

«Աստուծով արասցուք զօրութիւն» (գործ): Սաղ.
ՃՌ. 14.

Աստուծով զօրութիւն կգործենք:

«Իմ է վրէժինդրութիւն եւ ես հատուցից՝ ասէ
Տէր»: Թօ. ա. Հոմ. Ժբ. 19.

§ 47.

Հռութ:

Գատաւորների կառավարութեան ժամանակ իս-
րայէլացիների երկրում սով ընկաւ: Մի մարդ Եղիմե-
լէք անունով իր Նոոմին կնոջ և երկու որդիների
հետ Յուդայի Բեթղեհէմ քաղաքից գնաց մովաբա-
ցիների երկիրը: Եղիմելէքը մեռաւ այնտեղ, իսկ նրա
որդիները ամուսնացան այնտեղացի աղջիկների հետ,
որոնցից մինի անունը Որփա էր, իսկ միւսինը՝ Հռութ:
Տան տարուց յետոյ Նոոմինի երկու որդիներն
էլ մեռան: Այդ ժամանակամիջոցներում լսեց, որ
Հայրենի երկրում սովն անցել է, ուստի վեր
կացաւ իւր Հարսների հետ և կամեցաւ յետ դառ-
նալ Յուդայի երկիրը: Ճանապարհին սկեսուրն
ասաց իւր Հարսներին. «Քարձէք ձեր ծնողնե-
րի մօտ, Աստուած օրհնէ ձեզ, դուք լաւ կնութիւն
արիք իմ որդիներին և բարի Հարսներ էք եղել ինձ
Համար:» Հարսներն սկսեցին լաց լինել: Որփան փա-
թաթուեց սկեսրոջը, Համբուրեց և հրաժարական
ողջոյն տուեց. Իսկ Հռութը չէր կամենում դառնալ:
Նոոմին ասաց. «Տեսնումե՞ս Որփան յետ դարձաւ իւր
ծնողաց մօտ, դու էլ հետեւիր նորան»: Հռութը պա-
տասխանեց. «Աստուած մի արասցէ, որ ես քեզ միախ

թողնեմ և հեռանամ. ուր որ դու կերթաս, ես էլ
հետդ կը գտն. ուր դու կմնաս, այնտեղ էլ ես. քո
ազգը իմ ազգը կիխինի և քո Աստուածն իմ Աստուա-
ծը. ուր որ դու կմեռնես, այնտեղ էլ ես. մահը միայն
ինձ քեզնից կբաժանէ»: Երբ Նոոմին տեսաւ որ Հը-
ռութը վճռելէ իւր հետ գնալու, այդ մասին էլ
խօսք չարեց: Այսպէս նոքա միասին գնացին մինչև
Բեթղեհէմ: Այն ժամանակ Նոոմին ասաց: «Հարուստ
հեռացայ ես ձեզանից, իսկ աղքատ յետ դարձրեց
ինձ Աստուած»: Երկուսն էլ բնակւումէին Բեթղեհէ-
մում:

Հունձի ժամանակ էր: Հռութը գնումէր դաշտ
և հասկ էր ժողովում: Մի օր գնաց Բոսսի արտը:
Այդ միւնոյն ժամանակ եկաւ Բոսսը Հնձողների մօտ
և սփրով ողջունեց նրանց ասելով. «Աստուած ձեզ
հետ լինի»: Հնձողները պատասխանեցին. «Աստուած
քեզ օրհնէ»: Բոսսը հարցրեց. «Ո՞ւմ աղջիկն է այդ»:
Վերակացուն պատասխանեց. «Սա այն մովաբացի աղ-
ջիկն է, որը Նոոմինի հետն է դարձել»: Բոսսն ա-
սաց Հռութին. «Աղջիկս, մի գնա ուրիշի արտը հասկ
ժողովելու, այլ մնա իմ աղջիկների մօտ, որտեղ նը-
րանք կհնձեն, դու էլ նրանց յետեւից կը գնաս, եթէ
կծարաւես, գնա այն ամաններից խմբը, որտեղից իմ
ծառաներն են խմում»: Հռութը պատասխանեց. «Ես
մի օտարական կին եմ, իմ որ արժանաւորութեանս
Համար եմ այդպիսի մեծ ողորմութեան եմ արժանա-
նում»: Բոսսը պատասխանեց. «Ինձ ամենայն բան
սկատմեկն, թէ դու ինչպէս ես վարուել քո սկես-
ռոջ հետ՝ քո մարդու մահուանից յետ—դու թո-

զել ես քո հօրն ու մօրը, քո ծննդեան տեղը և եկել ես սկեսրոջդ հետ՝ քեզ մի անձանօթ երկիր»: Աաշի ժամանակ Բոռսը Հռութին հաց տուեց. նա կերաւ և մի կտոր էլ սկեսրոջ համար պահեց: Երբ Հռութը վեր կացաւ դարձեալ հասկ ժողովելու, Բոռսը պատուիրեց ծառաներին և ասաց. «Թո՞յլ տուէք նորան որաների միջից հաւաքելու և փոքր էլ աւելորդ Ժափեցէք, որ ժաղովէ»: Այսպէս Հռութը մինչեւ երեկոյ հասկ հաւաքեց. Երբ մութն ընկաւ, շալակեց հաւաքածը և տուն դարձաւ:

Սկեսրոը հարսի հաւաքած հասկերը և հետը բերած հացը տեսնելով ասաց. «Ո՞րտեղ էիր այսօր հասկ հաւաքում»: Հարսը պատասխանեց. «Մի Բոռս անունով մարդու արտում»: Նոոմին պատասխանեց. «Աստուած օրհնէ նորան. նա մեր ազգականն է»: Այսպէս Հռութն ամենայն օր գնումէր Բոռսի արտը և հասկ էր ժողովում մինչեւ հնձի վերջանալլ: Բոռսը Հռութին հաւանեց և նրա հետ ամուսնացաւ: Աստուած նրան մի որդի տուեց, որին անուանեցին Ովքէդ: Նոոմին էլ դայեակ դառաւ մանկանը: Ովքէդը Յեսսէի հայրն եղաւ, իսկ Յեսսէն էլ՝ դաւթի:

«Եր հաւատարիմ մինչեւ ՚ի մահ, եւ տաց քեզ զպսակն կենաց»: Յայտ. Յովհ. թ. 10.

§ 48.

Հեղի և Աամուէլ:

Հեղիի քահանայապետութեան ժամանակ ապրումէր մի մարդ՝ Եղկանա անունով իւր կին Աննայի

հետ: Նրանք անզաւակ էին: Եղկանան սովորութիւն ունէր ամենայն տարի Սելով գնալու և Աստուծուն զոհ մատուցանելու. Նրա հետ գնումէր և իւր կին Աննան: Սա մի անդամ Սելով գնալիս խիստ տրումեց, լաց եղաւ, աղօթեց Աստուծուն և ասաց. «Տէր Սարաւովթ, քեզ յայտնի է քո աղախնի նեղութիւնը, եթէ նրան մի որդի ընծալես, ես նրան քեզ կնուիրեմ, որ մինչեւ իւր մահը ծառալէ», Հեղի քահանայապետը նստած էր վկայութեան խորանի դրանը և ուշագրութեամբ նայումէր Աննայի բերանին, որովհետեւ նորա շրթունքները շարժվումէին, իսկ ձայն չէր լսվում: Եւ որովհետեւ երկար տևեց այս աղօթքը, Հեղին ասաց. «Աննա, քանի աղօթես»: Աննան պատասխանեց. «Ես մի վշտացած կին եմ, սիրտս Աստուծոյ աւտաջ բաց եմ անում»: Հեղին ասաց. «Դարձիր խաղաղութեամբ քո տեղը, իսրայէլի Աստուածը քո խնդիրը կկատարէ»: Կինը վերադարձաւ տուն. Նրա սիրտն այլ ևս այնպէս տխուր չէր:

Աստուած յիշեց Աննային և նորան մի որդի պարզեց, որին անուանեցին Սամուէլ, որ նշանակումէ «Աստուածանից խնդրած»: Երբ մանուկը մի քանի տարեկան դառաւ, մայրը բերեց նորան Սելով՝ Հեղի քահանայապետի մօտ և ասաց. «Տէր, ես այն կինն եմ, որ քեզ մօտ կանգնած աղօթում էի այս մանկան համար. Աստուած իմ աղօթքը լսեց, ուստի ես նորան իմ ընծալում իւր տուածը մինչեւ իմահ»: Աննան գոհութիւն մատուցեց Աստուծուն և տուն գարձաւ, իսկ մանուկը Հեղիի մօտ Աստուծոյ սպասաւոր դառաւ:

բ.

Հեղիփորդիքը վատէին — նրանք Աստուծոյ երկիւղ չունէին. իրանց քահանայական իրաւունքը չէին ճանաչում: Խլում էին իսրայէլացին ուխտաւորներից զոհի մեծ մասը և անվանել գործքեր էին անում: Ֆերունի Հեղին գիտէր նրանց բոլոր արարմունքները, նա յաճախ ասումէր նրանց. «Ի՞նչու էք այդպէս անում. ձեր վատ վարմունքով ժողովրդին դայթակղեցնում էք»: Բայց նրանք չէին լսում: Իսկ մանուկ Սամուէլն աճումէր և զօրանում, նորան սիրում էին և Աստուծ և մարդիկ: Աստուծոյ խօսքը շատ թանգ էր այդ ժամանակներում, չէր գտնվում, հազուագիւտ էր:

Մի անգամ, երբ Սամուէլը վկայութեան խորանի առաջ՝ Տիրոջ տանը քնածէր, ձայն լսվեց որ ասումէր. «Սամուէլ, Սամուէլ»: Սամուէլը վագեց Հեղիի մօտ և ասաց. «Վաստեղ եմ, ինչու կանչեցիր ինձ» Հեղին պատասխանեց. «Ես քեզ չեմ կանչել, դարձի՛ր և քնի՛ր»: Աստուծ Սամուէլին երկրորդ, երրորդ անգամ կանչեց: Սամուէլը կրկին անգամ գնաց Հեղիի մօտ: Հեղին նկատեց որ Աստուծ է նորան կանչողը, ուստի ասաց. «Դարձի՛ր և քնի՛ր, եթէ մի անգամ էլ ձայն լսես, ատի՛ր. ասա Տէ՛ր, քո ծառան լսումէ քեզ»: Սամուէլը դարձաւ իւր տեղը: Աստուծ կրկին անգամ ձայն տուեց. «Սամուէլ, Սամուէլ»: Սամուէլը պատասխանեց. «Ասա Տէ՛ր, քո ծառան լսումէ»: Աստուծ ասաց Սամուէլին. «Ես կամենումեմ Հեղիին իւր որդիների հետ դատել, որովհետև նորան յայտնիէ որդւոց անվանել արարմունքները և չէ պատժում նորանց»: Սամուէլը վախենումէր այս բանը Հեղիին յայտնելու:

Այն ժամանակ Հեղին կանչեց նորան և ասաց. «Աստուծ ինչ ասաց քեզ. մի ծածկիր ինձնից, որդեակի»: Սամուէլը պատմեց նորան ամենը: Հեղին ասաց. «Ինչ որ բարի է, թող այն կատարէ Աստուծ»:

Գ.

Սորանից յետոյ իսրայէլացիները պատերազմ ունեցան վղջտացիների հետ և խիստ հարուած ստացան: Այն ժամանակ իսրայէլի ծերերն ասացին. «Ուխտի տապանակը բերենք Սելովից, որ մեզ ազատէ այլազգու ձեռքից», և բերել տուին. Նորա հետ եկան և Հեղիի երկու որդիները: Երբ տապանակը բանակը բերին, բոլոր ժողովուրդը բարձր ձայնով սկսեց աղաղակել. իսկ վղջտացիներն ասումէին միմեանց. «Խորացէլի Աստուծը բանակէ եկել, ով վղջտացիներ, քաջպատերազմեցէք, որ եբրայեցիներին ծառայ զիւնէք»: Պատերազմի մէջ իսրայէլացիները լաղթուեցան. Իսկ ուխտի տապանակը գերի ընկաւ թշնամու ձեռքը:

Մինը պատերազմի դաշտից՝ շորերը պատառելով և գլխին հող ցանելով Սելով հասաւ: Հեղին դրան առաջ մի ամուսի վերայ նստած էր. նորա սիրու երկիւղի մէջ էր տապանակի համար. նա հարցրեց եկող մարդուն բանակի մասին: Դեսպանը պատասխանեց. «Խորայէլը յաղթուեց. քո երկու որդիներն էլ սպանուեցան և ուխտի տապանակը գերի ընկաւ»: Այս գոյժը լսելուն պէս՝ Հեղին աթոռից վայր ընկաւ, մէջքը կոտրվեց և մեռաւ:

Փղշտացիները վեր առան տապանակ ուխտին և դրին կռատան մէջ՝ իրանց կուռքերի մօտ: Առաւօ-

տեան տեսան որ իրանց կուռքերը տապանակի առաջ երեսի վերայ վայր են ընկած. նրանց ձեռքերն ու ուղերը փշտած են: Փղտացիները տապանակ ուխտին իսրայէլացիներին յետ ուղարկեցին:

¶

Սամուէլը աճում էր և զօրանում. Աստուած նորա հետն էր: Նա սկսեց քարոզ կարդալ բոլոր իսրայէլացիներին. ժողովութիւն խոստովանեց, որ նա Աստուծոյ ճշմարիտ մարդարէն է: Սամուէլը դատաւոր դարձաւ. հաւաքեց բոլոր իսրայէլացիներին և ասաց. «Եթէ դուք՝ ի բոլոր սրտէ կդառնաք դէպի ճշմարիտ Աստուածը, կիթողնէք օտար աստուածներին և ճշմարտին միայն կծառայէք, այն ժամանակ նա ձեզ կազատէ փղտացիների Ճեռքից»: Իսրայէլացիները հեռացըին իրանցից օտար աստուածներին:

Երբ փղտացիներն այս համբաւն իմացան, դռւրս եկան կրկին անգամ պատերազմելու: Իսրայէլացիներն ասացին Սամուէլին. «Մի դադարիր Աստուծուն խընդրելուց՝ մինչև որ նա մեզ օգնէ»: Սամուէլն առաւ մի դառն, ողջակէզ արաւ Աստուծուն ժողովրդեան հետ և աղօթումէր. իսկ այդ ժոմանակ փղտացիները յարձակուեցան Պատեփաթայի մօտ իսրայէլացիների վերայ: Փղտացիները յաջողութիւն չունեցան յաղթուեցան: Սամուէլը վեր առաւ մի քար և տնկել տուեց Պատեփաթայի և Բեթսանայի մէջ և այդ տեղին Աբենեզեր անուանեց ու ասաց. «Աստուած մեղ մինչև այստեղ օգնեց»: Փղտացիները փախան և Սամուէլի կինդանութեան ժամանակ երբէք չվստահացան իսրայէլի դէմ զէնք առնելու: Սամուէլը կառա-

վարեց իսրայէլին իւր ամբողջ կեանքի ընթացքում: Նա ամենայն տարի գալիս էր Բեթէլ, Գաղատա և Պատեփաթ, դատումէր ժողովրդին և կրկին դառնում Արիմաթեմ, որովհետև նրա տունն այնտեղ էր:

Նա այնտեղ ևս դատումէր իսրայէլին և Աստուծոյ համար մի սեղան շինեց:

«Որ խնայէ ի գաւագան՝ ատեայ զորդի իւր, իսկ որ սիրեն՝ խնամով իսրատէ»: Առակք Սող. Ժդ. 24.

Ով որ խնայում է գաւագանը, նա ասում է իւր որդուն:

«Արդարութիւն զազգ բարձրացուցանէ, նուազեցուցանեն զազգս մեղք»: Առակք Սող. Ժդ. 34.

Արդարութիւնը ազգ է բարձրացնում, իսկ յանցանքը մարդկանց կործանում է:

«Եւ իմաստունք ճագեսցեն իբրեւ զլուսաւորութիւն ի հաստատութեան, եւ բազումք յարդարոց իբրեւ զաստեղը յաւիտեանս»: Դան. Ժբ. 3.

¶

ԹԱԳԱՒՐՆԵՐԻ ԴԱՐ

Ա.

ՍԱՒՐԱԴ

§ 49.

Սաւուղը դառնում է թագաւոր:

ա.

Երբ Սամուէլը ծերացաւ, իւր որդիներին իսրայէլի վերայ դատաւոր նշանակեց: Բայց նրանք իրանց

հօր ճանապարհով չեխն գնում—ազահութեան ետեփց ընկած, կաշառքներ էին վերցնում և օրէնքից դուրս գործքեր կատարում։ Սորա համար իսրայէլի ծերերը Արիմաթեմ հաւաքուեցան Սամուէլի մօտ և ասացին. «Դու ծերացել ես, քո որդիքը քո ճանապարհով չեն գնում, մեղ վերայ մի թագաւոր նշանակիր, ինչպիսին այլազգիներն ունեն, որպէսզի նա մեզ դատէ և պատերազմում առաջնորդէ»։ Այս բանը դուր չեկաւ Սամուէլին. նա աղօթեց Աստուծուն այդ մասին։ Աստուած ասաց նորան. «Հնազանդիր ժողովը պահանջին և նորան մի թագաւոր տնը»։

Բ.

Բենիամինի ցեղում մի մարդ կար՝ կիս անունով. նա մի որդի ունէր, որի անունը Սաւուղ էր և որը մի գեղեցիկ մարդ էր։ Մի անգամ կիսի իշաները կորան. Սաւուղը փնտուելու գնաց և հասաւ մինչև Արիմաթեմ քաղաքը։ Հէնց որ Սամուէլը Սաւուղին տեսաւ, Աստուած ասաց նորան. «Ահա այս է այն մարդը, որը իմ ժողովրդեան պիտի կառավարէ»։ Սամուէլն ասաց Սաւուղին. «Դու այսօր ինձ հետ պէտք է հաց ուտես. իշաների մասին մի մտածէր, նրանք գտնուած են. իսրայէլի ժողովրդի մէջ ամենազեղեցիկ բանը քեզ է պատկանում»։ Սաւուղը Սամուէլի հետ ճաշեց։ Հետևեալ օրը ծեզը բացուելիս նրանք հեռացան քաղաքից։

Սամուէլն ասաց Սաւուղին. «Հանդիստ եղիր»։ Այս ասաց, առաւ իւղի սրուակը, ածեց նորա գլխին, համբուրեց և ասաց. «Աստուած քեզ իւր ժառանգութեան վերայ տէր է նշանակում»։ Հէնց Սաւուղը հե-

ռացաւ Սամուէլից, Աստուած նորան մի ուրիշ սիրտ, ուրիշ հոգի տուեց։

Սամուէլը հաւաքեց իսրայէլի ժողովրդին Մասեփաթում և յայտնեց, որ Աստուած Սաւուղին թագաւոր է ընտրել։ Ժողովուրդը սկսեց փնտուել նորան, բայց չգտաւ, որովհետեւ կարասի տակ թաք էր կացել։ Վերջապէս գտան և յառաջ բերին։ Երբ Սաւուղը ժողովրդին ներկայացաւ, ամենից բարձրն էր—միւսների հասակը հազիւ էր նրա ուսերին հասնում։ Ժողովուրդն ուրախական աղաղակ բարձրացրեց և ասաց. «Կեցցէ թագաւորը։ Բայց մի քանի մարդիկ ասում էին. «Միթէ սա պիտի մեղ փրկէ»։ Նրանք անարգում էին Սաւուղ թագաւորին և ոչ մի ընծայ չէին բերում։ Բայց Սաւուղն այնպէս էր ցոյց տալի իրան, որպէս թէ չէ լսում։

Պ.

Ամովնացիների թագաւորը յարձակուեց իսրայէլացիների վերայ, Յարիս քաղաքը պաշարեց և ասաց քաղաքացիներին. «Ես ձեր ամենի աջ աչքը պէտքէ հանեմ ի նախատինս իսրայէլի»։ Յարիսացիները գեւպաններ ուղարկեցին իրանց եղբայր իսրայէլացիների մօտ և օգնութիւն էին խնդրում։ Գեսպանները գաբաա ևս եկան և ամենայն բան ժողովրդի աչքի առաջ պատմում էին։ Ժողովուրդն սկսեց լաց լինել։ Առաւոտեան Սաւուղը հանդից դառնալիս՝ տեսաւ այս բանը և հարցըց. «Ի՞նչու է լաց լինում ժողովուրդը»։ Նրան պատմեցին եղելութիւնը։ Աստուծոյ հոգին իսկոյն Սաւուղի վերայ եկաւ. նա իխստ բարկացաւ։ Երկու եզն առաւ, կտոր կտոր արեց և դես-

պաների ձեռքով բոլոր խրայէլի քաղաքներն ու-
ղարկեց ասելով. «Ով Սաւուղին և Սամուէլին չի հե-
տևի, նորա եզներն էլ այսպէս պատառ—պատառ
կինին»: Փողովուրդն իսկոյն իրանց նոր թագաւորի
շուրջը հաւաքուեց: Սաւուղը գեսպան ուղարկեց Յաբի-
սի բնակիչների մօտ, որ նրանց անեն, «Վաղը արել
տաքանալուն պէս ձեղ համար օդնութեան դուռը
կբացուի»: Յաբիսացիները շատ ուրախացան: Սաւուղն
առաւօտեան երեք գունդի բաժանեց իւր զօրքը—
յարձակուեց ամովնացիների բանակի վերայ և ջարդեց
նրանց մինչև արել տաքանալը. մնացած թշնամին
ցրուեց, այնպէս որ երկու ամովնացի միասին դժնել
չէր կարելի:

Այն ժամանակ ժողովուրդն ասաց. «Մեր ձեռքը
մատնեցէք Սաւուղի անարդող մարդկանց, որպէսզի
սպանենք նրանց»: Իսկ Սաւուղը պատասխանեց. «Այս
օր՝ երբ Աստուած մեզ աղատութիւն է տուել, ոչ մի
խրայէլացի չպիտի մեռնի»: Սամուէլը Գաղգաղա
հաւաքեց բարոր խրայէլացիներին. այսուեղ Սաւուղին
թագաւոր օծեցին և շնորհակալութեան զոհ մա-
տուցին Աստուածուն: Նորընտիր Սաւուղ թագաւորը բո-
լոր ժողովրդի հետ ուրախանումէր:

«ՅԱՍՏՈՒԱԾՈՅ ԵՐԿԵՐՈՒՔ, ՊԹԱԳԱՒՈՐՍ ԱՎԱՏՈՒԵՑՔ»:
I. թ. Պետ. թ. 17.

Աստուածանից վախեցէք, թագաւորին պատուեցէք:
«Երանի քեզ, երկիր, որոյ թագաւոր քո որդի
ազատի է»: Փող. թ. 17.

§ 50.

ՅՈՂՄԱԺԱՆԻ ՔԱՅԱԳՈՐԾՈՒԹԻՒՆԸ:

Սորանից յետոյ փղշտացիները մեծ պատրաս-
տութիւններով խրայէլի վերայ պատերազմի եկան՝
30,000 կառքով, 6,000 հեծեալ զօրքով, իսկ ժո-
ղովրդի բազմութիւնը ծովի աւազին էր նմանում:
Երբ խրայէլացիները այս բազմութիւնը տեսան, սար-
սափի մէջ ընկան և ամենայն ոք իւր զլուխն սկսեց
ազատել—ոմանք ալրերի մէջ թաքեցան, ոմանք
գոմերի, ոմանք ժայռերի և ծերպերի, ոմանք ան-
տառների և ջրհորների մէջ, ոմանք Յորդանանն ան-
ցան, մի քանիսն էլ թշնամու հետ միանալով յա-
ռաջ արշաւեցին: Սաւուղը իւր Յոկնաթան որդու և
600 մարդոց հետ միասին մնացին մի բլրի վերայ:
Գաբաալի մօտ, որ զտանվումէ Բենիամինի երկրում,
ոչ հեռու փղշտացիների բանակից: Թշնամու բանա-
կից երեք գունտ զօրք դուրս եկաւ երկիրը ասպա-
տակելու: Այդ ժամանակ խրայէլացիների երկրում ոչ
մի զարբին, ոչ մի երկաթագործ չկար, որովհետեւ
ամենքն էլ իրանց երկիրն էին քշել, որ երայեցի-
ները սուր և գեղարդ չշինեն:

Մի օր Յոկնաթանն ասաց իւր կապարճակրին.
«Եկ անցնենք փղշտացիների բանակը. Աստուած ան-
շուշտ կօգնէ մեզ. Նորա համար դժուար չէ փոքրա-
թիւ մարդկանցը ևս յաղթութիւն պարզեել»: Կա-
պարճակիրը պատասխանեց. «Արա այնպէս, ինչպէս քո
սիրտն ուզում է, ես քեզ կհետեւիմ»: Երկուսն էլ
հեռացան՝ առանց Սաւուղին իմաց տալու. ժողո-

վուրդը նոյնպէս ոչինչ չգիտէր։ Այն տեղը՝ որտեղից Յովնաթանը փղշտացիների բանակն էր ուզում մըտնել, երկու սրածայր ժայռեր էին։ Յովնաթանը կըրկնեց իւր կապարճակրին։ «Եթէ թշնամին մեղ տեսնէ և ասէ. հանգիստ մնացէք տեղներդ մինչև որ ձեզ մօտ վեր գանք, մենք կանգնած կմնանք, իսկ եթէ ասէ, եկէք վար մեղ մօտ, այդ կնշանակէ Աստուած նրանց մեր ձեռքն է մատնում»։ Երբ երկուսն էլ աղազգու կիրճը մտան, այնպէս որ թշնամուն նկատելի եղան, ասացին փղշտացիները. «Նախեցէք, երրայեցիները ալրերից դուրս են եկել, վեր եկէք մեզ մօտ, ձեզ բան ունինք յայտնելու»։ Յովնաթանն ասաց կապարճակրին։ «Հետևիր ինձ, Աստուած նրանց մեր ձեռքն է մատնում»։ Յովնաթանն սկսեց վեր մաղլցել. նորա կապարճակրին էլ յետևից։ Յովնաթանն սկսեց հարուածել թշնամուն. կապարճակրը նոյնն էր անում, այնպէս որ առաջին պատերազմում քսան հոգի սպանեցին։ Բանակի մէջ շփոթութիւն ընկաւ, պատերազմող գնդերն անգամ զար-հուրեցան։

Սաւուղի պահապանները բարձրից նկատեցին, որ թշնամու բանակի մէջ շփոթութիւն է ընկել և մէկը միւսի յետևիցն է փախչում։

Այն ժամանակ Սաւուղն ասաց ժողովրդին. «Համարեցէք և տեսէք մեզանից ով է պակաս»։ Նըրանք էլ համարեցին և տեսան որ Յովնաթանն ու իւր կապարճակրին այստեղ չեն։ Փղշտացիների բանակում աղմուկն ու շփոթը քանի գնում, մեծանում-էր։ Սաւուղը կանչեց ժողովրդին. հետևեցին նորան.

արիւնահեղ պատերազմ եղաւ։ Այն երայեցիները, որոնք փղշտացիների բանակումն էին, միացան խսրայէլացիների հետ—Սաւուղը և Յովնաթանը հալածեցին թշնամիներին։ Եփրեմի լեռների մէջ թաք կացածները ևս միացան և պատերազմ սկսեցին փղշտացիների դէմ։ Այսպէս Աստուած առաջնորդեց իսրայէլին դէպի յաղթութիւն։

Յաղթութիւնը նորանն է, ով յոյսն Աստուծոյ վերաց է գնում։

§ 51.

Սամուէլը հրաժարվումէ իւր պաշտօնից։

Սամուէլը հաւաքեց իւր մօտ Գաղգաղացում ամեռողջ իսրայէլի ժողովրդին և ասաց. «Ես ձեզ լսեցի և թագաւոր տուի. մանկութիւնից ձեր մէջն եմ եղել, ձեզ առաջնորդել մինչև այսօր. այժմ ծերացել եմ, մազերս բամբակ են դառել, ահա ձեր առաջն եմ կանգնած, ցոյց տուէք ինձ Աստուծոյ և նորա օծեալի առաջ, եթէ ես մինի եզր կամ էշը վեր եմ առել, եթէ մինին զրկել եմ կամ նորա դէմ անիրաւութիւն գործել. եթէ մինից մի կօշիկ ընծայ եմ ստացել, պատրաստ եմ փոխարէնը վճարելու»։ Ժողովուրդը պատասխանեց. «Դու մեղ ոչ զրկել ես, ոչ մեր դէմ անիրաւութիւն գործել և ոչ մինից մի կօշիկ ընծայ ընդունել, Աստուած և նորա օծեալը կարողեն վկայ լինել»։

Սամուէլը շարունակեց. «Յիշեցէք այն բարութիւնները, որ Աստուած ձեզ և ձեր հալրերին արել է, Աստուծոյ երկիւղը սրտներիցդ մի հանէք. Տառայեցէք նորան հաւատարմութեամբ ի բոլոր սրտէ, վասն զի դուք ինքներդ տեսաք, թէ ինչպիսի մեծ գործքեր կատարեց Նա ձեր աչքի առաջ: Այժմ էլ ձեղ մի թագաւոր տուեց, որի մասին խնդրել էիք: Եթէ դուք ձեր սրտերում Աստուծոյ երկիւղ կունենաք և Նորան հաւատարմութեամբ կծառայէք, այն ժամանակ նա ձեղ էլ, ձեր թագաւորին էլ կօրհնէ, իսկ եթէ վատ կվարուէք, դուք էլ ձեր թագաւորն էլ կկորչէք: Իսկ ես, քանի որ շունչ ունեմ բերանումս, չեմ դադարի ձեղ համար ազօթելու, ձեղ ուսուցանելու Աստուծոյ բարի և ճշմարիտ ճանապարհը»:

Սամուէլն այսպէս հրաժարուեց իւր դատաւորական պաշտօնից:

«Աստուածպաշտութիւն առ ամենայն ինչ օգտակարէ»: Տիմոթ. I. գ. 8.

Աստուածպաշտութիւնն ամեն բանի համար օգտակար է:

§ 52.

Աւուղի անչնազանդութիւնը:

Նոր պատերազմ ծազեց փղշտացիների և իսրայէլացիների մէջ. Սամուէլը զօրք հաւաքեց և եկաւ Գաղղաղա. ժողովուրդը հետևումէր նրան ահ ու երկիւղով: Սամուէլն ասաց թագաւորին. «Սպասիր ինձ

Գաղգաղայում, մինչեւ որ ես կդամ և զոհ կմատուցանեմ»: Սաւուղը եօթն օր անհամբեր սպասումէր: Սամուէլը չեկաւ. ժողովուրդն սկսեց ցրուել: Թագաւորն ասաց. «Մօտ բերէք ողջակէղը, որ զոհենք»: Բայց դեռ զոհը չկերծացացած՝ Սամուէլն եկաւ:

Այն ժամանակ Սամուէլն ասաց. «Այդ ինչ ես արել». Սաւուղը պատասխանեց. «Ես տեսալ որ ժողովուրդն սկսեց ցրուել, դու ևս որոշած ժամանակին չեկար. փղշտացիները խմբուած էին մեր դէմ, ուստի համարձակուեցի ողջակէզ մատուցանելու»:

Սամուէլն ասաց Սաւուղին. «Դու անմիտ ես վարվել. դու Աստուծոյ պատուիրանիցն անցել ես, միթէ դու կարծումես որ Աստուած ողջակէղը՝ զոհը աւելի կսերէ՝ քան թէ հնազանդութիւնը—«լաւ է ունկնդրութիւն քան զզոհ», անհնազանդութիւնը յանցանք է՝ կրապաշտութիւն է: Որովհետև դու Աստուծոյ խօսքը անարգեցիր. արհամարհեցիր, Աստուած էլ քեզ կարհամարհէ, որպէսզի դու այլ ևս թագաւոր չլինիս իսրայէլի վերայ»:

Սամուէլը Սաւուղից երեսը դարձրեց և մինչեւ իւր մահն այլևս նորան չտեսաւ: Բայց և այնպէս նա ցաւումէր Սաւուղի վերայ:

«Քակեաց զհօրս յաթոռոց»: Ղուկ. ա. 52.

Զօրաւորներին աթոռներից իջեցրեց:

Բ.

ՍԱԻՈՒՂ ԵՒ ԴԱԽԻԹ.

§ 53.

Դաւթի Շագաւոր ընտրուիլը:

Աստուած ասաց Սամուէլին. «Մինչև երբ տըխը և Սաւուղի համար, ես նորան արդէն անարգեցի: Լցրու եղջիւրգ իւղով և դնա Բեթղեհէմ Յեսուէ մօտ, նորա որդիներից մինին թագաւոր եմ ընտրել»: Սամուէլը դնաց Բեթղեհէմ, հրաւիրեց Յեսուէին և իւր որդիներին զոհ մատուցանելու»:

Երբ որդիները ներս եկան, Սամուէլը նայեց մեծին և կարծումէր թէ սա պիտի լինի ընտրեալը: Բայց Աստուած ասաց. «Գու ոչ նորա մեծ հասակին նայիր և ոչ տեսքին. ես մեծ հասակ ունեցողին անարգեցի: Բանը նորանով չէ վերջանում, լինչպէս որ մարդս է տեսնում, որովհետև մարդս տեսնումէ աչքի առաջլնը, իսկ Աստուած սրտին է նայում»:

Յետոյ Յեսուէն իւր եօթն որդիներին ևս Սամուէլի առաջով անցկացրեց: Սամուէլը պատասխանեց. «Աստուած սոցանից և ոչ մինն չէ ընտրել: Սոքա են արդեօք քո բոլոր որդիները»:

Յեսուէն պատասխանեց. «Մի փոքրը ևս ունեմ, նա խաշներ է արածացնում»: Սամուէլն ասաց. «Մարդ ուղարկիր և կանչել տուր»:

Դաւթին եկաւ նա կարմրաերես էր, գեղեցիկ աչքեր ունէր և սիրուն հասակ: Աստուած ասաց. «Վեր կաց և սորան օժիր, որովհետև սա է ընտ-

ըեալը»: Սամուէլն առաւ եղջիւրը և օծեց նորան թագաւոր իւր եղբայրների մէջ: Այդ օրից սկսած Աստուծոյ հոգին Դաւթի վերաւ իջաւ:

«Քակեաց զհզօրս յաթոռոց և բարձրացոց զխոնարհս»: Ղուկ. ա. 52.

Զօրաւորներին աթոռներից իջեցրեց, իսկ խոնարհներին բարձրացրեց:

«Մարդ հայի յերեսս եւ Աստուած հայի ՚ի սիրտս»: I. թագ. ժող. 7.

Մարդս տեսնումէ աչքի առաջինը, իսկ Աստուած սրտին է նայում:

§ 54.

Դաւթիթը գալիս է Սաւուղի աբքունիքը:

Աստուծոյ հոգին վերացաւ Սաւուղից. չար ոգին տանջումէր նորան: Դառաներն ասացին թագաւորին. «Գտնենք մի մարդ, որը կարողանայ քնարի վերաւ երգել. հետո որ չար ոգին կդայ, նա կերգէ և քեզ կհանգստացնէ»:

Սաւուղը պատասխանեց. «Եթէ գիտէք մի այդպիսի մարդ, ինձ մօտ բերէք»: Դառաներից մինը պատասխանեց. «Բեթղեհէմ քաղաքում ես ճանաչում-եմ մի մարդ՝ Յեսուէ անունով, որի որդին քնարի վերաւ երգումէ. նա մի իմաստուն, քաջ երիտասարդ է և Աստուած էլ նորա հետն է»: Սաւուղը դեսպաններ ուղարկեց Յեսուէ մօտ և պատուիրեց ասելու. «Ուղարկի՞ր քո որդի Դաւթին ինձ մօտ»:

Այսպէս Գաւիթը Սաւուղի մօտ եկաւ և ծառաւ յումէր նորան: Սաւուղը նորան շատ սիրեց և իւր կապարձակիրը դարձրեց: Հէնց որ չար ոգին Սաւուղի վերայ էր գալի, Գաւիթն առնումէր քնարը և սկզբ սումէր երգել: Այսպէս հանդստանումէր Սաւուղը և չար ոգին հեռանում նորանից, երբ Գաւիթն սկսումէր երգել քնարի վերայ:

«Երանի այնոցիկ՝ որ սուրբ են սրտիւք»: Մատ. ե. 8.
Երանի սուրբ սիրտ ունեցողներին:

Աստուծոյ խորհուրդը սքանչելի է, իսկ նորա իմաստութիւնը գերազանց:

§ 55.

Գաւիթ և Գողիաթ:

Փղշտացիները զօրք հաւաքեցին. եկան Յուղացի երկիրը. բանակ ձգեցին, և ուզում էին պատերազմել: Սաւուղը և խորայէլի ժողովուրդը նոյնպէս զօրք հաւաքեցին և փղշտացիների հանդէպ բանակեցան, այնպէս որ մի հովիտով բաժանվում էին միմեանցից: Փղշտացիների բանակից դուրս եկաւ մի հսկայ՝ Գողիաթ անունով, որի հասակի երկանութիւնը վեց կանգուն և մի թիզ էր: Նորա զլիսին պղնձէ սաղաւարդ կար դրած, հագել էր հիւսած զրահ, ոտքերի վերայ պղնձէ սանապաններ, ուսերի մէջ պղնձէ գեղարդ: Նորա նիզակի բունը ոստայնանկաց զլանի պէս էր, վահանակիրն առաջովն էր գնում:

Գողիաթը դուրս եկաւ բանակից և ձախն տուեց խորայէլացիներին. «Զեղանից մինին ընտրեցէք, թնդ

իմ դէմ մենամարտելու դուրս գայ. եթէ նա յաղթէ, մենք ձեր ծառաները լինենք. իսկ եթէ ես յաղթեմ նորան, դուք մեր ծառաները եղէք»: Սաւուղը և խորայէլացիները երբ այս բանը տեսան, զարհուրեցան և խիստ վախեցան:

Գաւիթի երեք մեծ եղբայրները Սաւուղի հետքանակումն էին, իսկ ինքը տուն էր գնացել հօր ոչ խարներն արածացնելու: Մի անդամ Յեսսէն ասաց Գաւիթին.. «Առ այս տասն նկանները, տար եղբայրներիդ հարցրու և տես, թէ ինչպէս է նրանց առողջութիւնը»: Երբ Գաւիթը եղբայրների մօտ եկաւ, հսկայ Գողիաթը կրկին դուրս եկաւ բանակից և սկսեց նոյն ձեռվ նախատել խորայէլացիներին: Ոչ մի խորայէլացի չէր վատահանում նորա դէմ դուրս գալ. Նորա ձայնը լսելուն պէս, ամէնքն էլ վախչում էին նրանից: Գաւիթը հարցրեց իւր մօտ կանգնողներին. «Այս փղշտացին նախատում է կենդանի Աստուծոյ ժողովրդին, միթէ մինը չկայ, որ նորան սպանէ և խորայէլի նախատինքը վերացնէ»: Ժողովուրդն ասաց. «Ով որ նորան սպանէ, թագաւորը կհարստացնէ և իւր աղջիկն էլ նորան կնութեան կտայ»: Այս լուրը Սաւուղին հասցըին. նա էլ Գաւիթին իրա մօտ կանչեց:

Գաւիթն ասաց Սաւուղին. «Ոչնչից մի վախենար, թագաւոր, ես կդնամ և կմենամարտեմ նորա հետո»: Սաւուղը սպատասիանեց: «Դու մանուկ ես, փղշտացու հետ չես կարող սպատերազմել, նա մանկութիւնից վարժուածէ այս բանի մէջ»: Գաւիթը պատասխանեց. «Հօրս խաշներն արածացնելիս՝ երբ առխւծ կամ արջ էր գալիս և յափշտակում ոչխարներս, ընկնում էի

Նրանց լետելից, ոչխարը կորզում էի բերանից և իրան
էլ սպանում: Այն Սատուածը, որ ինձ առիւծից և արջից
ազատեց, կազմուէ և այս փղշտացուց:»

Այն ժամանակ Սաւուղն ասաց Դաւթին. «Գնա՛,
Աստուած քեզ հետո:» Սաւուղը իւր շորերը Դաւթին
հազցրեց. դիխին պղնձէ սաղաւարդ դրեց. զրահաւորեց
Սաւուղի սուրը մէջքին կապեց, և սկսեց գնալ: Բայց
որովհետեւ անսովոր էր այդ բանին. ուստի ասաց.
«Սորանով ես չեմ կարող յառաջ գնալ, այս բանին
չեմ վարժուած»: Զրահները վերալոց հանեց, առաւ
իւր ցուպը, հինգ ողորկ քար և դրեց իւր հօփուական
մաղախի մէջ, պարսը ձեռքն առաւ և սկսեց դիմել
դէպի փղշտացին»:

Երբ փղշտացին Դաւթին տեսաւ, արհամարհեց
նորան և ասաց. «Միթէ ես շուն եմ, որ դու ցու-
պով և քարով ես ինձ վերայ գալի. մօտ արի, ես
քո մարմնը երկնքի թուշուններին և երկրիս գա-
զաններին կերակուր դարձնեմ»: Դաւթը պատաս-
խանեց. «Դու գալիս ես ինձ վերայ սրով, նիզակով և
վահանով, իսկ եօ՛ Սաբաւովթի՝ իսրայէլի Աստուծոյ
անունով, որին դու նախատեցիր: Աստուած քեզ այ-
սօր իմ ձեռը կիանձնէ, որպէսզի ամենքը ճանաչեն
իսրայէլի Աստուծուն, թող իմանան որ փրկութիւնը
սրով և գեղարդով չէ լինում»: Փղշտացին տեղից վեր
կացաւ և դիմեց դէպի Դաւթը. սա էլ նորան դի-
մաւորելով, մաղախից մի քար հանեց, դրեց պարսի
մէջ և ձգեց դէպի այլազդին. քարը ճակատին գի-
պաւ և հսկան գետին փռուեց երեսի վերայ: Բայց
որովհետեւ Դաւթը ձեռին սուր չունէր, վազեց դէպի

փղշտացին, նորա սուրը պատենից հանեց և զլուխը
կտրեց: Երբ փղշտացիները տեսան, որ իրանց հերոսն
ընկաւ, փախան, իսկ իսրայէլացիները սկսեցին նրանց
յետելիցն ընկնել և հալածել մինչեւ իրանց քաղաքի
դռները:

«Զի Աստուած ամբարտաւանից հակառակ կաց, տայ
շնորհս խոնարհաց:» Ի. թ. Պետ. ե. 5.

Աստուած ամբարտաւան մարդկանց հակառակ է,
իսկ խոնարհներին շնորհ է տայի:

«Զի զօրութիւն իմ ի տկարութեան կատարի:» Պ.
թ. ա. Կորնթ. Ժ. 9.

§ 56.

**Սաւուղն ատումէ, իսկ Յովսաթանը
սիրում Դաւթին:**

Երբ Դաւթը Գողիաթի զլուխը կտրեց և յազ-
թութեամբ յետ գարձաւ, թագաւորի զօրապետ Աբեն-
ները նորան Սաւուղի մօտ տարաւ: Սաւուղը հարցրեց
Դաւթին, «Ում որդին ես:» Դաւթը պատասխանեց.
«Քո ծառալ Յեսուսի, որը Բեթղեհէմիցն է:» Այս դէպ-
քից յետով Յովսաթանը Դաւթին սրտով սիրեց և ըն-
կերական դաշը կապեց նորա հետ—տուեց նորան
իւր լոտիկը, վարապանակը, սուրը, աղեղը և գոտին:
Սաւուղը չժողեց Դաւթին, որ նա իւր հօր տունը
դառնայ, այլ իրա մօտ պահեց և զօրաց վերայ հրա-

մանատար նշանակեց։ Ժողովուրդը սիրումէր Գաւթին։ Գոլիաթին սպանելուց յետոյ՝ երբ Գաւթիթը վերաբառնումէր փղտացւոց պատերազմից՝ իսրայէլի բոլոր քաղաքներից կանաչք դուրս էին գալի Գաւթի առաջ թմբուկներով և ծնծղաներով սկսումէին պարել, երգել և ասել. «Սաւուղը հազարին սպանեց, իսկ Գաւթիթ՝ բիւրին»։ Այս խօսքերը դուր չեկան Սաւուղին, նա բարկացաւ և ասաց. «Ել ինչ է պակաս նորան, բացի իմ թագաւորութիւնից»։ Այդ օրից սկսած Սաւուղը խեթիւ էր նայում Գաւթին։

Հետևեալ օրը չար ոգին կրկին հանդիպեց նորան, իսկ Գաւթիթ սկսեց քնարն ածել ըստ սովորականին։ Այն ժամանակ Սաւուղը վեր առաւ գեղարդը և ձգեց Գաւթի յետեկից՝ այն մտքով որ նորան պատի հետ մեխէ։ Բայց նա խոլս տուեց և գեղարդը պատի մէջ ցցվեց։ Սաւուղը վախենումէր և Գաւթին իրանից հեռացնելու համար հազար մարդու գլխաւոր՝ վերակացու նշանակեց։ Գաւթիթը զգոյշ էր վարվում ամեն մի հանդամանքի մէջ։ Աստուած նորա հետն էր, բացի այդ իսրայէլի բոլոր ժողովուրդը նորան սիրում և յարգում էր։

Սաւուղի աղջիկը՝ սիրումէր Գաւթին։ Եւ որովհետև թագաւորը խոստացել էր նորան իւր աղջիկը կնութեան տալու, ասաց. «Քոպէն շատ յաջող է, Գաւթին ոչնչացնելու համար կփեսայացնեմ և փղտացւոց դէմ պատերազմի կուզարկեմ»։ Սաւուղը պատուիրեց իւր ծառաներին, որ ծաճուկ Գաւթի հետ այսպէս խօսեն. «Թագաւորը քեզ սիրումէ, նոյնպէս և նորա բոլոր մարդիկը, եկ և նորան վեսայ դար-

ձիր»։ Այդպէս էլ արին ծառաները։ Գաւթիթն ասաց. «Ես մի աղքատ և աննշան մարդ եմ»։ Ծառաները պատասխանեցին. «Թագաւորը քեզնից ոչ մի վարձ չէ պահանջում, բացի հարիւր փղտացու գլխից»։ Նորա միտքն այն էր, որ Գաւթիթը թշնամու հետ պատերազմելիս՝ կարելի է սպանուի։ Գաւթիթն իսկոյն վեր կացաւ. իւր մարդկանց հետ փղտացւոց դէմ գնաց և 200 մարդ սպանեց, ուստի թագաւորը իւր աղջկան՝ Մեղքողին կնութեան տուեց։ Սաւուղը նկատեց, որ Աստուած Գաւթի հետն էր, այս պատճառով աւելի ևս վախեցաւ և թշնամացաւ նորա հետ իւր ամբողջ կեանքի ընթացքում։ Գաւթիթը թագաւորի բոլոր մարդկանցից էլ խելացի և իմաստուն էր. նորա անունը ժողովրդի մէջ յարգուած էր։

Սաւուղը բաց և արձակ խօսեց իւր օրդի Յովնաթանի և բոլոր ծառաների հետ, որ Գաւթին սպանեն։ Յովնաթանն այս բանը յայտնեց Գաւթին և նա էլ թաք կացաւ։ Սորանից յետոյ Յովնաթանը խօսեց հօր հետ՝ յօգուտ Գաւթի և ասաց. «Յանցանք մի գործիր, հայր, Գաւթիթն արդար է քո առաջ։ նա քեզ համար շատ է աշխատել—նա իւր անձը վտանգի ենթարկեց և սպանեց փղտացուն։ Աստուած նորանով մեծ փրկութիւն արեց բոլոր իսրայէլին»։ Սաւուղը լսեց իւր որդուն, երդուեց որ այնուհետև Գաւթի մահը այլ ևս չի ցանկայ։ Յովնաթանը յայտնեց Գաւթին այս բանը և նորան հօր մօտ բերեց։ Գաւթիթը դարձեալ այնպէս էր թագաւորի հետ, ինչպէս և առաջ։

Նոր պատերազմ։ Գաւթիթը դուրս եկաւ փղտաց-

ւոց դէմ և մեծ հարուած տաշով նրանց, փախցրեց: Բայց երբ կրկին Սաւուղի մօտ եկաւ և քնարի վերայ ածումէր, չար ոգին դարձեալ յայտնվեց թագաւորին—վեր առաւ գեղարդը և կամենումէր Դաւթին պատի վերայ մեխել: Բայց նա դարձեալ իտու տուեց և գեղարդը մտաւ պատի մէջ: Դաւթը փախաւ միւնոյն գիշերում և հեռացաւ պալատից: Սաւուղը մարդիկ ուղարկեց, որ նորա տունը գիշերով շրջապատեն և առաւօտեան սպանեն:

Մեղքողը յայտնեց Դաւթին եղելութիւնը և ասաց. «Եթէ, դու այս գիշեր քո կեանքը չազատես, առաւօտեան կենդանի չես մնայ»: Կինը մարդուն պատուհանից վայր թողեց. Դաւթին անյալտացաւ: Յետոյ Մեղքողը մի պաճուճապատան շինեց, դրեց կողինքի մէջ, զլուխը այծի մորթով պատեց և ծածկեց շորերով: Սաւուղը գեսպաններ ուղարկեց, որ Դաւթին բռնեն: Մեղքողը պատասխանեց. «Հիւանդ է»: Սաւուղը կրկին անգամ մարդ ուղարկեց և ասաց. «Մահճով ինձ մօտ բերէք, որ նորան սպանեն»: Երբ գեսպաններն եկան, պաճուճապատանը կողինքում դրած էր. իրաղութիւնը թագաւորին յայտնեցին: Սաւուղն ասաց իւր աղջկան. «Ինչու դու ինձ խարեցիր և իմ թշնամուն փախցրիր»: Մեղքողը պատասխանեց. «Նա ինձ ասաց, եթէ չես թոլլ տայ, կսպանեմ»:

Դաւթիթը մի տեղից միւսը թափառելով՝ վերջապէս եկաւ Յովնաթանի մօտ և ասաց. «Ի՞նչ յանցանք եմ գործել ես քո հօր դէմ, որ իմ կեանքի յետևիցն է ընկել. իմ և մահուանս մէջ մի քայլ

միայն հեռաւորութիւն կայ»: Յովնաթանը պատասխանեց. «Դու չես մեռնի, ես այն կանեմ, ինչ որ քո սիրուն է ուզում. ես կխօսեմ հօրս հետ և կհամոզեմ նորան: Թաք կացիր դաշտում մի քարի տակ, երեք օրից յետոյ ես քեզ իմաց կտամ, բանը խաղաղութեամբ է վերջացել արդեօք՝ թէ ոչ»:

Հետեւեալ օրը Սաւուղը Յովնաթանի և Աքենների հետ սեղան էին նստած: Երբ Դաւթի մասին խօսք եղաւ, Յովնաթանը յօդուտ նորա խօսեց: Սաւուղը բարկացաւ և ասաց. «Խարդախս, ես գիտեմ որ դու Յեսոէլ որդու հետ դաշնակցից ես, ամօթ քեզ, քանի որ նա ապրումէ երկրիս վերայ, քո թագաւորութիւնը հաստատ չէ, ուստի մարդ ուղարկիր նորա յետևից և բերել տուր. նա պէտք է մեռնի»: Յովնաթանը պատասխանեց. «Ինչու պիտի նա մեռնի, ինչ է արել»: Սաւուղը բարկացաւ և այս անգամ գեղարդը Յովնաթանի վերայ ձգեց նորան սպանելու մտքով: Յովնաթանը նկատեց, որ հայրը վճռել է Դաւթին սպանելու, վեր կացաւ սեղանից, դուրս եկաւ և ամբողջ օրը ոչինչ չկերաւ ու մտածումէր միայն Դաւթի վերայ:

Առաւօտը Յովնաթանը գնաց դաշտ, ուր որ ժամագիր էին եղած և յայտնեց Դաւթին ամենը: Երկուսը ևս գրկեցին իրար և լաց էին լինում. Դաւթին աւելի էր արտավում: Նրանք երդուեցին հաւատարիմ լինել թէ միմեանց և թէ իրանց յետագաներին: Յովնաթանն ասաց. «Գնա խաղաղութեամբ, ինչ որ մենք Տիրոջ անունով երդուեցինք, թնդ այդ յաւիտեան անխախտ մնայ»: Յովնաթանը յետ գտուալ քաղաք, իսկ Դաւթը փախաւ, հետ ացաւ:

«Յամենայն ժամանակի բարեկամք Եղիցին քո, բայց եղբարք՝ ՚ի վիշտս Եղիցին քեզ պիտոյ։ Առակք Ժէ. 17.

Բարեկամը ամենայն ժամանակ սիրող է, բայց Եղբայրը նեղ օրուան համար է Ճնուած։

«Որ առնէ մեղս, ծառայէ մեղաց»։ Յովհ. ը. 39.

Ով որ մեղք է գործում, մեղքի ծառան է դառնում։

«Արթուն կացէք և աղօթս արարէք՝ զի մի անկանիցիք ՚ի փորձութիւն»։ Մատ. իգ. 41.

Արթուն կացէք և աղօթք արէք, որ փորձութեան մէջ չընկնէք։

«Եթէ որոց սիրենն զնստուած, յամենայնի գործակից լինի ՚ի բարիս»։ Թօ. ա. Հոմ. ը. 28.

§ 57.

Դաւթի մեծաչոգութիւնը դէպի Սաւուղ:

ա.

Սորանից յետոյ Սաւուղին յայտնեցին, որ Դաւթը Գաղգալի անապատումն է։ Սաւուղն առաւ 3,000 զօրք ու դնաց Դաւթին և նորա մարդկերանցը փնտուելու։ Այն անապատում մի այր կար. Սաւուղն ներս մտաւ այնտեղ քնելու, իսկ Դաւթի իւր մարդկանց հետ արդէն արքի ներսումն էր։ Դաւթի մարդկին ասացին. «Ահա, այս այն օրնէ, երբ Աստուած թշնամուն քո ձեռնէ մատնում։» Դաւթի վերկացաւ և ծածուկ կարեց Սաւուղի լոտիկի ծայրից, բայց շուտով զղջաց և ասաց իւր մարդկերանցը. «Աստուած մի արասցէ, որ ես իմ ձեռքը Տիրոջ օծեալի վերայ բարձրացնեմ։» Դաւթի իւր մարդկանցը համոզեց և թոյլ չտուեց Սաւուղին սպանելու։

Սաւուղը երբ զարթեց, դուրս եկաւ այրից և սկսեց իւր ճանապարհը շարունակել։ Նորանից յետոյ դուրս եկաւ Դաւթը ու սկսեց Սաւուղի յետևից ձախ տալ. «Իմ տէր թագաւոր»։ Սաւուղը յետ նայեց։ Դաւթին ասաց. «Այսօր Աստուած քեզ իմ ձեռը մատնեց այրի մէջ, բայց ես քո կեանքը խնայեցի. Ես ասում էի ինքս ինձ, նա իմ տէրն է և Աստուծոյ օծեալը. տես, հայր իմ, ահա քո լոտիկի ծայրը իմ ձեռումն է։ Թօնդ Աստուած դատաւոր լինի իմ և քո մէջ և ազատէ ինձ քո ձեռքից, բայց ես իմ ձեռքս քեզ վերայ չեմ բարձրացնի։»

Սաւուղն սկսեց բարձր ձայնով լաց լինել և ասել. «Դու ինձանից արդար ես. դու ինձ բարի հատուցիր, իսկ ես քեզ՝ չար։ Ինչ որ դու այսօր իմ դէմ ցոյց տուիր, Աստուած քեզ դորա փոխարէն բարի հատուցումն կանէ։ Ես գիտեմ դու իսրայէլի թագաւորը պիտի գառնաս»։

Սաւուղը տուն գարձաւ, իսկ Դաւթի իւր մարդկանց հետ մնաց անապատում։

Բ.

Սորանից յետոյ լուր առաւ Սաւուղը որ Դաւթը Զիվալի անապատումն է։ Վերկացաւ Սաւուղը, առաւ իւր հետ 3,000 մարդ և սկսեց Դաւթին որոնել ու բանակ ձգեց անապատում մի բլրի վերայ։ Դաւթին այս բանն իմանալուն պէս, եկաւ Սաւուղի բանակը։ Կա ասաց իւր ընկերներին. «Ո՛վ կգայ ինձ հետ Սաւուղի բանակը մտնելու։» Աբեսսան պատախանեց. «Ես կգնամ քեզ հետ բանակ մտնելու։» Այսպէս Դաւթի և Աբեսսան գիշերով Սաւուղի բանակը մտան։

Սաւուղը քնած էր պաղպաջունի մէջ, գեղարդը գլխի վերևում գետնի մէջն էր ցցած։ Խոկ Աբենները և բոլոր զօրքը նորա շուրջը քնած էին։ Աբեսսան ասաց Դաւթին։ «Աստուած այսօր թշնամուն քո ձեռնէ մատնել, թող ես գեղարդով միանգամ այնպէս խփեմ, որ գետին մտնէ։» Խոկ Դաւթը պատասխանեց Արեսալին։ «Մի խփիր, ով է այն մարդը որ Տիրոջ օծեալին խփէ և անպատիժ մնայ։ Դաւթին ասաց։ «Աստուած կենդանի է, Նա նորա դատաստանը կկտրէ—կամ նորա օրը կդայ և կմեռնի, կամ թէ պատերազմի մէջ կմտնէ և կտպանուի։ Աստուած մի արասցէ, որ ես ձեռքս նորա օծեալի վերայ բարձրացնեմ։ Վեր ա՛ռ նորա գլխի վերևից գեղարդը, ջրի կուժը և գնանք։» Այսպէս Դաւթը վեր առաւ գեղարդը և ջրի կուժը ու գնաց։ Մէկը չեղաւ, որ տեսնէր կամ նկատէր, ամենքն էլ քնած էին։

Դաւթը բարձրացաւ բլրի գագաթը և այնտեղից ձայն տուեց զօրքին, Աբեններին ու ասաց։ «Զե՞ս լսում Աբեններ։» Աբենները պատասխանեց։ «Ո՞վ ես դու։» Դաւթը պատասխանեց։ «Ի՞նչու քո տիրոջը՝ քո թագաւորին չպաշտպանեցիր, որովհետև գլշերով մէկը բանակը մտաւ և թագաւորի գեղարդն ու ջրի կուժը տարաւ, թող ձեզանից մինը դայ և տանէ։» Սաւուղը Դաւթի ձայնը ճանաչեց և ասաց։ «Այդ քո ձայնն է, որդի Դաւթ։» Դաւթը պատասխանեց։ «Այս, իմ ձայնն է, իմ Տէր, ինչու ես քո ծառալի յետելցն ընկել. ինչ վատ բան է արել քեզ։» Սաւուղը պատասխանեց։ «Արի ինձ մօտ կրկին, որդեակ իմ Դաւթ, ես յանցաւոր եմ, ես քեզ այլ և չեմ հալածի, որովհետև դու

այսօր իմ կեանքը թանկ ես գնահատել։» Դաւթը պատասխանեց. «Աստուած ամենքին էլ իւր արդարութեան և հաւատարմութեան համար կը վարձատրէ։ Աստուած քեզ այսօր իմ ձեռքը մատնեց, բայց ես իմ ձեռքը նորա օծեալի վերայ չբարձրացրի։ Եւ ինչպէս որ այսօր քո անձը ես թանկ գնահատեցի, այդպէս էլ Աստուած իմ անձը թանկ կգնահատէ. նա ինձ այս նեղութիւնից կազատէ։» Սաւուղն ասաց Դաւթին։ «Որհնեալ լինես, որդեակ իմ Դաւթ, գետեմ որ դու այդ բանը կանես և գլուխ կբերես։» Դորանից յետոյ Դաւթը իւր ճանապարհով գնաց, իսկ Սաւուղը կրկին տուն դարձաւ։

«Սիրեցէք զթշնամիս ձեր, օրհնեցէք զանիծիս ձեր, բարի արբէք ատողեաց ձերոց, և աղօթք արբէք ՚ի վերայ այնոցիկ, որ լկեն զձեզ եւ հալածեն։» Մատ. Ե. 44.

Սիրեցէք ձեր թշնամիներին, օրհնեցէք ձեզ անիծնողներին, բարի արբէք ձեզ ատողներին, աղօթք արբէք ձեզ չարչարողների և հալածողների համար։

«Մի զանձանց վրէժ խնդրէք, սիրելիք, այլ տուք տեղի բարկութեան. քանզի գրեալէ. իմ է վրէժխնդրութիւն, ես հատուցից ասէ Տէր։» Թ. ա. Հոմ. Ժ. 19.

Ձեր անձերի համար վրէժխնդրութիւն մի անէք, սիրելիների, այլ բարկութեան տեղ տուէք, որովհետև գրածէ. վրէժխնդրութեան իրաւունքն իմն է, ես պիտի հատուցանեմ։

Ինքը իւր հետ պատերազմելը ամենադժուար պատերազմն է, ինքն իրան յաղթելը ամենագեղեցիկ յաղթութիւնն է։

«Մի յաղթիր ՚ի չարէ. այլ յաղթեա բարեաւն չարին»: Թ. ա. Հոմ. Ժ. 21.

Մի յաղթուիր չարիցը, այլ բարիովը չարին յաղթիր:

§ 58.

Սաւուղի մահը:

Այս բանից յետոյ մեռաւ Սամուէլը: Բոլոր իսրայէլացիները սուգ արին նորա վերայ և թաղեցին Արիմաթեմում:

Փղշտացիները կրկին պատերազմ ունեցան իսրայէլի հետ: Իսրայէլացիները փախան թշնամուց և Գեղբուա լերան մօտ ջարդուեցան: Թշնամին շրջապատեց Սաւուղին և նրա որդւոց. պատերազմը խիստ էր. Սաւուղը ծանր կերպով վիրաւորուեց:

Այն ժամանակ թագաւորն ասաց իւր կապարձակրին. «Հան քո սուրը և սպանիր ինձ, որպէսզի փղշտացիները չգան, չխոցուտեն և չծաղրեն ինձ»: Կապարձակրը հրաժարվեց կատարելու նրա հրամանը: Յետոյ Սաւուղն ինքն առաւ իւր սուրը և ընկաւ նորա վերայ: Երբ կապարձակրը տեսաւ, որ Սաւուղը մեռաւ, ինքն էլ իւր սրի վերայ ընկաւ և ինքնասպան եղաւ: Յովնաթանը, իւր երկու եղբայրների հետ, կապարձակրը և հետն եղած բոլոր մարդիկը մեռան՝ ընկան պատերազմի մէջ: Նետևեալ օրը թշնամին ելաւ, որ անկեալներին մերկացնէ: Սաւուղին իւր երեք որդու հետ միասին գտան. կտրեցին թագաւորի գլուխը, հանեցին վերալից զէնքերը և երկուսն էլ իւրեանց երկիրն ուղարկեցին աւետիք տալու, իսկ

Սաւուղի մարմինը բեթսանալի պարիսպներից կախ արին:

Երբ Յաբիսի բնակիչները լսեցին թագաւորի մահը, բոլոր պատերազմող մարդիկը վեր կացան, ամբողջ գիշեր ճանապարհ գնացին և թագաւորի ունորա որդու Յովնաթանի դիակները բեթսանալի պարիսպներից հանելով՝ քաղաք բերին և ալրեցին. յետոյ վեր առան նրանց ոսկորները մի ծառի տակ թաղեցին և եօթն օր պահք պահեցին:

Սաւուղի մահուանից երեք օր յետոյ՝ մի ամագեկացի շորերը պատառելով և գլխին հող ածելով Դաւթի մօտ եկաւ ու ասումէր նորան. «Իսրայէլի բանակիցն եմ ազատվել. ժողովուրդը փախաւ. մեծ մասը պատերազմում ընկան. Սաւուղը և Յովնաթանը նմանապէս մեռան»: Դաւթին ասաց. «Ո՞րտեղից զիտես որ Սաւուղը և Յովնաթանն ընկան»: Ամազեկացին պատասխանեց. «Գեղբուայի լեռների վերայ էի, Սաւուղը կոթնած էր նիզակի վերայ, թըշնամու հեծելազօրը զիմումէր դէպի նա: Սաւուղն ասաց ինձ, սպանիր ինձ, որովհետև ես ամէն կողմից վտանգով շրջապատուած եմ»: Թօտ գնացի, սպանեցի նորան, վեր առայ թագն ու ապարանջանը և ահա իմ տիրոջն եմ բերել»: Դաւթին ասաց. «Դու ինչպէս վստահացար Տիրոջ օծեալի վերայ ձեռք բարձրացնել»: Դաւթիթը նշան արեց իւր մարդկանցից մինին, որ սպանեն ամաղեկացուն և սպանեցին:

Սորանից յետոյ Դաւթին սկսեց պատառել իւր շորերը, նոյնն արին և մօտը եղող մարդիկը. նրանք լաց էին լինում և սգում Սաւուղի, Յովնաթանի և

բոլոր իսրայէլի ժողովրդեան վերայ: Դաւիթը ողբ յօրինեց իւր սիրելի Յովնաթանի վերայ և ասումէր. «Արձանացիր, իսրայէլ՝ ՚ի վերայ բլոցն ՚ի բարձունս քո վիրաւորաց. գիտք անկան զօրաւորքն: Մի պատմէք ՚ի Գէթ, եւ մի տալք զայս աւետիս յելս Ասկաղոնի. զի մի երբէք ուրախ լիցին դատերք այլազգեացն, եւ մի ցնծացեն դատերք անթլիատիցն: Լեռինք Գեղրուայ, մի իջցէ ՚ի ձեզ յօդ, եւ մի եկեսցէ ՚ի վերայ ձեր անձրեւ. Յովնաթան ՚ի վերայ բարձանց քոց վիրաւոր: Յաւէ ինձ ՚ի վերայ քո, եղբայր իմ Յովնաթան, զեղեցկացար ինձ յոյժ, զարմանալի եղեւ սէր քո ինձ քան զսէր կանանց»:

«Զոր ինչ սերմանէ մարդ, զնոցն հնձեսցէ»: Թ. ա. Գաղ. զ. 7.

«Անօրէնք եղին յաւեր յանկարծակի, սաստակեցան, պակասեցան, կրեան վասն անօրէնութեան իւրեանց»: Սաղ. չբ. 19.

«Որ համարիցի հաստատուն կալ, զգոց լիցի՝ գուցէ անկանիցի»: I. թ. ա. Կրնթ. ժ. 12.

Ով որ կարծում է թէ հաստատ կանգնած է, թող զգոց լինի, որ վայր չընկնի.

Գ.

ԹԱՒԻԹ Թ.

§ 59.

Դաւիթը որպէս թագաւոր:

Սորանից յետոյ Դաւիթը իւր մարդկանց հետ գնաց Քերրոն քաղաքը: Յուղալի տան մարդիկը նու-

րան թագաւոր օծեցին Յուղալի տան վերայ: Իսկ Սաւողի զօրավար Արեները նորա որդի Յեթուաթէին թագաւորեցրեց միւս ցեղերի վերայ: Սորա համար Դաւիթի և Սաւողի տան մէջ երկար ժամանակ պատերազմներ եղան: Դաւիթի տունը քանի գնում զօրանում էր, իսկ Սաւողինը՝ նուշազում, տկարանումէր: Յեթուաթէի մօտ երկու գլխաւոր մարդիկ կալին. սրանք քնած ժամանակ սպանեցին նորան և գլուխը կտրելով Դաւիթի մօտ բերին Քերրոն քաղաքը: Բայց Դաւիթն ասաց նրանց. «Դուք արդար մարդէք սպանել» և հրամայեց երկու մարդասպաններին էլ սպանել:

Այն ժամանակ իսրայէլի բոլոր ցեղերը Քէրրոն եկան և Դաւիթին թագաւոր օծեցին ամբողջ իսրայէլի վերայ: Դաւիթը երեսուն տարեկան էր, երբ յէլի՛ վերայ: Դաւիթը երեսուն տարեկան էր, երբ յէլի՛ վերայ: Յուղալի տարին ամբողջ կառավարեց Յուղալի ժողովուրդը եօթը և կէս տարի, իսկ երեսուն տարի՝ ամբողջ իսրայէլը:

Փագաւորը գնաց դէպի Երուսաղէմ երուսացւոց դէմ, որոնք Յուղալի երկրումն էին կենում: Նրանք ասացին Դաւիթին. «Դու չես կարող քաղաք մտնել, կորերը և կաղերը կարգելին քեզ»: Բայց Դաւիթն առաւ քաղաքը, Ախօն լեառը ու նրա վերայի աշտարակը: Նա բնակուց ալդ աշտարակի մէջ, անուանեց նրան Դաւիթի քաղաք, ու այնտեղ մի փառաւոր տուն շինեց:

Սորանից յետոյ մարդիկ հաւաքեց և գնաց ուխտի տապանակը բերելու: Աւրախութեան ձայներով և փողերը փշելով տապանակը Ախօնի աշտարակը բարձ-

բացրին և դրին այն վրանի տակ, որը Դաւիթին էր խփել տուել: Թագաւորը զետացիներից մի քանիսին պաշտօնեայ նշանակեց ուխտի տապանակին, որոնք երգով և քնարով օրհնում էին և փառաբանում Աստուծուն. նմանապէս քահանաներ նշանակեց Ահարոնի ցեղից, որանք էլ ամենայն օր ողջակէղ էին մատուցանում: Այսպէս նա Աստուածաշտութեան կարգը սահմանեց և ինքն անձամբ մի քանի երգեր՝ սաղմոսներ հեղինակեց:

Այս բանից յետոյ Դաւիթը փղշտացիների դէմ պատերազմի դուրս եկաւ, հալածեց նրանց. նոյնպէս մովաբացիների դէմ գնաց, յաղթեց և հարկատու դարձրեց, այլև ասորոց և եղոմացւոց յաղթեց: Նորա թագաւորութիւնը լնդարձակուեց ծովից մինչև Եփրատ և Դամասկոսից մինչև Եգիպտոս: Աստուած օգնում էր Դաւիթն, ուր որ նա գնում էր: Դաւիթի անունը մեծ դառաւ բոլոր երկրներում. հեթանոսները դողում էին նորա անունը լսելիս: Նա դատաւորներ և պաշտօնեաներ նշանակեց երկրի մէջ. իւր բոլոր հզատակների համար իրաւունք և արդարութիւն ձեռք բերեց:

Յետոյ Դաւիթն ասաց. «Արդեօք Սաւորի տանից որ և է ժառանգ չէ մնացել, որ ես Յովնաթանի սիրոյ համար նրան ողորմութիւն անեմ:» Նորա ծառաներից մինն ասաց. «Յովնաթանից մի կաղ որդի է մնացել:» Խորոյն Դաւիթը մարդ ուղարկեց նրա յետեւից և բերել տուեց իւր մօտ: Եթր Յովնաթանի որդի Մեմփիրոսթէն Դաւիթի առաջն եկաւ, երեսի վերայ ընկաւ. Դաւիթն ասաց նրան. «Մի վախիր, եւ

ուզում եմ քեզ ողորմութիւն անել՝ քո հայր Յովնաթանի սիրոյ համար. քեզ կտամ Սաւորի բոլոր արտերը, դու ամէն օր իմ սեղանիս վերայ կը ճաշես և ճաշում էր: Այսպէս չմոռացաւ Դաւիթը իւր սիրելի Յովնաթանին:

«Թագաւոր հանճարեղ՝ իմաստութիւն ժողովուց»:
Իմաստ. Սող. գ. 26.

Խելօք թագաւորը ժողովորի համար բաղդաւորութիւն է:

«Երանի քեզ, երկիր, որոյ թագաւոր քո որդի աղատի է»: Ժող. ժ. 17.

§ 60.

Դաւիթը մեղանչում:

Մի անգամ Դաւիթը իւր Յովաբ դօրավարին և ծառաներին ամոնացւոց դէմ ուղարկեց, որ նրանց գլխաւոր քաղաքը՝ Թաբաթաւը պաշարեն, իսկ ինքը մնաց Երուսաղէմում: Մի օր թագաւորն անկողնից վերկացաւ և տան կորի վերայ ման էր գալի. նա տեսաւ մի գեղեցիկ կին, որի անունը Բերսաբէ էր, սա Ուրիամի կինն էր, որը Յովաբի հետ պատերազմ էր գնացել: Դաւիթը Յովաբին մի նամակ գրեց, որով պատուիրում էր նորան ու ասում. «Ուրիամին պատերազմի վտանգաւոր տեղն ուղարկէ՞ր, դու յետ դարձիր, թող նա սպանուի»: Յովաբն էլ այդպէս արեց. Թշնամիները քաղաքից դուրս եկան և սկսեցին Յովաբի դէմ պատերազմել. Դաւիթի ծառաներից ոմանք մահ տտացան այստեղ. մեռաւ նմանապէս և Ուրիան:

Յովաբը մարդ ուղարկեց Դաւթի մօտ այդ լուրը նորան հաղորդելու։ Երբ Ռւրիայի կինը ամուսնու մահուան բօթն առաւ, սկսեց սուգ անել. սղի օրերն անցնելուց յետոյ, Դաւթի մարդ ուղարկեց կնոջ մօտ, տուն բերել տուեց և իւր կինը դարձրեց։

Դաւթի այս արարմունքն Աստուծուն դուր չեկաւ. Նաթան մարդարէին նորա մօտ ուղարկեց։ Սաթագաւորի մօտ եկաւ և հետեւեալ առակն ասաց. «Մի քաղաքում երկու մարդիկ էին կենում, մինը հարուստ, իսկ միւսն աղքատ։ Հարուստն ունէր շատ հօտեր և անդէաներ, իսկ աղքատը միմիայն մի զառը. աղքատը շատ էր սիրում գառանը—նորան իւր հետն էր ուտացնում խմացնում և իրա գողումն էր քնացնում որդու նման։ Մի օր, հարուստի մօտ հիւր եկաւ. նա խնայեց իւր ոչխարներից կամ տաւարներից մինը մորթելու, այլ աղքատից նրա զառը խլեց և նորանով հիւրին պատուեց։ Դաւթի բարկացաւ այդ արարմունքի վերայ և ասաց Նաթանին. «Այդ մարդը մահու պատժի արթանի է»։ Նաթանն ասաց Դաւթին. «Այդ մարդը գու ես, գու խլեցիր Ռւրիայի կինը, իրան էլ ամովնացոց սրով սպանել տուիր։ Աստուած այսպէս է ասում. ես քեզ Սաւուղի ձեռքից աղատեցի և Յուգամի ու Խորայէլի տան վերայ թագաւոր նշանակեցի, ինչու գու իմ խօսքը արհամարհեցիր և ալսպիսի չարութիւն գործեցիր։ Քո տանից քո դէմ չարիք՝ անբաղտութիւն կհանեմ. գու ծածուկ չարութիւն գործեցիր, իսկ ես քեզ կպատժեմ յայտնի կերպով ամբողջ խորայէլի և արեգական առաջ»։

Այն ժամանակ Դաւթին ասաց Նաթանին. «Ես

մեղաւոր եմ Աստուծոյ առաջ»։ Դաւթի գետնի վերայ ընկած աղօթում էր և ասում. «Ողորմեա ինձ, Աստուած, ըստ մեծի ողջմութեան քում, ըստ բազում գթութեան քում քաւեա զանօրէնութիւնս իմ։ Սիրտ սուրը հաստատեա յիս, Աստուած, եւ հոգի ուղիղ նորոգեան ՚ի փորի իմում։ Մի ընկենուր զիս, Տէր, յերեսաց քոց և զհոգի սուրբ քո մի հաներ յինէն։» Նաթանն ասաց. «Աստուած ներեց քեզ քո յանցանքը, դու չես մեռնի։» Նաթանը գնաց տուն։ Գորանից յետոյ Բերսարէն մի որդի ունեցաւ, որին Սողոմոն անուանեց։ Աստուած նորան սիրում էր։ Դաւթի Նաթան մարդարէին յանձնեց Սողոմոնի կրթութիւնը և նա էլ նորա անունը Յեղեգի դրեց։

Ար Տաճկէ գամբարշտութիւն իւր՝ ոչ յաջողեսցի՝ իսկ որ պատմէ եւ յանդիմանէ, սիրելի եղիցի։ Առակը Սող. իր. 13.

§ 61.

Արիսողոմ:

Բոլոր խրայէլի մէջ Դաւթի որդի Աբխազոմի նման գեղեցիկ մարդ չկար—ոտքի թաթից մկսած մինչև գագաթը ոչ մի պակասութիւն չունէր. Աբխազոմի ամենագեղեցիկ զարդարանքը նորա գլխի մազերն էր։ Սորանից յետոյ Աբխազոմը ձեռք բերեց կառքեր և ձիեր. յիտուն հատ սուրհանդակ ունէր։ Առաւոտները վաղ վեր էր կենում և կանգնումէր քաղաքի դրանը ճանապարհի վերայ։ Ամենքին, որոնք

գանդատներով թագաւորի մօտն էին գնում, ասումէր Սբիսողոմը. «Դու արդար ես, բայց ով կայ թագաւորի մօտ, որ քեզ պաշտպանէ; Երանի ինձ դատաւոր նշանակէին այս երկը վերայ, ես գիտէի թէ ինչպէս արդարութեամբ կապաշտպանէի ամենքի իրաւունքը»: Եթէ մինը խոնարհումէր նորան երկրպագութիւն տալու, ձեռքից բռնում, վեր էր կացնում և համբուրումէր: Այս ձեռվ Աբիսողոմը գրաւեց իսրայէլի որդւոց սիրտը դէպի ինքը:

Սորանից յետոյ ասաց Դաւթին. «Թոյլ տնւր ինձ, հայր, որ Քերը ուխտ գնամ և Տիրոջը խոնտացած զոհս մատուցանեմ»: Թագաւորն ասաց նորան. «Գնա խաղաղութեամբ»: Բայց Աբիսողոմը առաջուց մարդէր ուղարկել իսրայէլի բոլոր քաղաքներն ասելու. «Երբ որ փողի ձախնը լսէք, ասացէք որ Աբիսողոմը Քերը ում թագաւոր է դառել: Աբիսողոմը Քերը գնաց. դաւաճանութիւնը քանի գնում զօրանումէր. մեծ բազմութիւն էր հետեւում նորան:

Երբ այս բանը Դաւթին իմաց տուին Երուսաղէմում եղող բոլոր ծառաներին ասաց. «Վեր կացէք փախչենք Աբիսողոմի երեսից. շտապեցէք, մի գուցէ մեզ հասնէ և կոտորէ ու քաղաքն էլ սրի կերակոր դարձնէ»: Թագաւորը քաղաքից ոտով փախաւ կը ծառաների հետ միասին. նորան հետեւումէր մեծ բազմութիւն և դառն կերպով բարձրածախն լաց լինում: Դաւթիմն անցաւ անցաւ կետրոնի վտակը և լալով բարձրանումէր Զիթենեաց լեառը. թագաւորը գնումէր գլուխը ծածկած և ոտաբորիկ: Սաւողի տնից մի մարդ՝ Սեմէի անունով պատահեց Դաւթին, որին ա-

նիծումէր, քարեր արձակում վերան ու ասում. «Դուրս, դուրս, ով արիւնահեղ. Սաւողի տան արիւնը Աստուած քեզ վերայ է դարձրել, քո թագաւորութիւնը յանձնեց քո որդի Սբիսողոմին. այժմ դու ես անբաղութեան մէջ»: Այս ժամանակ Աբեսսան պատասխանեց. «Ի՞նչպէս է վստահանում նա իմ տէր թագաւորին այսպէս անարգել, իրաւունք տնւր, անցնեմ և նորա գլուխը կտրեմ»: Թագաւորն ասաց. «Թոյլ տնւր նորան անիծելու, Տիրոջ կամքն է այդ: Ահա հարազատ որդիս իմ ետևիցն է ընկել, որոնումէ իմ անձը, ինչ զարմանալու բան կայ, որ օտար Սեմէին տվդպէս է վարդում, գուցէ Աստուած նայէ իմ նեղութիւնը»: Այսպէս էր շարունակում Դաւթը իւր ճանապարհը: Աբիսողոմը մտաւ Երուսաղէմ և առաւ այն բոլորն, ինչ որ իւր հօրն էր պատկանում:

Սորանից յետոյ Աբիսողոմը իւր մարդկանց հետ Յորդանանն անցաւ հօրը հալածելու համար: Դաւթին իւր մօտ եղած ժողովուրդը կարգադրեց և ասաց. «Ես ևս ձեզ հետ կամենումեմ թշնամու առաջ գուրս գալ»: Ժողովուրդը պատասխանեց. «Դու մի արի, զումեզ համար տասն հազար մարդու հաւասար ես»: Ժողովուրդը գնաց, լսկ Դաւթը Յովարին, Աբեսսան և բոլոր զլիաւորներին պատուիրեց ու ասաց. «Իմ սիրոյ համար խնայեցէք Աբիսողոմին»: Երբ պատերազմի դաշտը գուրս եկան, Եփրեմի անտառում հանգիպեցին իրար. պատերազմն արիւնահեղ էր. իսրայէլի ժողովուրդը մեծ հարուած ստացաւ Դաւթի ծառաներից: Աբիսողոմը ջորտ վերայ նստած փախաւ

և երբ մի մեծ կաղնու թաւ սստերի տակովն անց-
նումէր, մազերը ճիւղերի մէջ խճճուեցան, մնաց կախ
լնկած ու ճօճումէր երկնքի ու երկրի մէջ, իսկ նորա
տակի ջորին անցաւ, գնաց; Երբ այս բանը Յովաբին
իմաց տուին, վեր առաւ երեք գեղարդ և խրեց Աբի-
սողոմի սիրտը: Յովաբի զինակիրները շըջապատեցին
նորսն, սպանեցին, ձգեցին մի փոսի մէջ և վերան
քարակոյտ կաղմեցին:

Ավետաբեր եկաւ Գաւթի մօտ պատերազմի դաշ-
տից և յայտնեց նորան յաղթութեան լուրը: Գաւթը
հարցրեց, «Աբիսողոմ պատանին ո՞ղջէ»: Երբ որ տե-
ղեկացաւ բոլոր իրողութեան հետ, տիսրեց, լաց էր լի-
նում և ասում. «Որդեակ իմ Աբիսողոմ, Աբիսողոմ
որդեակ իմ, երանի թէ ես մեռնէի քո փոխարէն,
ով որդեակ իմ Աբիսողոմ»:

Սորանից լետոց Յուդայի մարդիկը Գաւթի մօտ
ուղարկեցին և ասացին. «Յետ արի վերստին, գուն էլ,
քո ծառաներն էլ»: Նրանք մինչեւ Յուդանան գնա-
ցին Գաւթին դիմաւորելու: Մեմէին ևս եկաւ դրանց
հետ, թագաւորի ոտներն էր ընկնում և ասում: «Մի
լիշիր իմ յանցանքը, ես խոստովանում եմ իմ սխա-
լանքը»: Արեսան ասաց. «Նա պէտքէ մեռնի, վասն
զի Աստուծոյ օծեալին անիծել է»: Գաւթը պատաս-
խանեց: «Այօր ոչ ոք չպատի մեռնի, երբ ես խրա-
ւէլի վերայ թագաւոր եմ եղել»: Գաւթը եր-
դուեց Մեմէին, և ասաց: «Դու չես մեռնի»: Սորանից
լետու Գաւթը կրկին դիմեց Երտսաղէմ:

«Երդեամբ և բանիւք պատուեա զհայր քո, զի
եկեց ի վերաց քո օրհնութիւն ՚ի նմանէ: Զի

օրհնութիւն հօր հաստատէ զտունս որդւոյ, և
անէջք մօր՝ լսեն զհիմունս»: Սիրաք, գ. 9—11.

Պատուիր քո հօր՝ թէ գործքով և թէ խօսքով
որ նորա օրհնութիւնը քեզ վերաց զայ: Որովհետեւ
հօր օրհնութիւնը հաստատում է որդւոց տունը, իսկ
մօր անէջք՝ հիմքից կրծանում:

«Որոց սիրենն զնատուած՝ յամենացնի գործակից լի-
նի ՚ի բարիս»: Ն. ա. Հոռմ. գ. 28.

«Անօրէնք եղեն յաւեր յանկարծակի, սատակեցան,
պակասեցան, կորեան վասն անօրէնութան իւրեանց:
Սաղ. հբ. 19.

§ 62.

Գաւթի մահը:

Երբ Գաւթը ծերացաւ, Երաւաղէմ ժողո-
վեց բոլոր իշխաններին, դատաւորներին և զինուորա-
կաններին ու ասաց. «Ինձ լսիր, ով ժողովուրդ, ես
մտադիր էի Աստուծոյ համար մի տուն շինել, որպէս-
զի ուխտի տապանակն այնտեղ դնեմ: Բայց Աստուած
ինձ իւր ծառայ Նաթանի ծեռքով ասաց. Ինձ հա-
մար դու տուն չես կարող շինել, որովհետեւ
զինոր մարդ ես, շատերի արիւնն ես թափել. Երբ
դու կմեռնիս, քո որդի Սողոմոնը քեզ կը յաջորդէ.
Նա պիտի ինձ համար մի տուն կառուցանէ. ես նո-
րա թագաւորութիւնը յաւիտեան պիտի հաստատեմ:
Ուրեմն Աստուած իմ բոլոր որդւոց միջից Սողոմոնին
ընտրեց իմ զահին ժառանգ: Այսպէս ուրեմն Աստու-
ծոյ բոլոր պատուիրանները պահեցէք, որպէս զի այս
գեղեցիկ երկիրը ժառանգէք և ձեր որդւոց ժառան-

գել տաք: Իսկ դու, որդեակ իմ Սողոմոն հանաչիր քո
հօր Աստուծուն և ծառալիիր նորան կատարեալ սրտով
և յօժար կամքով. Եթէ նորան որոնես, կդտնես, իսկ
եթէ լժողնես, մոռանաս, նա էլ քեզ կժողնէ,
կմոռանայ: Աստուած քեզ ընտրեց իւր համար տուն
կառուցանող: Ես գնում եմ այնտեղ, ուր ամենքն են
գնում, բայց դու մխիթարուիր, մի վախենար, իմ
Աստուածը քեզ հետ կլինի»:

Դաւիթ թագաւորը տուեց իւր որդի Սողոմոնին
տաճարի գաղափարը՝ թէ ինչ ձևով պիտի շինէ և
յետոյ շարունակեց ժողովրդեան հետ խօսելը. «Աստու-
ծոյ տունը կառուցանելը շատ մեծ գործ է. ես իմ
կարողութեանս չափ բաւականին ոսկի, արծաթ,
թանկազին քարեր, երկաթ, փայտ և մարմար ժո-
ղովել եմ: Բացի այդ Աստուծոյ տան վերայ ունեցած
սիրոյս համար տալիս եմ 3,000 տաղանդ ոսկի և
7,000 տաղանդ արծաթ. իսկ ձեզանից ովէ է յօժար
Աստուծոյ տան համար այսօր կամաւոր նուէր մա-
տուցանելու»: Այն ժամանակ իշխանները, դատաւոր-
ները, ժողովուրդը ամենքն էլ իրենց կարողութեան
չափ ընծայ տուին Աստուծոյ տան համար: Ժողովուրդը
շատ ուրախացաւ: Որովհետև ամենքն էլ ազատ կամքով
նուիրեցին, ուստի Դաւիթը ևս շատ ուրախացաւ,
նա փառաբանում էր Աստուծուն և ասում. «Որհնեցէք
ձեր Տէր Աստուծոյ անունը»: Բոլոր ժողովուրդն էլ
որհնեց Աստուծոյ անունը և խօնարհելով երկրպագու-
թիւն էին տալի, աղօթում և ողջակէզ մատուցա-
նում: Քահանան էլ վեր առաւ խւի եղջիւըը, Սողո-
մոնին թագաւոր օծեց. ժողովերը փչում էին, իսկ ժո-

ղովուրդն աղաղակում էր. «Յաջողութիւն Սողոմոն
թագաւորին»:

Ճատ չքաշեց սորանից յետոյ, որ հին թագա-
ւորը մեռաւ և թաղուեց Դաւիթի քաղաքում: Նա
թագաւորեց խրայէլի վերայ քառասուն տարի, որից
յետոյ նորա որդի Սողոմոնը իրան յաջորդեց:

«Երանի մեռելոցն, որք ՚ի Տէր ննջեցին, քանզի
հանգեան յաշխատութենէ իւրեանց, բայց միայն գործք
իւրեանց չոքան զհետ նոցա»: Յայտ. Յովկ. Ժդ. 13.

Երանի. . . որովհետև նրանք իրանց աշխատանքից
հանգստացան. նոցա գործքերը իրանց հետեւում են:
Պ.

§ 63.

Սողոմոն թագաւորը:

Սողոմոնը սիրում էր Աստուծուն և իւր հայր
Դաւիթի ճանապարհովն էր զնում: Եթը թագաւորը
Գարաւոնում զոհ էր մատուցանում, Աստուած գիշե-
րով երևաց երազում և առաջ: «Խնդրե՛ր ինձանից
ինչ որ ուզում են»: Սողոմոնը պատասխանեց. «Ով
Տէր իմ Աստուած, Դու թագաւորեցրիր ծառալիդ իմ
հայր Դաւիթի տեղը, որը քո ճանապարհով կեանք վա-
րեց, իսկ ես մի փոքր տղայ եմ, զգիտեմ ոչ իմ բա-
րին և ոչ չարը, ուրեմն տուր քո ծառալին իմաս-
տուն սիրու քո ժողովուրդը դատելու և կարողութիւն»
լաւը վատից որոշելու»: Այս խօսքերն Աստուծուն
դուր եկան: Նա առաջ: «Որովհետև դու այդ բանը

ինդրեցիր և չխնդրեցիր երկար օրեր և հարստութիւն, ահա տալիս եմ քեզ այնպիսի իմաստուն սիրտ, որը ոչ քեզանից առաջ եղել է և ոչ քեզանից յետոյ կլինի: Բացի այդ՝ ես տալիս եմ քեզ և այն, ինչ որ չխնդրեցիր, այնէ հարստութիւն և փառք: Եթէ դու իմ ճանապարհովս կզնաս և իմ պատուիրանները կպահես, ինչպէս քո հայր Գաւիթը, քեզ երկար կեանք ևս կտամ»:

Բ.

Այդ օրերում երկու կանալք թագաւորի մօտ գանգատի եկան: Կանանցից մինն ասաց. «Ո՛հ, Տէր իմ, ես և այս կինը մի տան մէջ ենք կենում: Ես մի որդի ծնայ. երեք օրից յետոյ նա ևս մի որդի ունեցաւ. մենք միայնակ էինք. մեզնից աւելի ոչ ոք չկար այն տան մէջ: Այս կնոջ որդին գիշերը մեռնումէ, որովհետև վրան պառկումէ ու խեղդում: Կէս գիշերին վեր է կենում, առնում իմ որդին գրկիցս և եւր խեղդուած որդուն իմ ծոցն է դնում: Առաւօտը վեր կացայ տղային ծիծ տալու, տեսայ որ մեռած էր և ցերեկն ուշագրութեամբ նայելով գտայ որ իմ որդին չէ»: Իսկ միւս կինը խօսեց և ասաց. «Այդպէս չէ, կենդանին իմ տղան է, մեռածը քոնն է»: Իսկ առաջինը պատասխանեց. «Ո՛չ, մեռածը քո տղան է, իսկ կենդանին իմնէ»: Այսպէս էին խօսում նրանք թագաւորի առաջ:

Այն ժամանակ թագաւորն ասաց. «Սուր բերէք ինձ մօտ»: Եւ երբ սուրբ բերին, Սողոմոնն ասաց. «Կէս արէք կենդանի երեխալին, մի կէսը տուէք մինին, իսկ միւս կէսը՝ միւսին»: Կանանցից մինն ա-

սաց թագաւորին. «Մի սպանէք»: Իսկ միւսն ասում էր. «Ո՛չ ինձ լինի, ոչ քեզ, թող կտրեն»: Թագաւորն ասաց: «Առաջին կնոջը տուէք կենդանի երեխալին, որովհետև նա է հարազատ մայրը»: Այս դատաստանը յայտնի եղաւ բոլոր իսրայէլի մէջ և ամենքը քաշում էին նորանից, որովհետև նորա մէջ դատաստան անելու աստուածային իմաստութիւն նկատեցին:

Պ.

Սողոմոնը թագաւորումէր այն բոլոր երկիրների վերայ, որ իւր հայրն էր նուաճել. նրան ընծաներ էին բերում և ծառայումէին իւրեանց կեանքի ընթացքում:

Սողոմոնն ունէր 40,000 կառքի ձիաներ և 12,000 ձիաւոր: Նորա գործակալներն ամենայն բան հոգումէին, ոչինչ թերութիւն չկար: Պալատում իւրաքանչիւր օր գործ էր ածվում 90 քոռ ալիւր, 30 տաւար և 100 ոչխար:

Երկրի մէջ խաղաղութիւն էր տիրապետում Սողոմոնի կենդանութեան ժամանակ. Յուդայի և Իսրայէլի տները հանդիսան կեանք էին վարում իւրաքանչիւրը իրենց որթի և թղենու տակ:

Աստուած Սողոմոնին մեծ իմաստութիւն տուեց, նա բոլոր մարդկանցից էլ իմաստուն էր. Նորա անունը կեթանոսների մէջ տարածուած էր: Սողոմոնը 3,000 առակներ ասաց, իսկ նորա երգած երգերի թիւը 1,005 է: Երկրիս բոլոր ծալիերից մարդիկ գալիս էին Սողոմոնի իմաստութիւնը լսելու:

«Եւ այս է համարձակութիւնն զոր ունիմք մեք առ նա, զի զոր ինչ հացցեսուք ըստ կամաց նորա, լու մեզ»։ I. թ. Յովկ. է. 14.

Սա մի համարձակութիւն (ուրախութիւն) է մեղ համար, որովհետև ինչ որ նորա կամքի համաձայն խնդրելու լինենք, կամ մեզ։

«Սկիզբն զգօնութեան երկիւղ Տեառն»։ Սաղ. ճժ. 10.

Իմաստութեան սկիզբը Աստուծոյ երկիւղն է։

§ 64.

Սողոմոնի տաճարի շինութիւնը։ ա.

Սողոմոնը մարդ ուղարկեց Տիւրոսի Քիրամ թագաւորի մօտ առելու։ «Դու զիտես, որ իմ հայր Գաւիթը պատերազմների պատճառով չկարողացաւ իր Տէր Աստուծոյ համար՝ նորա անուան վայել մի տուն շինել։ Այժմ իմ Տէր Աստուծը ինձ խաղաղութիւն է պարզեցել և ահա ես մտադիր եմ մի տուն շինել իմ Տէր Աստուծոյ համար։ Արդ հրաման տուր իմ ծառաներին քո ծառաների հետ կիրանանու անտառներից եղեիններ կտրել ինձ համար։ դորա փոխարէն ես քեզ ցորեն, զինի և իւղ կվճարեմ»։ Քիրամը շատ ուրախացաւ և մարդ ուղարկեց Սողոմոնի մօտ առելով։ «Ամենայն բան քո ցանկութեան համաձայն կկատարեմ»։ Նրանք դաշն կապեցին միմեանց հետ։ Սողոմոն թագաւորը 30,000 մարդ ուղարկեց կիրանան յաջորդաբար՝ ամիսն 10,000։ Նա 70,000 բեռնակիր, 80,000 քարհատ, բացի այդ 3,500

իշխաններ, վերակացուներ նշանակած ունէր գործի վրայ։ Սողոմոնի և Քիրամի վարպետները տաշում, պատրաստումէին քարերը Աստուծոյ տան շինութեան համար։

Սողոմոնի թագաւորութեան չորրորդ տարումը Մորէա լերան վերայ Սողոմոնի տաճարի հիմքը դըրվեց։ Տիրոջ անուան համար կառուցանելի տունը 60 ոտնաչափ երկայնութիւն, 20 ոտնաչափ լայնութիւն և 30 ոտնաչափ բարձրութիւն ունէր։ Տունը ներսից շինուած էր եղենու փայտով։ յատակը կաղնու տախտակով։ տախտակած տունը ներսից մաքուր ոսկով պատեց, իսկ զատակը՝ ոսկեայ թիթեզօվ, այնպէս որ ամբողջ տունը ուկտով էր պատած։

Տաճարը բաժանուած էր երկուսի՝ սրբութիւն, սրբութիւն սրբոց։ տապանակ ուխտին այստեղ պէտք է դնէին։ Տաճարի շուրջը Սողոմոնը երկու գաւիթ շինեց՝ արտաքինը ժողովրդի համար, իսկ ներքինը՝ քահանաներին։ այստեղ էր դրած զոհի սեղանը և պղնձէ ծովը քահանալից լուացուելու համար։ Եօթն տարուց յետով տաճարի շինութիւնն աւարտուեց։

Երբ շինութիւնը վերջացրեց Սողոմոնը, Երուսաղէմ կանչեց երկրի միջի քոլոր ծերերին և իշխաններին, նայնպէս և ժողովրդին։ Քահանաները ուխտի տապանակը և բոլոր սրբազն անօթները Ախոնի վերաբից տաճարը տեղափոխեցին։

Սողոմոնը և ամբողջ հասարակութիւնը հետեւում էր նրանց։ Երբ քահանայքը ուխտի տապանակը սրբութիւն սրբոցում դրին, թագաւորն օրհնեց ամ-

բողջ իսրայէլի ժողովուրդը. զոքեց Տիրոջ սեղանի առաջ, ձեռքերը երկինք կարկառեց և ասաց. «Տէ՛ր, իսրայէլի Աստուած, երկինքը և երկնից երկինքը բաւական չեն քեզ պարունակելու, ուր մնաց այս տունը, որ ես քո անուան համար կառուցի: Լսիր քո ծառափ աղօթքը և նորա խնդրուածքը. լսիր մեղ ամեն ժամանակ՝ թէ գիշեր և թէ ցերեկ: Լսիր այստեղ աղօթող քո իսրայէլ ժողովրդի աղօթքը. ողորմած եղիր դէպի նա նեղութեան ժամանակ, որպէս զի նրանք միշտ երկիւղած լինին և բնակուեն այն երկրում, որը Դու մեր պապերին ես տղւել: Եթէ կը գայ մի այլազգի՝ հեռու. երկրից այս տաճարում աղօթելու, նրան ևս լսիր, Տէ՛ր Աստուած. որպէս զի երկրիս վերայի բոլոր մարդիկը ճանաչեն քեղ և երկիւղունենան քեզնից, քո իսրայէլ ժողովրդի նման: Եթէ քո ժողովուրդը քո դէմ մեղանչի, որովհետև ով իցէ որ ոչ մեղիցէ, և ուղղուած սրտով քեղ դառնայ, նորա խնդրուածն էլ լսիր»:

Աղօթքը վերջացնելուց յիսոյ Սողոմոնը վեր կացաւ սեղանի առաջից և օրհնեց բոլոր իսրայէլի ժողովրդին. թագաւորն ամբողջ ժողովրդի հետ միասին շնորհակալութեան զոհ բերեցին Աստուծուն. Սողոմոնը եօթն օր և եօթն գիշեր տօն կատարեց, իսկ ութերորդ օրը արձակեց ժողովրդին: Ամենքն օրհնում էին թագաւորին և տուն դարձան ուրախ սրտով՝ փառաբանելով Աստուծոյ անունը, որը իսրայէլի ժողովրդին այդպիսի մեծ բարութիւն է արել:

«Տէ՛ր սիրեցի գվայելութիւն տան քո, եւ զտեղի յարկի փառաց քոց»: Սող. իւ. 8.

Աստուած, ես սիրեցի քո տան գեղեցկութիւնը և քո փառքի բնակուելու տեղը:

«Տուր ցիս, որդեակ, զսիրտ քո, եւ աչք քո ճանապարհաց իմոց սպասեսցեն»: Առակ. Սող. իգ. 26.

Սիրտդ ինձ տուր, որդեակ, թոր քո աչքերը իմ ճանապարհին սպասեն:

§ 65.

Սողոմոնի փառքը, ընկնիլը և մահը:

Սողոմոնը եղենու փայտից իւր համար մի տուն շինեց, որի երկարութիւնը 100, լայնութիւնը 50 և բարձրութիւնը 30 կանգուն էր: Այս տան շինութիւնը 30 տարի քաշեց. նրա շուրջը սրահներ շինեց՝ բոլորն էլ եղենու փայտից: Ամուսնացաւ Փարաւոնի աղջկայ հետ և նորա համար ևս մի հոյակապ տուն շինել տուեց՝ քարից և եղենու փայտից: Յետոյ մի սրահ ևս շինեց, ուր և դատում էր ժողովրդին. նոյնպէս շինել տուեց իւր համար փղոսկրեայ դահ՝ պատաճ աղնիւ ոսկով: Թագաւորի խմելու բոլոր բաժաները, նոյնպէս ամանները ոսկուց էին. արծաթը լարգի չէր: Յետոյ Սողոմոնը նաւեր շինել արծաթը լարգի չէր: Յետոյ Սողոմոնը նաւեր շինել տուեց. Քիրամը նորա համար լաւ նաւաստիներ ուղարկեց, որոնք, հասկանում էին այդ արձեստը: Սրանք Սողոմոնի ծառաների հետ նաւումէին և նորա համար ոսկի, արծաթ, փղոսկր, կապիկ և սիրամարգեր էին բերում: Բացի այդ ամենքը բերումէին

թագաւորի համար իրեւ ընծայ ոսկեայ և արծաթեայ
ամաններ, շորեր, գէնքեր, նժոյդներ և ջորիներ:
Այսպէս Սողոմոնը իւր հարստութիւնով և իմաստու-
թիւնով առաջին թագաւորը դառաւ աշխարհիս մէջ,
այնպէս որ ամենքը ցանկանումէին նորան տեսնել և
նորա իմաստութիւնը լսել:

Սաբայի թագուհին, որը Արարիայումն էր բնակ-
վում, մեծ բազմութեամբ՝ ուղտերը բարձած խնկով,
ոսկով և ազնիւ քարերով Սողոմոնի տեսութեան
եկաւ: Թագուհին առաջարկեց այն բոլոր հարցերը,
որոնք նա իւր սրտումն ունէր և բոլորի մեկնութիւնն
էլ ստացաւ. մութը էլ ոչինչ չմնաց նորա համար:
Եթե թագուհին լսեց Սողոմոնի իմաստութիւնը և տե-
սաւ նորա կառուցած տունը, ծառաներին և բոլոր
փառակեղութիւնները, այլևս չկարողացաւ համբերել
և ասաց. «Ինչ որ ես իմ երկրի մէջ լսել էի՞ քո և
քո իմաստութեան մասին բոլորն էլ ուղիղ են: Այս
բաներին ես չէի կամենում հաւատալ, դորա համար
էլ եկայ իմ աչքով տեսնելու. այժմ նկատումեմ, որ
ինձ իմ տեսածի կէսն էլ չեն պատմել, բաղդաւոր են
քո ծառաները, որոնք միշտ քո առաջն են կանդ-
նում և քո իմաստութիւնը լսում: Յետոյ տուեց Սո-
ղոմոնին 110 տաղանդ օսկի, խունկ և պատուական
քարեր: Սողոմոնն էլ տուեց թագուհուն այն բաները,
ինչ որ նա ցանկանումէր և բացի այդ ուրիշ շատ-
ընծաներ: Թագուհին դարձաւ իւր երկիրը:

Բ.

Սողոմոն թագաւորն ունէր շատ օտարազգի կա-
նայք, որոնց թիւը 700-ի էր հասնում: Ֆերութեան

ժամանակ կանայքը փոխեցին Սողոմոնի սիրտը գէպի
օտար աստուածներ, այնպէս որ նորա սիրտը ամբող-
ջապէս ճշմարիտ Աստուածուն չէր նուիրուած: Սողոմոնն
Աստուածուն չէր հետեւում և իւր օտարազգի կանանց
համար Երուսաղէմում տաճարներ շինել տուեց, ուր
նրանք իրանց կուռքերին գոհեր էին մատուցանում և
խունկ ծխում: Այս բանը դուր չեկաւ Աստուածուն, նա
յայտնեց Սողոմոնին առելով. «Որովհետև դու իմ ուխ-
տը և իմ պատուիրանները չպահեցիր, ուստի ես քո
թագաւորութիւնը կիրեմ քեզնից, բայց ոչ կենդա-
նութեանդ ժամանակ, այլ քո որդու. նրանից չեմ խլի
ամբողջ թագաւորութիւնը, այլ մի մասը քո հայր
Գաւթի սիրոյ համար կթողնեմ»:

Սողոմոնի ծառաներից մինը Յերուավամ անու-
նով պատամբեց թագաւորի դէմ. սա մի քաջ և
պատերազմող մարդ էր: Սողոմոնը հրամայեց, որ սպա-
նեն նորան, բայց նա Եգիպտոս փախաւ: Սողոմո-
նը 40 տարի թագաւորեց իսրայէլի ժողովրդի վերայ
և յետոյ մեռաւ ու թագուեց Գաւթի քաղաքում:
Նորա որդի Ռոբոլամը թագաւորեց հօր տեղը:

«Եշխարհս անցանէ՝ եւ ցանկութիւն. իսկ որ առնէ
զկամա Աստուածոյ՝ մնայ ՚ի յաւիտեան»: I. թ. Յովէ,
բ. 17.

Եշխարհս իւր ցանկութիւններով անցուորական է,
իսկ ով որ Աստուածոյ կամքովն է շարժվում, նա յա-
ւիտենականէ մնում:

ԹԱԳԱՌԻՌՈՒԹԵԱՆ ԲԱԺԱՆՈՒՄՆ ԵՒ ՎԵՐՁԸ:
§ 66.

ՅԵՐՈՔՈՎԱՄ և ՈՊԵՐՈՎԱՄ:

ա.

ՈՊԵՐՈՎԱՄը գնաց Սիւքէմ, որովհետև ամբողջ իսուրայէլը այնտեղ էր հաւաքուել՝ նորան թագաւոր օծելու համար: Իսկ ոմանք մարդ էին ուղարկել ՅԵՐՈՔՈՎԱՄին կանչելու: ՅԵՐՈՔՈՎԱՄը և ամբողջ խրայէլը ասացին Թորովամին. «Քո հայրը մեր լուծը շատ ծանրացրեց, մենք այն պայմանով քեզ հալատակ կմնանք, եթէ մեր լուծը թեթևացնեն»: ՈՊԵՐՈՎԱՄը խորհուրդ արեց ժողովրդի ծերերի հետ, որոնք նորա հօր խորհրդականներն էին և ասաց. «Ի՞նչ խորհուրդ էք տալի»: Նրանք պատասխանեցին. «Եթէ դու այսօր լսես այս ժողովրդին և նրանց հետ սիրով խօսես, բարի խոստումներ անես, քանի որ կենդանի ես՝ քեզ հաւատարձութեամբ կծառայեն»: ՈՊԵՐՈՎԱՄը մերժեց ծերերի խորհուրդը և իւր հասակակից ընկերների հետ խորհուրդ կազմեց. նրանք այսպէս խորհուրդ տուին. «Դու ժողովրդին այսպէս պատասխանիր. իմ հայրը ձեզ խարազանով էր պատժում, իսկ ես մտրակով և կարիճով պէտքէ պատժեմ»:

ՈՊԵՐՈՎԱՄը պատասխանեց ՅԵՐՈՔՈՎԱՄին և բալոր ժողովրդին այնպէս, ինչպէս իւր երիտասարդ ընկերներն էին խորհուրդ տուել: Երբ ժողովուրդը նկատեց, որ թագաւորը իրան չի ուզում լսել, ասացին.

«ՄԵՆՔ ինչ գործ ունենք Թաւթի տան հետ. թողի խրայէլը իւր վրանները դառնայ»: Նրանք տուն դարձան և ՅԵՐՈՔՈՎԱՄին թագաւոր օծեցին: Այսպէս խրայէլը բաժանուեց Թորովամից. այլ ևս ոչ ոք չէր լսում Թաւթի տան թագաւորին բացի ԲԵՆՔԻԱՄԻՆի ցեղից:

բ.

ՅԵՐՈՔՈՎԱՄը ամրացրեց Սիւքէմը և իրան մայրաքաղաք դարձրեց: Նա ասումէր. «Եթէ իմ ժողովուրդը Երուսաղէմ գնայ զոհ բերելու Տիրոջ տան մէջ, նորա սիրու կհակուի դէպի Թորովամը, Յուղայի տան թագաւորը և ինձնից կհեռանայ: Թագաւորը խորհուրդ կազմեց, երկու հատ ոսկէ հորթեր շինել տուեց ու ասաց ժողովրդին. «Բաւական է ինչքան Երուսաղէմ գնացիք, ահա ձեր աստուածները, որոնք ձեզ Եգիպտոսից ազատեցին»: Հորթերից մինը ԲԵԹԷԼում իսկ միւսը Թանում նշանակեց և ժողովուրդը յաճախում էր թէ մինի և թէ միւսի մօտ: Թագաւորը մի բլրի վերայ մի մեհեմն ևս շինեց և քըրմեր նշանակեց նրանց պաշտօն մատուցանելու, բայց ոչ ՊԱՒԻ ցեղից: Տօն կատարել տուեց ԲԵԹԷԼում, ինչպէս սովոր էին Յուղայի երկրում. ժողովուրդը պահէր էր պահում ու ծխում հորթի առաջ: Սորա համար ևս Աստուած մարգարէի բերանով յայտնեց նորան ասելով. «Քո տունը կանքաղդացնեմ և քո թագաւորութիւնը կջնջեմ իսպառ»:

Յուղայի տունը ևս սկսեց Աստուծոյ դէմ չարութիւններ գործել. նրանք բարձրաւանդակների վերայ աստուածներ և անտառի կուռքեր շինեցին.

բարձր բլուրների վերայ և կանաչ ծառերի տակ
գործումէին հեթանոսների բոլոր չարութիւնները:
Եղիպտոսի թագաւորը Երուսաղէմի վերայ եկաւ և
Աստուծոյ տան գանձերը տարաւ, նոյնպէս և Ռոբո-
վամ թագաւորի տան հարստութիւնները ու այն
ամենը՝ ինչ որ գին ունէք: Ռոբովամը և Յերոբովամը
իրանց ամբողջ կեանքում պարապած էին ներքին
պատերազմներով:

Միութիւնը գօրութիւն է:

«Երդարութիւն զազգ բարձրացուցանէ, նուազե-
ցուցանեն զազգս մեղք»: Առակը. ժգ. 34.

§ 67.

Եղիա:

ա.

Իսրայէլի թագաւորներից մինի անունն էր Աքա-
ար: Նա ամուսնացաւ Սիդոն քաղաքի թագաւորի
աղջկայ՝ Յեղաբելի հետ և նրանց Բահալ կուռքին եր-
կըրպագութիւն էր անում: Սամարիայում կուատուն
էլ շինեց. իւր վատ գործերով իրանից առաջ եղած
իսրայէլի բոլոր թագաւորներից առաւել բարկացրեց
Աստուծուն: Յեղաբելը խեղիել տուեց բոլոր մարդա-
րէներին: Այս ժամանակ Եղիա մարգարէն եկաւ Աքա-
արի մօտ և ասաց. «Այս տարի ոչ անձրւ և ոչ ցօղ
կիշնի երկնքից»:

F.

Աստուծուծ ասաց Եղիային. «Գնա՞ Քիրիտ հեղե-
ղատը. այնտեղ ջուր կխմես, իսկ ագռաւներին հրա-

մայել եմ որ քեզ կերակրեն»: Նա լսեց Տիրոջ խօսքին
և դնաց. ագռաւները նորա համար հաց և միս էին
բերում, իսկ ջուրը հեղեղատիցն էր խմում: Մի քանի
օրից յետոյ հեղեղատի ջուրը ցամաքեց, որովհետեւ
անձրւ չէր գալիս երկրի մէջ: Աստուծուծ ասաց նո-
րան. «Վեր կաց և գնա Սարիպտա, այնտեղ մի որբ-
եալը կնոջ հրամայել եմ, որ քեզ կերակրէ»:

Եղիան վեր կացաւ և երբ քաղաքի դրանը հա-
սաւ, տեսաւ մի որբեալը կին, որ փայտ էր հաւա-
քում: Եղիան ասաց. «Խնդրեմ ինձ համար փոքր ինչ
ջուր բեր, որ խնեմ, նոյնպէս պատառ հաց»: Կինը
պատասխանեց. «Աստուծոյ անունը վկայ լինի, որ մի
բուռը ալիւրից և մի քիչ իւղից աւելի ոչինչ չունիմ.
ահա այս փայտերը տանում եմ որ հաց թիւն, ես և
իմ միակ օրդին ուտենք, որ չմեռնենք»: Եղիան
ասաց նորան. «Գնա՞ մի վախենար, պատրաստիր քեզ
համար էլ, ինձ համար էլ, որովհետեւ Աստուծուծ այս-
պէս է ասում. քո տաշտից ալիւրը և ամանից իւղը
չափակի մինչեւ այն օրը, երբ Աստուծուծ անձրւ
կուղարկէ»: Կինը գնաց և այնպէս էլ արեց, նա կե-
րաւ, նմանապէս կինը և իւր օրդին: Տիրոջ ասածին
համաձայն՝ տաշտից ալիւրը և ամանից իւղը երբէք
չպակասեց:

Պ.

Սովի երրորդ տարին Աստուծուծ ասաց Եղիա-
յին. «Գնա՞ Աքաարի մօտ և ասա որ անձրւ պիտի
թափեմ երկրիս վերայ»: Եղիան գնաց: Երբ Աքաարը
Եղիային տեսաւ, ասաց. «Այդ գու ես, իսրայէլի
խանգարիչ»: Եղիան ասաց. «Ես չեմ իսրայէլին խանգա-

ըողը, այլ դու և քո տունը, որովհետեւ դուք Աստուծոյ պատուիրանները բարձի թողի էք արել — Բահաղին էք լսում; Մարդ ուղարկիր և ժողովրդեան կարմելոս լեռան վերայ հաւաքել տուր՝ նոյնպէս բահաղի 450 մարդարէներին»։ Այդպէս էլ արեց Աքաարը։ Այն ժամանակ Եղիան ժողովրդեան առաջ դուրս եկաւ և ասաց. «Մինչև Երբ պիտի կաղաք երկու կողմի վերայ, եթէ Աստուածը Եհովան է, գնացէք նորա յետելց, իսկ եթէ Բահաղին է՝ նորան լսեցէք»։ Ժողովուրդը ոչինչ չպատասխանեց, Եղիան շարունակեց. «Միայն Եհովայի մարդարէներից ես եմ մնացել, իսկ Բահաղինը՝ 450 են։ Արդ՝ թող մեզ երկու եզր տան, մինը սորանք վերցնեն, կոտորեն, դնեն փալտերի վերայ առանց կրակի, իսկ միւսն էլ ես կվերցնեմ և նոյնպէս կը վարուիմ։ Յետոյ դուք ձեր Աստուծոյ անունը տուէք, իսկ ես Եհովայինը։ Այն Աստուածը, որը կրակով պատասխան կտայ, ահա նա է ճշմարիտ Աստուածը։ Բոլոր ժողովուրդը պատասխանեց. «Ճատ իրաւացի խօսք է»։

Բահաղի քուրմերը վեր առան մի եղը և այնպէս արին, ինչպէս որ ասած էր ու սկսեցին առաւտից մինչև կէս օր Բահաղի անունը տալ և ասել. «Ո՛վ Բահաղ, պատասխան տուր»։ Բայց ոչ մի պատասխան չկար։ Եղիան ծաղրում էր նրանց և ասում. «Բարձր ձայնով կանչեցէք, գուցէ նա զբաղուած է կամ ճանապարհորդութիւն է անում, շատ կարելիէ քնած է»։ Նրանք սկսեցին ևս աւելի բարձրաձայն աղաղակել. մարմինները սրով կտրատել, բայց ոչ մի պատասխան չէին ստանում։ Եղիան ասաց բոլոր ժողովրդին. «Եկէք ինձ մօտ»։ Նա սեղան կազմեց շուրջը

փոս փորեց. սեղանի վերայ փայտեր դարսեց. եզր կտրատեց, և դարսեց փայտերի վերայ։ Երեք անգամ ողջակիզի փայտի վերայ ջուր ածել տուեց, այնպէս որ փոսը ծովի պէս ջրով լցուեց։ Արանից յետոյ եկաւ Եղիան և ասաց. «Ո՛վ Աքրահամի իսահակի և իսրայէլի Աստուած, ցոյց տուր այսօր, որ դու ես իսրայէլի Աստուածը, իսկ ես՝ քո ծառան. լիբր Աստուած, լիբր ինձ. թող այս ժողովուրդն իմանայ, թէ դու ես Տէր Աստուածը և յետ դառնայ»։ Իսկոյն կրակ ընկաւ երկնքից և այրեց ողջակէզը։ Բոլոր ժողովուրդը երեսի վերայ ընկաւ և ասաց. «Եհովան է ճշմարիտ Աստուածը, Եհովան է ճշմարիտ Աստուածը»։ Եղիան պատասխանեց. «Բահաղի մարդարէներին բռնեցէք, որ չփախչեն»։ Բռնեցին և Կիսոն հեղեղատի մօտ սպանեցին։ Եղիան ասաց Աքաարին. «Լծիր կառքդ և վայր իջիր, որ անձրել քեզ չժրջէ»։ Իսկոյն քամի փեց. երկինքը ծածկւեց սև ամպով և յորդ անձրեւ եկաւ։

գ.

Աքաարը պատմեց Յէզարելին այն ամենը, ինչ որ Եղիան արեց. Յէզարելը գեսպան ուղարկեց Եղիայի մօտ, որ ասեն. «Աստուածները ինձ թող պատժեն, եթէ քեզ էլ այնպէս տպանել չտամ, ինչպէս դու Բահաղի քուրմերին անել տուիր»։ Եղիան փախաւ Յուղայի անապատը. նստեց մի ծառի տակ և ասաց. «Բաւական է, Տէր Աստուած, առ իմ հոգին. ես իմ հայրերից լաւը չեմ»։ Նա պառկեց այնտեղ և քնեց. Յետոյ վեր կացաւ 40 օր ճանապարհ գնաց մինչև Աստուծոյ լեաուը՝ Քորէբ և այնտեղ մի այրի մէջ ապրումէր։ Աստուած ասաց

նորան. «Ի՞նչ ես անում այստեղ, Եղիա»: Նա պատասխանեց. «Ես քո անուանը նախանձախնդիր եղաք, որովհետև իսրայէլի որդիները մոռացել էին քո ուխտը. մոռացել, կործանել էին քո անունով շինած սեղանները. քո մարգարէներին սրով կոտորեցին. Ես միայն ազատուել եմ. նրանք իմ կեանքիս յետևիցն էլ են ընկել»: Աստուած ասաց. «Գուրս արի, բարձրացիր լեառը: Եւ ահա Աստուած անցաւ նորա մօտովը: Մեծ փոթորիկ բարձրացաւ, լեռները և ապառաժները քիչ մնաց խորտակէր, բայց Աստուած հողմի մէջը չէր: Հողմից յետոյ երկրաշարժ եղաւ, Աստուած երկրաշարժի մէջ էլ չէր: Երկրաշարժից յետոյ կրակ եղաւ, բայց Աստուած կրակի մէջն էլ չէր. իսկ կրակից յետոյ մի մեղմ և բարակ ձայն լսուեց: Այն ժամանակ Եղիան ծածկեց երեսը և Աստուած ասաց նորան. «Դարձիր յետ անապատի միջով և Յեռին իսրայէլի վերայ թագաւոր օծիր, իսկ Եղիսէին՝ մարգարէ քո փոխարէն: Իսրայէլի մէջ դեռ 7,000 հոգի ունիմ, որոնք բահաղի առաջ ծունը չեն դնում:

Եղիան գնաց և Եղիսէին գտաւ վար անելիս: Նա իւր վերարկուն նորա վերայ ծածկեց: Եղիսէն թողեց եղները. համբուրեց հօրն ու մօրը, և գնաց Եղիայի յետևից ու ծառայում էր նորան:

«Երանի հեղոց՝ զի նոքա ժառանգեսցն զերկիր»
Մատ. Ե. 5.

«Զի զոր սիրէ, Տէր, իսրատէ»: Ն. ա. Եբր. ԺԲ. 6.

«Ոռ յԱստուծոյ ամենայն ինչ զօրաւոր»: Մատ.
ԺԲ. 26.

Աստուծոյ մօտ ամեն բան կարելի է:

§ 68.

Աքաաբը մեղանչումե Նաբովթի դէմ և Եղիայի մահը:

ա.

Յեղրայելացի Նաբովթը Աքաաբի պալատի մօտ մի այգի ունէր: Մի անգամ Աքաաբն ասաց Նաբովթին. «Քո այգին ինձ տնը, ես կամենումեմ ինձ համար պարտէզ շինել, որովհետև իմ պալատին մօտիկ է, իսկ դորա փոխարէն ես քեզ կամ մի ութիշ աւելի լաւ այգի կտամ և կամ ինչ որ արժէ, կվճարեմ»: Նաբովթը պատասխանեց. «Աստուած մի արասցէ, որ իմ հայրենի ժառանգութիւնը քեզ տամ»: Աքաաբը բարկացած տուն վերադարձաւ, անկողին մտաւ և ոչինչ չէր ուտում: Նորա կին Յեղաբելը հարցրեց նորա տիրութեան պատճառը և նա պատմեց նորան ըոլորը: Յեղաբելն ասաց. «Այդպէս ես գուխրայէլի վերայ թագաւորում. վեր կաց և կեր. Յեղրայելացի Նոբովթի այգին քոնն է»: Կինը իսկոյն նամակ գրեց Աքաաբի անունով և կնքով նոյն քաղաքի մեծամեծներին և ծերերին ու պատուիրումէր նրանց ասելով. «Երկու անօրէն մարդու հրամայեցէք, որ վկայութիւն տան, թէ Նաբովթը Աստուծուն և թագաւորին հայկոյումէր. յետոյ նորան քաղաքից դուրս տարէք և քարկոծեցէք»: Փաղաքի մեծամեծ-

ները և ծերերը այդպէս էլ արին։ Երբ Յեղաբելը նա-
րովմի քարկոծուելը լսեց, ասաց Աքաաբին. «Վեր
կաց, ժառանգիր յեղայելացի Նաբովմի այդին, նա
այլես կենդանի չէ»։ Աքաաբը այդին իջաւ և ժա-
ռանգեց նրան։

Աստուած ասաց Եղիային. «Վեր կաց, գնա Աքա-
աբի մօտ և ասա. «Որովհետե դու Նաբովմին սպա-
նել տուիր և նորա այգին ժառանգեցիր, դորա փո-
խարէն՝ այնտեղ ուր շները Նաբովմի արիւնը լիզե-
ցին, քո արիւնը կլիզեն և Յեղաբելի մարմինն էլ
քաղաքի պարիսպների վերայ կուտեն»։

Այս բանից երեք տարի յետոյ՝ Աքաաբը պա-
տերազմ ունեցաւ ասորւոց հետ։ Մի մարդ լարեց իւր
աղեղը, խփեց թագաւորին. նետը զրաշիցն անցաւ և
արիւնը սկսեց հոսել։ Կառքը արիւնով լքցուեց։ Թա-
գաւորը մեռաւ երեկոյեան. նորա մարմինը Սամարիա
բերին։ Երբ կառքը աւագանի մօտ հասաւ և լուա-
նումէին՝ շները լիզումէին նորա արիւնը։ Այսպէս
կատարուեց Տիրոջ իսուքը։

Մի տարուց յետոյ Յէուն թագաւորեց Խորայէլի
վերայ և իւր բանակով տեղափոխուեց Յեղայել քա-
ղաքը. Յեղաբելը զարդարուած՝ պատուհանից դուրս
էր նայում։ Յէուն ասաց իւր ծառաներին. «Վայր
ձգէք դորան»։ Երկու մարդ թագուհուն վայր ձգե-
ցին, այնպէս որ նորա արիւնով ներկուեցին պատը և
ձիաները, որոնք ոտի տակ առին և յետոյ շները կե-
րան նորա մարմինը։ Յէուն ջնջել տուեց Աքաաբի
տան բոլոր ժառանգներին։

Եղիան ասաց իւր մահուան օրերը. նա ասաց
Եղիսէին. «Մնա այստեղ, Աստուած ինձ Յորդանան է
ուղարկում»։ Եղիսէին ասաց. «Վկալ լինի կենդանի
Աստուածը, որ քեզնից չեմ բաժանուի»։ Այն ժամանակ
երկուսն էլ գնացին Յորդանան։ Եղիան ասաց Եղի-
սէին. «Մահուանիցս առաջ խնդրիք, ինչ որ կամե-
նումն»։ Եղիսէին պատասխանեց. «Թողքու հոգին
կրկնապատիկ իջնի իմ վերայ»։ Եւ երբ նըանք միա-
սին գնումէին, երկնքից հրեղէն կառք իջաւ՝ հրեղէն
ձիաներ լծած. Եղիան մէջը նստեց. մըրթկը նորան
երկինք բարձրացրեց։ Եղիսէին նայում էր նորա յե-
տեւից և աղաղակում. «Հայր, հայր, կառքու իսրայէլի
և հեծեալք նորա» և նորան այլ ևս չտեսաւ։

«Որ զրպարտէ զտնանին, բարկացուցանէ զարա-
րին նորա»։ Գիրք առակաց ծդ. 31.

Աղքատին նեղողը՝ նորա Երարշին է անարգում։

«Մի խաբիք, Աստուած ոչ արհամարհի. զի զոր ինչ
սերմանէ մարդ, զնոյն եւ հնձեսցէ»։ Թ. ա. Գաղ. գ. 7.

Մի խաբուիք, Աստուած թոյց չի տայ արհամարհել,
որովհետե...

§ 69.

Խորայէլի և Յուղայի թագաւորութեան կործանումը:

ա.

Խորայէլի որդիքը յաճախ մեղանչում էին Աստու-
ծոյ դէմ և հեթանօսական կեանք վարում։ Նըանք
բոլոր քաղաքներում կռատուններ էին շինել. Բահա-

զին երկրպագութիւն էին տալի. հաւատում էին վհուկ-ներին և կախարդներին ու նոցա հետ ամեն տեսակ-չարութիւններ գործում: Աստուած մարդարէի բերանով յայտնում էր նրանց ասելով. «Թողէք ձեր չարութիւնները, հեռացէք նրանցից և հետևեցէք իմ պատուիրաններին», բայց նրանք երբէք ուշք չէին դարձնում այս խօսքերին, արհամարհում էին նորա պատուիրանները և մոռանում այն դաշը, որը Աստուած նրանց պապերի հետ կապել էր: Այն ժամանակ Աստուած էլ աչքից ձեռց նրանց, ինչպէս և յայտնել էր մարդարէի բերանով:

Իսրայէլի վերջին թագաւորն եղաւ Ռփոէն: Սա ևս Աստուածոյ ճանապարհով չգնաց: Ասորեստանի Սաղմանասար թագաւորը սորա գէմ պատերազմի դուրս եկաւ: Ռփոէն յաղթուեց, հպատակ դարձաւ և հարկ էր վճարում նորան: Բայց որովհետև նա Եղիպտոսի թագաւորի հետ դաշն էր կապել և տարեկան հարկը կանոնաւոր կերպով չէր ուղարկում Ասորեստան, ուստի Սաղմանասարը Իսրայէլի թագաւորութեան վերայ եկաւ և Սամարիան երեք տարի շարունակ պաշարեց: Յետոյ քաղաքն առաւ և իսրայէլացից գերի տարաւ Ասորեստան: Նա իւր երեց բազմաթիւ հեթանոսներ բերել տուեց և Սամարիայի քաղաքներում բնակեցրեց: Երկրի մէջ իսրայէլացիք ևս մնացել էին, որոնք Տիրոջը հաւատում-էին: Հեթանոսները խառնուեցան այս իսրայէլացիների հետ և սոցանից յառաջացաւ Սամարիայի կոչուած ժողովուրդը, որոնք աղօթում էին Տիրոջը, բայց միւնոյն ժամանակ պաշտում էին և օտար աստուածներ:

բ.

Երբ որ Սաղմանասարը իսրայէլի թագաւորութեանը վերջ դրեց, կործանեց, Յուդայի տան վերայ թագաւորում էր Եղեկիան: Սա Աստուածոյ ճանապարհովն էր գնում և այն էր անում, ինչ որ Աստուածուն հաճելի էր: Նա կործանեց կռքերի սեղանները և բաց արեց Տիրոջ տան դռները, որոնց իւր հայրը կողպել էր տուել. պատուիրեց Աստուածոյ տունը մաքրել և սրբել: Դեսպաններ ուղարկեց Իսրայէլի և Յուդայի տէրութեան մէջ և հրաւիրում էր ամենքին Երուսաղէմ Պասէքի տօնը տօնելու, որ վաղուց չէին կատարել: Նա զեսպանների բերանով յայտնեց. «Ով իսրայէլացիներ, դարձէք դէպի ձեր Աստուածը. նա ողորմած է. նա բարի է. նա իւր երեսը ձեզանից չի դարձնի, եթէ դուք նրան դառնաք»: Մեծ բազմութիւն հաւաքուեց Երուսաղէմում, իսրայէլի թագաւորութիւնից ևս մարդիկ էին եկել: Այսոեղ բազմութիւնն ինքը կործանեց Բահաղի սեղանը և Կեղրոնի ձորակը գլորեց ու եօթն օր շարունակ Պասէքի տօնն էին կատարում: Սողոմոնի օրից մինչև այսօր այսպիսի ուրախութիւն չէր տեսնուած Երուսաղէմում: Այսպէս Եղեկիան Աստուածոյ ճանապարհովն էր գնում և Աստուած էլ միշտ նորա հետն էր: Ասորեստանի նոր թագաւորը՝ Սենեքերիմը սորանից յետոյ Յուդայի թագաւորութեան վերայ եկաւ, վերցրեց շատ քաղաքներ և պաշարեց Երուսաղէմը: Դեսպանի բերանով քաղաքի պարիսպների վերայ գրտնուող մարդկանցը յայտնեց. «Ասորեստանի մեծ թագաւորի խօսքին լսեցէք՝ Եղեկիային մի հաւատացէք,

որ ասումէ թէ Աստուած մեզ կազատէ. եթէ նորա Աստուածը ազատող լինէր ինչու երկիրը չազատեց Ասորեստանի թագաւորի ձեռքից»: Երբ Եղեկան այս բանը լսեց, պատառեց շորերը, գնաց Տիրոջ տունը և մարդ ուղարկեց Եսայի մարգարէի մօտ ասելու. «Հեթանոսների թագաւորը նախատումէ կենդանի Աստուծուն, աղօթիք մեզ համար»: Եսային պատասխան ուղարկեց ասելով. «Մի վախենար, որովհետև Աստուած այսպէս է ասում Ասորեստանի հեթանոս թագաւորի մասին. նա քաղաք չի մտնի, այլ կդառնալ այն ճանապարհով, որով եկել է»: Սյու մի և նոյն գիշեր Աստուծոյ հրեշտակը ասորեստանցւոց բանակից 185,000 մարդ կոտորեց: Սենեքերիմը յետ գարձաւ նինուէ:

Եղեկիայի որդի Մանասէն շեղուեց կրկին Աստուծոյ ճանապարհոց. սկսեց կուռքերին երկրպագութիւն տալ և Տիրոջ տաճարի մէջ Բահազի համար սեղաններ շինեց. նա պահում էր կախարդներ և հմայողներ, որոնք ժողովրդին գալթակեցնումէին և այսպէս Աստուծուն աւելի էին բարկացնում՝ քան թէ հեթանոսները: Մանասէն շատ անմեղների արիւն ևս թափեց: Մարգարէի բերանով նորան ասաց. «Եսայնպիսի չարիք պիտի բերեմ Երուսաղէմի և Յուդայի տան վերայ, որ լսողի ականջները ձախն տալ»:

Սորանից յետոյ Յուդայի տան թագաւորները, մինը միւսից վատ եղան: Յուվակիմը, որը Յուդայի թագաւորներից մինն էր, նմանապէս չար ճանապարհով գնաց: Սորա ժամանակ Բաբելոնի Նարուգոդոնուր թագաւորը պաշարեց Երուսաղէմը. թա-

գաւորն անձնատուր եղաւ: Նաբուգոդոնոսորը վեր առաւ թէ տաճարի և թէ պալատի գանձերը, բոլոր իշխաններին, հիւներին և դարբիններին գերի տարաւ, նմանապէս թագաւորին իւր ընտանիքով գէպի Բաբելոն, մնացին միայն աղքատները, իսկ Սեղեկիային թագաւոր գրեց Յուվակիմի տեղ:

Սեղեկիան ևս Աստուծոյ ճանապարհով չգնաց. նա ապստամբուեց Նաբուգոդոնոսորի գէմ: Բաբելոնի թագաւորը երկրորդ անգամ եկաւ Երուսաղէմի վերայ իւր բոլոր գօրութեամբ. նա քաղաքի շուրջը պարիսպ կառուցեց ու պաշարեց մի և կէս տարի: սովը սաստկացաւ քաղաքում: Սեղեկիան և իւրայինները գիշերով փախան քաղաքից, բայց թշնամիները բռնեցին և Նաբուգոդոնոսորի մօտ տարան, որը նորա գտաստանը կտրեց: Սեղեկիայի որդւոց իւր աչքի առաջ մորթեցին, իրան կուրացըին, շրդթաներով կապեցին և Բաբելոն տարան:

Միւնոյն գիշերը, երբ Սեղեկիան փախաւ, թշնամիները մտան Երուսաղէմ. կոտորեցին բնակիչներին, կողոպտեցին բոլորին. ալրեցին Տիրոջ տաճարը, թագաւորի պալատը և քաղաքի պարիսպներն էլ կործանեցին ու գետնին հաւասար դարձրին: Մնացած ժողովուրդը և բոլոր գանձերը Նաբուգոդոնոսորը Բաբելոն տանել հրամացեց: Այսպէս Յուդայի տունը կործանուեցաւ:

«Արդարութիւն զազդ բարձրացուցանէ, նուազեցուցանեն զազդս մեղք». Առակը Սող. ժղ. 34.

«Մէր յախտենական սիրեցի զքեզ, վասն այնորիկ ձեցի զքեզ ի գթութիւն»: Երեմիա. լա. 3.

Յաւիտենական սիրով սիրեցի քեզ, դորա համար էլ քեզ ինձ մօտ քաշեցի:

§ 70.

**Բարելոնի գերութիւնը և սորա
վախճանը.**

ա.

Նաբուգոմոսոր թագաւորը հրամայեց, որ իսրայէլացիներից այնպիսի երեխաներ ընտրեն, որոնք արատ չունենան—գեղեցկարէմ լինին և ընդունակ թագաւորին ծառայելու և միևնույն ժամանակ քաղդէացոց գիրն ու լեզուն սովորեն: Սրանց թուի մէջն էր Գանիէլը իւր երեք ընկերներով: Թագաւորը հրամայեց իւր սեղանից կերակրեն նրանց և իւր խըմած գինուցը խմեցնեն: Բայց Գանիէլը և երեք ընկերները որոշեցին չուտել թագաւորի սեղանի կերակուրներից, որովհետեւ Մովսէսի օրէնքին հակառակ էր, ուստի խնդրեցին թագաւորի ներքինապետին, թոյլ տալու իրենց միայն կանաչեղէն ուտել և ջուր խմել: Ներքինապետը տասն օր ժամանակ տուեց նրանց փորձելու համար և տեսաւ որ աւելի գեղեցիկ դարձան՝ քան թէ թագաւորի սեղանից ուտողները: Աստուած իսրայէլի մանուկներին հանձար և իմաստութիւն, իսկ Գանիէլին երազ մեկնելու շնորհ պարգևեց: Նաբուգոգոնոսոր թագաւորը մի քանի ժամանակից յետոյ հարց ու փորձ արաւ, խօսեցրեց և նկատեց որ նրանք տասն անգամ հանձարեղ, իմաստուն են ամեն բանի մէջ, քան թէ իւր ամբողջ

թագաւորութեան մէջ եղող աստեղագէտները և մոգերը: Թագաւորը Գանիէլին և նորա երեք ընկերներին Բաբելաստանում մեծ պաշտօններ յանձնեց:

Դորանից յետոյ Նաբուգոգոնոսոր թագաւորը մի ոսկէ արձան շինել տուեց. կանչեց իւր մեծամեծներին և Բաբելոնի ժողովրդին ու ասաց. «Եթէ դուք փողի ձայնը լուէք, այս ոսկէ արձանի առաջ պէտքէ չողէք և երկրպագութիւն տաք, իսկ ով որ չի հնագանդի, իսկոյն կձգուի կրակով բորբռքած հնոցի մէջ»: Փողը փշելուն պէս՝ ամենքն էլ վայր ընկան գետնի վերայ և ոսկէ արձանին երկրպագութիւն տուին: Մի քանի քաղդէացիներ գանգատուեցին թագաւորին Գանիէլի երեք ընկերներից և ասացին. «Սրանք անպատճում են քո հրամանը և կանգնեցրած ոսկէ արձանիդ երկրպագութիւն չեն տալի»: Նաբուգոդոնոսորը բարկացաւ—կանչել տուեց երեքին էլ և ասաց. «Եթէ դուք այս արձանին երկրպագութիւն չէք տայ, իսկոյն ձեզ կձգեն կրակով բորբռքուած հնոցի մէջ, տեսնեմ այն որ Աստուածն է, որ ձեզ իմ ձեռքից պէտքէ ազատէ»: Նրանք պատասխանեցին. «Մեր Աստուածը մեզ կազատէ և եթէ չկամենայ ազատել, իմացած եղիք, որ մենք քո արձանին դարձեալ երկրպագութիւն չենք տալ»:

Նաբուգոդոնոսորն աւելի ևս բարկացաւ. Հրամայեց հնոցի կրակը ևս առաւել սաստկացնեն. կապել տուեց շորերով երեքին էլ և բարբռքուած հնոցի մէջ ձգեց: Թագաւորը նայեց նրանց վերայ, զարկուրեց, հարցրեց իւր խորհրդականին և ասաց. «Ձէ

որ մենք երեք մարդ կապած ձգեցինք հսոյի մէջ,
ես չորսն եմ տեսնում. նրանք ազատ ման են գալի
կրակի մէջ և անվնաս են, իսկ չորրորդի կերպարանքը
աստուածների որդւոց կերպարանքի նման է»: Թա-
գաւորը հնոցին մօտեցաւ և ասաց. «Ո՞վ Աստուծոյ
ծառաներ, դուրս եկէք»: Դուրս եկան կրակի միջից.
կրակը նրանց մի մազն էլ չէր այրել և ոչ շորերը
խանձել: Նաբուգոդոնոսորը պատաժանեց. «Որհնեալ
է այն Աստուածը, որը ուղարկեց իւր հրեշտակին և
ազատեց իւրան վերայ լուս դնող ծառաներին: Այսու-
հետեւ իմ հրամանն այսէ—ով որ այս մարդկանց
Աստուծուն անպատուէ, կտոր—կտոր կլինի»: Թա-
գաւորը մեծ լշխանութիւն տուեց երեքին էլ Բա-
բելոնի գաւառումը:

գ.

Մի անգամ Նաբուգոդոնոսոր թագաւորը երադ
տեսաւ: Երբ քնից զարթեց խիստ փախեցաւ: Կանչել
տուեց բոլոր մողերին, հմայողներին և կախարդներին,
որ երազը մեկնեն. նրանք ասացին թագաւորին,
«Պատմիր մեզ քո երազը, որ մեկնենք»; Իսկ թագաւորը
պատասխանեց. «Երազը մոռացել եմ, եթէ դուք չէք
դտնի և չէք մեկնի, ամենքդ էլ մահու պատիժ
կստանաք»: Նրանք պատասխանեցին. «Երկրիս վե-
րայ մարդ չկայ, որ թագաւորի պահանջածն իմանայ,
այդ անկարելի բան է»: Թագաւորը խիստ բարկա-
ցաւ և հրամայեց Բաբելոնի բոլոր խստանուներին
կոտորեն: Երբ Դանիէլն այս վճիռն իմացաւ, խնդրեց
որ իրեն ժամանակ տան. տուն գնաց և իւր ընկեր-
ների հետ աղօթում էր Աստուծուն: Դիշերուայ

գաղտնիքը տեսիլքում յայտնուեց Դանիէլին: Դա-
նիէլն օրհնում էր և փառաբանում Աստուծոյ անու-
նը: Դորանից յետոյ շտապով գնաց թագաւորի մօտ
և ասաց. «Այն գաղտնիքը, որը թագաւորը պահան-
ջում է իմաստուններից, միայն երկնքի Աստուածը
կարողէ յայտնել և նա յայտնումէ թէ ինչ պիտի
պատահէ ապագայում. Ո՞վ թագաւոր, դու երազում
տեսել ես մի մեծ արձան. Նորա զլուխը մաքուր
ոսկուց էր, կուրծքը և բազուկները արծաթից, մէջքն
ու երանքները պղնձից, սրունքները երկաթից, ոտ-
ների մէկ մասը երկաթից, իսկ միւս մասը կաւից:
Մի քար պոկուեց առանց ձեռքի, դիպաւ արձանի
ոտներին և կրտրատեց: Այնժամանակ փշրուեցան
երկաթը, կաւը, պղնձը, արծաթը, ոսկին և անյայ-
տացան, իսկ այն քարը մեծացաւ լերան չափ և
լքցրեց բոլոր երկիրը: Սա երազն է. այժմ մեկնու-
թիւնը—դու թագաւորների թագաւորն ես, դու ես
այն ոսկէ զլուխը, քեզանից յետոյ ուրիշ թագաւորու-
թիւն կգայ, որը քո թագաւորութիւնից ստոր կլի-
նի. յետոյ երրորդ թագաւորութիւնը կգայ, որը
պղնձիցն է: Զորրորդը երկաթի նման խիստ կլինի և
ամեն բան կփշրէ, կջարդէ—սա էլ մասամբ զօրեղ և
մասամբ թոյլ կլինի: Այդ ժամանակներումն Աստուած
երկնքիցը մէկ թագաւորութիւն կլարուցանէ որ
կփշրէ, կվերջացնէ այս բոլոր թագաւորութիւնները.
այն թագաւորութեանը յաւիտեան վերջ չի լինի:
Նաբուգոդոնոսորը երեսի վերայ ընկաւ և ասաց. «Յի-
րաւի, որ Զեր Աստուածն է աստուածների Աստուածը,
թագաւորների տէրը և գաղտնիքներ յայտնողը»:

Թագաւորը Գանիէլի աստիճանը բարձրացրեց և
շատ պարզեներ տուեց ու նորան իշխան նշանակեց
Բարելոնի ամբողջ գաւառի վերայ, այս իշխան քա-
ղաքի բոլոր խմաստունների վերայ:

գ.

Երբ Բաղդասարը Բաբելոնի վերայ թագաւոր էր,
պարսից Կիւրոս թագաւորը պաշարեց քաղաքը իւր
բոլոր զօրութեամբը և կամենումէր առնել: Այդ մի-
ջոցին Բաղդասար թագաւորը մեծ խնջուք ունէր, ուր
հրաւիրուած էին իւր թագաւորութեան բոլոր մեծա-
մեծները: Ճաշի ժամանակ հրամայեց, որ Նաբուգո-
դոնոսորի ձեռքով Երուսաղէմից գերի բերուած ոսկեայ
սրբազան անօթները բերեն և նորանցով զուարճա-
նան: Երբ բերին, սկսեցին խմել՝ թէ իւր մեծամեծ-
ները և թէ կանաչքը: Գինին խմումէին և գոհանում
ոսկեայ, արծաթեայ, պղնձեայ, երկաթեայ, փայտեայ
և քարէ չաստուածներից: Կոյն ժամուն երևեցան մար-
դու ձեռքի մատներ, որոնք զրումէին արքունի դահ-
լիճի պատի վերայ: Երբ թագաւորը ձեռքը նկատեց,
դոյնը փոխվեց. ոտներն սկսեցին դողդողալ. թագա-
ւորն իսկոյն պահանջեց մողերին: Մողերը եկան, բայց
նրանցից և ոչ մինը կարողացաւ կարդալ և մեկնել:
Այս բանից թագաւորն աւելի վախեցաւ. ահը պատեց
մեծամեծներին: Թագուհին պատմեց թագաւորին
խմաստուն Գանիէլի մասին, որին իսկոյն կանչեցին:
Գանիէլն ասաց թագաւորին. «Որովհետեւ դու մեծա-
մեծեցիր և արհամարհեցիր երկնից Աստուծուն, դորա
համար ևս նա այդ ձեռքը և այդ գիրն է ուղար-
կել: Գրուածքն այս է—մանէ, թեկեղ ու փարէս,

այսինքն, չափեցի, կշռեցի և բաժանեցի: Քո թա-
գաւորութեան օրերը չափած են. քեզ կշռեցին և
թեթև գտան. քո թագաւորութիւնը կբաժանուի և
պարսիկներին կտրուի:

Այդ միևնույն գիշերում Բաղդասար թագաւորն
սպանուեց. պարսից Կիւրոսն առաւ քաղաքը և բա-
բելացւոց թագաւորութեանը տիրեց:

ե.

Կիւրոսի թագաւորութեան առաջին տարին Աս-
տուած զարթեցրեց թագաւորի սիրտը, այսպէս որ
նա հրաման հանեց ամբողջ թագաւորութեան մէջ՝
ասելով. «Երկնքի Աստուածը՝ Եկովան ինձ է տուել
բոլոր թագաւորութիւնները, նա հրամայեց որ Երու-
սաղէմումն իրա համար մի տուն շինեմ: Այժմ ձեզա-
նից ով իրան՝ նորա ժողովուրդն է համարում, թող
Երուսաղէմ գնայ և Աստուծոյ տունը կառուցանէ: Այն
ժամանակ վեր կացան Յուղալի և Բենիամինի տան
տոհմապետները, քահանաները և զետացիները—առ
հասարակ այն անձինքը, որոց հոգին Աստուած զար-
թեցրեց, իսկ նրանք, որոնք չկարողացան դառնալ,
տուեցին գնացողներին արծաթեայ և ոսկեայ անօթ-
ներ և ուրիշ ստացուածներ: Կիւրոս թագաւորն էլ
գուրս հանեց Տիրոջ տան անօթները, որոնք Նաբու-
գոդոնոսորը գուրս էր բերել Երուսաղէմիցը: Հայրե-
նիք դարձողների թիւը 42,000-ից աւելի էր, ՚ի բաց
առեալ նոցա ծառաները և աղախինները: Կորանց
առաջնորդներն էին Զօրաբարէլը, որը Գաւթի տանիցն
էր, Յեսուն և քահանայապետը: Երուսաղէմ հասնե-
լուն պէս սեղան կազմեցին և զոհ էին մատուցանում

Աստուծուն: Երկրորդ տարին սկսեցին արդէն տաճարը կառուցանել: Հիմք ձգելիս քահանաներն զգեստաւորած էին և փողեր ունեին. դետացիները ծնդղաներով օրհնում, փառաբանումէին Աստուծուն Թաւթի երգերով: Ամբողջ ժողովուրդը երգումէր նրանց հետ, ամենքը գովում և օրհնաբանումէին Տիրոջը, որ նա բարի է, որ նորա ողորմութիւնը յաւիտեան է իսրայէլի վերայ: Իսկ ծերերից շատերը, որոնք հին տաճարը տեսել էին, դառնապէս լաց էին լինում:

Երբ Սամարացիներն իմացան, որ գերութիւնից դարձող հրէաներն սկսել են Աստուծոյ համար տուն շինել, եկան Զօրաբարէլի և ժողովրդի տոհմապետների մօտ ու ասացին. «Մենք ևս կամենում ենք Աստուծոյ տան շինութեան մասնակից լինել»: Իսկ նրանք պատասխանեցին. «Չի վայելի ձեզ և մեզ միասին մեր Աստուծոյ տունը կառուցանել, մենք կամենում ենք միայնակ շինել»: Այդ օրից սկսած՝ Սամարացիներն աշխատումէին խանգարել շինութիւնը և ժողովրդին սառեցնել: Բայց Աստուծած իւր ժողովրդի հետն էր: Նրանք աւարտեցին տաճարը և մեծ հանդէսով և ուրախութեամբ օծեցին: Սորանից յետոյ նրանք Պատէքի տօնը ևս կատարեցին, որովհետև Աստուծած նրանց սիրտն ուրախացրել էր:

Մի քանի տարի սորանից յետոյ Եղրասը, որը մի ընդունակ և գիտնական մարդ էր, դարձաւ Երուսաղէմ. սորա հետ եկան և շատ քահանաներ և դետացիներ ու էլի մեծ բազմութիւն ժողովրդեան: Նա վերականգնեց աստուծապաշտութեան կարգը Մովսէսի գրուածքներին համաձայն և հաւաքեց այն

քոլոր գրուածքներն, որոնք Մովսէսից սկսած յայտնին: Ժողովրդից ումանք հեթանու կանաչք ու նէին: Եղրասը Աստուծոյ անունով պատուիրեց նրանց, որ բաժանուեն իրանց կանանցից և բաժանուեցին:

Պարսից թագաւորի տակառապետ Նէեմեն Յուդայի տան մի քանի մարդկանցից լսեց, որ Երուսաղէմի պարիսպները դեռ ևս կործանուած են: Նա գնաց իւր թագաւորի մօտն և ասաց. «Եթէ քեզ հաճելի է, թոյլ տուր, արձակի՞ր ծառացիդ որ գնամ և իմ հայրերի քաղաքը շինեմ»: Թագաւորը թոյլ տուեց նորան. Նէեմին վերադարձաւ հայրենիք և խօսեց ժողովրդի տոհմապետների հետ: Այն ժամանակ սկսեց քաղաքի պարիսպները և գոները շինել: Երբ այս բանը սամարացիներն իմացան, հաւաքուեցան, խումբ կազմեցին և սկսեցին պատերազմել հրէաների հետ: Նէեմին ասաց. «Մեր Աստուծը մեր փոխարէն կպատերազմէ» և պահապաններ նշանակեց թշնամիների դէմ, որ գիշեր և ցերեկ հսկեն: Հրէաների կէսը զինուորուած՝ զէնքը ձեռին—սրերով, նիզակներով, աղեղով և նետով պատերազմումէին, իսկ միւս կէսը պարիսպներն էր կառուցանում—ամենայն մի աշխատաւոր սուրը մէջքին ունէր կապած: Այսպէս նրանք մի ձեռքով աշխատումէին, իսկ միւսով զէնքն ունէին բռնած: Այս ձևով վերջացրին քաղաքի պարիսպները: Սորանից յետոյ Նէեմին բոլոր ժողովրդին Յուդայի քահաքաներից Երուսաղէմ հաւաքեց: Եղրասը գայի քաղաքներից Երուսաղէմ հաւաքեց: Եղրասը գուրս բերեց Մովսէսի օրինաց գիրքը. դուրս եկաւ ժողովրդի առաջ և կարդումէր՝ առաւօտից մինչեւ երեկոյ: Բոլոր ժողովուրդն արտասպումէր օրինաց

խօսքերն լսելուն պէս: Եղբասն ասաց, «Եկէք Աստու-
ծոյ հետ հաստատ մի դաշն կապենք»: Նրանք խոստու-
վանեցին իրանց լանցանքը և երդուեցին, որ Աստու-
ծոյ օրէնքների համաձայն կվարուին, նրա պատուի-
քաններից չեն անցնի»:

«Որ համբերեացն իսպառ, նա կեցցէ»: Մատ. իդ. 13:


Ով որ մինչև վերջը համբերէ, նա կիրկուի.

«Ոչ սպառնալեօք իմովք շարժել զերինս, եւ փո-
փոխել զբլուրս»: «Ոչ ողորմութիւն իմ պակասեսցի
՚ի քէն եւ ոչ ուխտ խաղաղութեան քոյ անցցէ»:
Եսայի ծդ. 10.

Լեռները կշարժուին և բլուրները կսասանին,
բաց իմ ողորմութիւնը քեզանից չի քաշուի և իմ
խաղաղութեան ուխտը զի սասանուիլ:


Կ Ե Ր Զ

Խոսքը ամենանշանակալի պատճեն է այս գիրքու, այսուհետեւ այս գործությունը կազմված է ամենահամար առավել անհամար ապահով լուսավորությամբ: Դա այս գործության առաջնահատ համար է պատճեն այս գիրքու: Սա այս ապահով է առաջնահատը այս գիրքու: Այս գործությունը կազմված է առավել անհամար ապահով լուսավորությամբ:



Ա. Տ.

Անուանման վեհ է 1057թ



1572

1573



1572



1573

